

# 東方雜誌

第七年 第七期

大清郵政局特准掛號認爲新聞紙類

論旨庚戌六月

論說 ● 論近來經濟恐慌宜籌調護之長策

記載 ● 中國大事記 ● 中國大事記補遺 (▲南洋勸業會續聞 ▲續記湖北西陽州居民械鬪事 ▲湖南省城亂事餘記) ● 世界大事記 ● 中國時事彙錄 (▲國會請願之近狀 ▲記中俄松花江之交涉 ▲俄人對於滿蒙之政策 ▲記俄國遠征隊深入蒙古事 ▲東三省要聞彙錄 ▲五記錦愛鐵路問題 ▲記本溪湖煤礦交涉之結果 ▲續記奉天省搶米之大風潮 ▲山東路礦述聞 ▲浙鹽改售洋碼續記 ▲安徽湖北水災記 ▲十六記湘鄂路線商借外款情形 ▲記廣東劣紳抗查戶口之風潮 ▲記英使反對鴉片專賣事 ▲記廣西匪亂近狀 ▲各省要事彙錄 ▲各省路礦述聞 ▲美國華僑近聞 ▲華商赴比賽會紀事) ● 世界時事彙錄 (▲記法將論泰東之真相 ▲記法將論塔虎脫氏談 ▲記法國政界近況 ▲記埃及國民黨近狀)

文件 ● 奏牘 (督辦鹽政處會奏廣東鹽務新商加餉辦法窒礙難行擬請仍令舊商辦理摺 ▲署兩廣總督袁樹勛奏中央集權宜先有責任政府及監察機關摺 ▲雲貴總督李經羲奏請設責任內閣摺 ▲湖北布政使王乃徵奏請變通憲政辦法摺)

調查 ● 中國調查錄 (▲漢冶萍煤鐵廠礦記略)

附錄 ● 新知識 ● 雜纂 ● 雜俎 ● 行紀 ● 文苑 ● 小說

各表 ● 京外職官表 ● 金銀時價表

諭 旨

庚戌六月

六月初一日內閣奉

上諭袁樹勛奏江甯提學使陳伯陶呈請開缺在籍養親據情代奏一摺江甯提學使陳伯陶著准其開缺欽此

同日奉

上諭江甯提學使著勞乃宜補授欽此

六月初三日內閣奉

上諭直隸承德府遺缺知府員缺著麟祐補授欽此

六月初五日內閣奉

上諭總司稽察守衛事宜阿穆爾靈圭等奏守衛官兵當差疎懈據實糾參一摺禁門重地守衛宜嚴屢經詰誡不啻三令五申乃本月初三日竟有侍衛處筆帖式海祥擅入蒼震門該班官兵毫無覺察實屬異常玩忽護軍統領恆春著交部嚴加議處景運門司鑰長恩隆著一併交部議處值班大臣正紅旗護軍統領誠全督率

無方亦難辭咎著交部議處餘依議該衙門知道欽此

同日奉

上諭吉林西南路道員缺著顏世清補授欽此 同日奉

旨正白旗蒙古副都統王英楷因病奏請開缺一摺王英楷著准其開缺欽此

六月初六日內閣奉

上諭前因宮禁守衛日漸疏懈疊經嚴申詰誡並諭令稽察守衛大臣詳定專章切實整頓該值班官兵應如何恪守定章始終罔懈乃奉行未久又復視為具文竟至有人擅入內廷重地殊屬不成事體昨已有旨將失察之官兵分別懲處嗣後著責成前鋒護軍各統領總管內務府大臣嚴飭該班官兵慎遵疊次諭旨及奏定章程認真巡查不准絲毫疏懈自此次申諭後倘再仍前玩忽定即從重懲處決不姑寬並著稽察守衛王大臣加意稽察該班官兵曠誤情事破除情面隨時據實糾參勿稍瞻徇以昭嚴肅欽此 同日奉

旨正白旗蒙古副都統著靈熙補授欽此

六月初七日內閣奉

上諭七月初一日孟秋時享 太廟遣懋林恭代行禮

後殿派魁斌行禮東廡西廡派希璋榮鑿各分獻欽此

同日奉

上諭伊犁將軍廣福奏藩王營私藐法請旨懲辦一摺據

稱舊土爾扈特東部落郡王帕勒塔函致署伊犁府知

府賀家棟欲以官權壓買羊隻又稱擬將貝子德恩沁

阿拉什劣蹟糾參指稱交伊犁將軍查辦革去此人之

爵將來覆奏能否辦到若由將軍自行嚴劾更佳等語

帕勒塔身列藩封在京當差應如何謹慎奉公深知自

愛乃擅致信函挾私請託實屬不安本分帕勒塔著交

理藩部議處以示懲儆欽此

六月初八日內閣奉

上諭鑲藍旗滿洲副都統塔克什訥由繙譯生員總理衙

門八品官隨使各國會著勞績擢升副都統歷充各差

均能勤職茲聞溘逝軫惜殊深加恩著照副都統例賜

卹任內一切處分悉予開復應得卹典該衙門察例具

奏欽此 同日奉

旨文璞著調補鑲藍旗滿洲副都統所遺鑲藍旗漢軍副

都統著奎煥補授欽此 同日奉

旨著派那彥圖管理圓明園八旗包衣三旗官兵並烏槍

營事務欽此

六月初九日內閣奉

上諭本日軍諮處陸軍部帶領引見之軍官學堂第二班

速成科考列上中等畢業學員張安邦姚任支吳中英

趙瑞龍余鵬舉張培勳奚宗唐賈文祥畢化東吳德振

楊紹曾杜持王承斌楚埤郭連峯均著授爲步隊正軍

校方本仁張仲鼎王冠勳均著授爲馬隊正軍校孫岳

謝紹安均著授爲砲隊正軍校吳兆薰文藻蘭芳均著

授爲工程隊正軍校程夔著授爲輜重隊正軍校金鴻

恩徐鎮坤寶恆李正溶唐國讓王永清胡驥龍李景泌

雙斌馬鳳亭斌啟均著授爲步隊副軍校王金山璠印均著授爲馬隊副軍校陳寶琮徐森劉廷森均著授爲礮隊副軍校其已補步隊副軍校之訥欽泰王獻廷胡雲程王都慶李濟臣胡國棟成居敬馬隊副軍校穆文善馬興邦孟廣潤礮隊副軍校董玉銘桂成輻重隊副軍校樂汝霖均著賞加五品銜欽此

六月初十日內閣奉

上諭周樹模電奏江省本年入夏以來陰雨過多至五月下旬連日大雨各處江河暴漲汎濫爲災愛琿坤河水發屯居被淹雨雹寸餘禾苗傷損嫩江龍江地畝亦多淹漫秋收失望大賚廳屬塔子城地方積雨生蟲食禾殆盡等語江省連年歉收茲復被水被蟲田廬浸沒蕩析堪虞覽奏殊深憫惻加恩著賞給帑銀二萬兩由度支部發給該撫派委妥員前往災區切實散放毋任失所用副朝廷軫念災黎之至意餘著照所請該部知道欽此

諭 旨

六月十二日內閣奉

上諭江西贛州府知府員缺緊要著該撫於通省知府內揀員調補所遺員缺著楊熊祥補授欽此

六月十三日奉

旨正白旗護軍統領印鑰著英信暫行佩帶欽此

六月十四日內閣奉

上諭所有新定宗室覺羅訴訟章程著俟新定法律實行及將來皇室大典並民刑訴訟法頒布後再行會同奏明實行現在宗室覺羅訴訟一切事宜著暫行仍照向章辦理毋庸按照新章更改該衙門知道欽此 同日奉

旨正黃旗滿洲帶領引見之記名二等侍衛三等侍衛松年著賞給二等侍衛陸軍部補用郎中松著著仍以郎中儘先補用欽此

六月十六日內閣奉

上諭鑲白旗漢軍副都統馮國璋現在百日孝滿著改爲

八十九

庚戌

署任照常當差欽此

六月十七日奉

旨此次考取各省拔貢著於本月二十六二十七在保

和殿覆試欽此 同日奉

旨恩存現在穿孝其所管鑲紅旗漢軍都統著載瀛署理

欽此

六月十八日內閣奉

上諭籌辦海軍事務大臣貝勒載洵著充參預政務大臣

欽此 同日奉

上諭馮汝騏奏考察屬員賢否分別舉劾一摺江西饒州

府知府王祖同南安府同知請調廣信府同知明良署

萍鄉縣瀘溪縣知縣楊焜代理萬載縣補用知州金沛

田署贛縣補用知縣汪都良准補義甯州知州許鳳藻

既據該撫臚陳政績均著傳旨嘉獎廣信府通判晏蔚

琦玩視功令顯預糊塗龍南縣知縣沈錫綬權落家丁

操守不謹署清江縣知縣葉培椿信任官親家丁辜

懈弛試用知縣張宣中行止不謹有玷官箴安遠縣板石司巡檢袁備璋擅行簽差贖案私和署大庾縣赤石司巡檢余蔭桐辦事敷衍鄱陽縣典史姚樹藩疏懶無能餘干縣典史徐錫麟嗜賭玩公均著卽行革職德安縣知縣柴正衡要案延不解勘監斃多名著開缺撤省聽候查辦署浮梁縣星子縣知縣劉仁壽禁賭不力著摘去頂戴撤省察看又片奏禁煙不力之署甯都州補用知縣王樹森於該州私種煙苗未能禁拔迨委員蒞勘又不上緊嚴辦著卽行革職署永新縣試用知縣盛時廣先事未能勸禁臨時剷拔幾釀聚衆抗拒之案著摘去頂戴撤省察看卸署玉山縣試用知縣王慶大禁拔煙苗不嚴產土較多著摘去頂戴停委三年蓮花廳同知俞錫祉雖已拔禁惟產苗較多著撤任摘去頂戴又片奏陸軍混成協馬隊第一營管帶副軍校江澄清品行不端操守難信應發馬乾含混倒馬甚多二標步隊第一營管帶縣丞職銜宜象雖敷衍顯預紀律懈弛

二標步隊第二營後隊隊官協軍校劉聲震嗜賭儉安操課懈弛九江城守營守備劉國棟任性妄爲均著一併革職江澄清並著驅逐回籍交地方官嚴加管束不准投効各省軍營該部知道欽此

六月十九日內閣奉

上諭本日引見陸軍貴胄學堂畢業考列上等之一等男爵麟鈺著以二等侍衛用宗室世綱著以三等侍衛用考列中等之恩騎尉尙久恩著以藍翎侍衛用欽此

六月二十日內閣奉

上諭鹿傳霖奏再陳久病情形仍請開去軍機大臣要差並續假兩個月一摺覽奏情詞懇切實屬出於至誠惟朝廷倚任老成深資贊助著再賞假兩個月並賞給人蔭二兩俾資調攝所請開去軍機大臣差使之處仍毋庸議欽此 同日奉

上諭梁敦彥奏假期屆滿病仍未痊懇請開缺一摺外務部尙書梁敦彥著准其開缺俾得安心調理一俟病痊

即行銷假當差欽此 同日奉

上諭外務部尙書兼會辦大臣著鄒嘉來補授胡惟德著轉補外務部左侍郎外務部右侍郎著曹汝霖補授劉玉麟著補授外務部右丞欽此 同日奉

上諭外務部左侍郎胡惟德著充稅務處幫辦大臣欽此 六月二十二日奉

旨加恩御前行走之阿拉善親王塔旺布魯克扎勒著戴

三眼花翎欽此

六月二十四日內閣奉

上諭禮部右參議著端緒署理欽此 同日奉

上諭增韜奏布政使顏鍾騷呈請開缺修墓據情代表一

摺浙江布政使顏鍾騷著准其開缺欽此 同日奉

上諭山西歸綏道員缺著成麟補授欽此

六月二十五日內閣奉

上諭各省舉行籌政就地籌款如學堂巡警諸務原以本地方之財用辦本地方之公益而地方自治卽以此爲

根基惟一省之中州縣貧富不同風氣亦異全在地方官酌度情形量力辦事察吏司諸督撫責成則在州縣爲牧令者必當勤於理事通達民隱凡涉地方行政添籌捐款應於事前剴切曉諭集耆老子弟告以此事之所以然又善用士紳蒞之以嚴察則疑謗之端自少謠言無自而生卽間有恃強抗阻者核其情節擇尤懲治一二人公道旣彰斷無激動衆憤之理蓋牧令得人而地方滋亂者未之有也乃聞不肖州縣平時上下隔絕於行政籌款等事不加體察委之地方紳董紳士之賢者或潔身引避不願與聞或亦熱心公益出力辦事而憑藉官勢不諒輿情甚或借端抑勒挾私自肥百姓以爲厲己則怨讟叢生馴至布散謠言釀成事變究其原始僅由一二人之辦理不善而地方官實職其咎試問任用此地方官者督撫安所逃責耶嗣後各省督撫務當督同藩司慎選牧令爲地擇人各道府於所轄州縣聲息相通見聞必確凡州縣官辦事不合卽當據實稟

報倘含糊徇隱則轄境有事一併參處如是則督撫慎選於先責成該管道府寄以耳目又或密加察訪證諸輿論則於州縣官之賢否亦十得其八九矣豈待參劾於事後以爲卸責之地耶今各督撫勞於行政亟於籌款而恆疏於察吏不知吏治不修則勞民傷財亂端且從此起新政何由而行其各加意於茲斯爲綏靖地方之至計也將此通諭知之欽此 同日奉

上諭浙江布政使著吳引孫補授欽此

六月二十六日內閣奉

上諭朝廷設官分職所重惟廉考諸往古類皆訂有坐贓專律貪人敗類久爲法所不容誠以蠹國病民莫此爲甚也我朝仁厚開基一切務從寬大 欽頒大清律獨受贓一門制刑特重伏讀 列朝 聖訓復於懲戒貪墨迭次加嚴不少寬假仰見 執中定法具有深意存乎其間降及今日人心愈幻作弊愈工寵賂官邪比比皆是或假新政爲名肆行侵蝕或以官缺爲市巧試奸

欺或資緣薦引藉博高官或營謀開復代陳冤抑似此廉隅之不飭非上屬國帑卽下劫民財儻非峻法相繩後患何堪設想亟宜申明典章頒示中外嗣後著責成各部院堂官各直省督撫加意嚴查遇有貪官污吏及辦理新政或承辦要工人員查有吞款入己等弊務卽羅列款目據實奏參一面追贓一面按律從重治罪至奉旨查辦事件內外大臣於交查案件有關贓款者必須秉公澈究以期水落石出儻有瞻徇寬縱情事一經發覺立予嚴懲並著言路諸臣隨時嚴密訪查詳確糾參請旨辦理總之形端而後表正大法乃能小廉凡自貴戚以下及內外各大臣尤須敦品勵行整躬率屬以祛痼習而正人心自此次申儆之後無論內外大小臣工有犯必懲決不姑寬其各懷遵母違用副朝廷激濁揚清實事求是之至意將此通諭知之欽此 同日奉

上諭孫寶琦奏考核文武屬員據實舉劾一摺山東兗沂曹濟道吳永前代理登萊青膠道余則達請調濟南府

諭 旨

知府黃會源署武定府知府方桂芬請補臨清直隸州知州金猷大厯城縣知縣張汝鈞署武城縣奉任鉅野縣知縣王延綸署陽信縣知縣倉永培卸署高苑縣奉任惠民縣知縣涂紹光署惠民縣知縣廖以仁署蘭山縣本任臨邑縣知縣金榮桂既據該撫臚陳政績著卽傳旨嘉獎候補道蔣文懋統領巡防各營軍心解體任性妄爲不知檢束著革職永不敘用登州府知府文淇勇於任事氣質稍偏著開缺另補登州府同知鮑忠瀚舉止輕浮輿論不洽館陶縣知縣陳毓崧辦事粗疏虧空公款章邱縣知縣董燕性情疲軟不堪繁劇博興縣知縣王熾昌才識庸闇難膺民社霑化縣知縣沈桐性情迂拘疏於聽斷署鄒城縣知縣章宗渭任用子弟操守難信署棲霞縣知縣瞿襄品行鄙陋物議沸騰候補知縣姚世傑逢迎取巧遇事招搖候補知縣羅培鑾性情卑瑣不知自愛管帶巡防營候補副將邱鎮榮浮而不實嘖有煩言均著一併革職濮州營守備光麟署



桃源營守備候補守備張金元均屬品行卑污嗜好未除前管帶先鋒中營儘先千總康福奎性情貪詐劣跡多端均著革職永不敘用又片奏萊陽縣知縣朱槐之平日紳民互仇不能秉公處置以至結怨日深本年聚衆二次惟知敷衍說和且於曲思文結黨陰謀毫無覺察形同讐贖海陽縣知縣方奎才本平庸不孚民望於徵收錢糧搭配制錢銅元不知剴切曉諭致激民變均著先行革職並將釀亂情形再行確查據實具奏該部知道欽此 同日奉

上諭河南河北鎮總兵員缺著謝寶勝補授欽此

六月二十七日內閣奉

上諭山東登州府知府員缺著光裕補授欽此

六月二十八日內閣奉

上諭聯魁奏府廳州縣興學考成分別舉劾一摺所有實心興學之新疆焉耆府知府張銑署甯遠縣知縣趙孟盤均著傳旨嘉獎其興學不力之烏什廳同知方鑿候

補直隸州知州開缺奇臺縣知縣楊方熾前代理皮山縣知縣候補同知劉國福均著即行革職鎮西廳同知袁運鴻著開缺另補餘著照所議辦理該部知道欽此

同日奉

上諭李經羲等奏提督因病懇請開缺據情代奏一摺貴州提督徐印川著准其開缺貴州提督著李寶書補授欽此

六月二十九日內閣奉

上諭貴州安義鎮總兵員缺著沈大鼈補授欽此

### 交 旨

六月初二日軍機大臣欽奉

諭旨貝勒載洵等奏現修 崇陵工程情形一摺又奏各段辦法並呈進樣土一片又奏派王憲章充監修官一片均知道了欽此 同日奉

諭旨鹿傳霖奏承修內閣紅本大庫工程完竣請派員驗

收一摺著派世續前往驗收餘依議欽此 同日奉

諭旨湖北布政使王乃徵奏籌備憲政酌分緩急一摺著  
在京各衙門各省督撫歸併御史趙炳麟條陳一併詳  
議具奏欽此 同日奉

諭旨湖北布政使王乃徵奏現行紙幣及銅圓定價請飭  
部核議一片著度支部知道欽此

六月初四日軍機大臣欽奉

諭旨貝子溥倫奏進呈資政院工程總圖並陳明大概情  
形一摺著依議圖併發又奏陳明資政院暫借法律學  
堂爲議場一摺又奏欽選議員單內承恩公榮泉誤書  
榮全奏明更正一片均知道了又奏請頒賞圖書集成  
並行取各省官書一片著依議欽此 同日奉

諭旨廂黃旗滿洲都統那彥圖等奏請將八旗兵餉援照  
奏定官俸辦法亦照國幣釐定一摺著會議政務處議  
奏欽此

六月初五日軍機大臣欽奉

諭旨著派沈林一與原派撰擬講義各員輪班撰擬進呈

欽此 同日奉

諭旨都察院代奏甘肅京官任承允等以已故甘肅布政  
使丁體常循聲卓著遺愛在民請宣付國史館立傳並  
請於秦州地方建立專祠呈二件丁體常著准其於秦  
州地方捐建專祠該部知道欽此 同日奉

諭旨都察院奏據已革河南候補直隸州知州宋敬熙等  
呈稱被參冤抑並據河南巡撫咨覆查明不無冤抑各  
摺已革河南候補直隸州知州宋敬熙已革署河南商  
城縣中牟縣知縣戚渠清均著交吏部帶領引見欽此  
同日奉

諭旨民政部奏華僑熱誠愛國忠悃可嘉一摺候選郎中  
陸乃翔在南洋各埠創立商會興辦學校現復辦合華  
股創辦實業深堪嘉尚陸乃翔著俟辦有成效再行優  
予獎勵該部知道欽此

六月初九日軍機大臣欽奉

諭旨正藍旗滿洲副都統豐深著加恩免其帶領引見欽此 同日奉

諭旨法部奏本年法官考試請派考試官一摺四川著派

張不基陳棣堂雲南著派何奏篋蕭之霖貴州著派林

榮朱汝珍甘肅新疆著派李擢英蕭丙炎又奏請派襄

校官一片著派顏紹澤銘廉斬錫蘭培元呂興周何賓

笙萬之一惲福鴻又奏考官襄校官酌給津貼一片又

奏派赴甘肅考官襄校各員於該省考試畢再行前赴

新疆考試一片均著依議欽此

六月初十日軍機大臣欽奉

諭旨出使日本國大臣郵傳部左侍郎汪大燮著賞給二

等第一寶星欽此

六月十四日軍機大臣欽奉

諭旨汪大燮奏考察英國憲政編輯各書繕具清本呈覽

一摺書留覽該衙門知道欽此 同日奉

諭旨沈家本奏法律學堂附設監獄專修科收支款項截

數開報一摺該部知道單併發欽此 同日奉

諭旨沈家本奏法律學堂附設專修科學員畢業陳明原

案酌擬辦法一摺又奏監獄專修科教習日本法學博

士小河滋次郎等到堂教授期滿請賞寶星一片均著

該部知道欽此 同日奉

諭旨本日引見之已革在任候補直隸州知州前直隸豐

潤縣知縣郭文翥著准其開復原官欽此

六月十六日軍機大臣欽奉

諭旨憲政編查館奏暫留館員勞乃宣緩赴江甯提學使

新任一摺著依議又奏勞乃宣應否迴避江蘇據呈代

奏一片著毋庸迴避欽此

六月十七日軍機大臣欽奉

諭旨本月二十八日 德宗景皇帝聖誕致祭 奉先殿

著派恭親王溥偉恭代行禮 壽皇殿著派貝勒載洵

恭代行禮欽此 同日奉

諭旨本月二十八日 德宗景皇帝聖誕著派禮親王世

鐸恭詣 梁格莊 行宮暫安殿敬謹行禮欽此

六月十九日軍機大臣欽奉

諭旨御史石鏡演奏法令解釋紛歧致適用未能畫一一

摺著憲政編查館議奏欽此 同日奉

諭旨本日引見之已革鳳凰城驍騎校純玉著開復原官

欽此 同日奉

諭旨此次軍政補行引見年至六十五歲以上之護軍參

領文元著照舊供職欽此

六月二十四日軍機大臣欽奉

諭旨本日引見之已革河南中牟縣知縣戚渠清已革河

南候補直隸州知州宋敬熙均著開復原官欽此 同

日奉

諭旨本日引見之已革雲南大姚縣知縣謝懷宣已革湖

北試用知縣張映景均著以縣丞用欽此

六月二十六日軍機大臣欽奉

諭旨嗣後進呈講義諸臣輪應進講日期如遇患病均准

其具摺請假欽此

六月二十七日軍機大臣欽奉

諭旨總司稽察守衛事宜王大臣阿穆爾靈圭等奏整頓

守衛官兵一摺著派載澤壽勳會同阿穆爾靈圭載潤

將前鋒護軍暨內務府三旗護軍各營逐一查辦釐定

章程奏明請旨辦理欽此 同日奉

諭旨總司稽察守衛事宜王大臣阿穆爾靈圭等奏加派

稽察章京一片知道了欽此

六月二十八日軍機大臣欽奉

諭旨御史胡思敬奏郵傳部候補丞參添派過多請旨酌

量裁減一摺著郵傳部堂官酌量裁撤嗣後務須核實

辦理勿涉浮濫欽此 同日奉

諭旨陸軍部奏請襲世職一摺何桂珍之曾孫何紹先著

准其承襲雲騎尉世職欽此

六月二十九日軍機大臣欽奉

諭旨憲政編查館法部會奏議覆內閣侍讀學士延昌奏

內閣驗放單  
吏部引見單

舉行法官考試請飭改定規則一摺著依議欽此

內閣驗放單  
吏部引見單

六月初五日經內閣奏 派王大臣驗放揀選一等截  
取揀選舉人陳元凱蕭德驊梁柏年陳海瀛李樹滋逢  
寶琛梁宗桀樊文茲萬鈞顏觀棠周維宗均堪以知縣  
用揀選二等截取揀選舉人陳繼虞俞長齡張篤光劉  
方熾袁玉麟李本善溫玉如沈奎光劉昭漢孟昭斌馬  
文釋程鑒光洪里仁任錦堂王道炳紀有堂張元祥梁  
榮恩孫瓊丁世佳郭象蒙趙丙燮趙錫源楊景時徐仁  
銓王室藩吳廷傑麥植榮劉蘭芬褚式鑿王謀謀李定  
瑩邱蘊生梁蔭貽均堪以直隸州州同鹽庫各大使製  
用截取內閣中書熊璧保舉山東候補知縣李鍾濬林  
介鈺均堪以照例用奏留吏部學習主事春蘇堪以准  
其留部初六日覆奏奉  
旨依議欽此

九十八

七月

六月初十日經內閣奏 派王大臣驗放分發直隸試  
用同知裕康江蘇試用同知盛邦采貴州試用同知吳  
紹鴻四川補用直隸州知州魏家斌廣東補用直隸州  
知州張恆湘廣東試用直隸州知州劉義寬河南補用  
知州姚振國直隸試用知州汪沂江蘇試用知州周仁  
壽安徽試用通判顧元昌秦會釐山東試用通判張文  
標山西試用通判沈寶華湖北試用通判邱元山王廣  
颺邢福萃廣東試用通判劉德成潘尙綱直隸補用知  
縣方廷瑞安乘禮柴豫芳胡自榮皇甫振清陳斐然楊  
永昌董桂萼段慎憲張景官姚玉乾張應麟王葆琳安  
徽補用知縣沈祖煌山西補用知縣周鍾英湖北補用  
知縣龍燦章湖南補用知縣羅良經福建補用知縣永  
寰廣東補用知縣廖潤鴻直隸試用知縣鄭毅章吳壽  
曾江蘇試用知縣張寶書勞道傳吳遜孺安徽試用知  
縣劉文藻陝西試用知縣彭元炳王在湘甘肅試用知  
縣賴維祺浙江試用知縣凌其檀江西試用知縣陳謙

湖北試用知縣方世泰張懋祖李寶彝四川試用知縣陸先耀廣西試用知縣何文蔚雲南試用知縣張國源安徽試用直隸州州同宋肇琨直隸試用布庫大使張廷楨長蘆試用鹽大使喬滋樹兩浙試用鹽大使王端廣東試用鹽大使章榮襄雲南試用鹽大使潘琛遠均堪以照例發往截取內閣中書王憲燕保舉湖北候補知縣魯寶清均堪以照例用十一日覆奏奉

旨依議欽此

六月十四日奉

旨廕生麟文著以文職用續珍著以旗員用馬繼祖著外用陳鼎澂著外用內閣侍讀學士員缺著恩綸補授內閣中書員缺著恩崇補授擬補內閣中書默德哩鐵麟海榮長福存榮吏部筆帖式崧元擬選 昌西陵工部員外郎寶鴻陝西鳳翔府知府德祐安徽廬州府同知臧著興鑾興衛筆帖式郭隆阿禮部筆帖式緒康俱著准其補授分發直隸試用道王乃成河南試用道周錫


內閣  
吏部  
禮部  
兵部  
刑部  
工部  
戶部  
欽此

綸陝西試用道巢鳳岡甘肅試用道向榮山西補用知府葉鏡湜俱著照例發往保舉直隸候補知府楊同高江西候補知府左念慈俱著照例用開復前江西試用知府吳毓庭著准其開復原官照例用欽此

六月二十四日奉

旨廕生桂山著內用張景俊著外用王正鵠著外用滿給事中員缺著英奎補授開復候選道陳政詩著准其開復原官照例用欽此

支内  
部圖  
引驗  
見放  
單



一  
百

七  
頁

## 論 說

論近來經濟恐慌宜籌調護之長策

寂 音

恐慌二字之名詞。其來乃傳自東譯。東語之所詰者。在西文爲 (Times Crisis) 科耳西司。本爲醫家之術語。中含危險之意義。然以承用既久。與悠遠之時世鎔冶演繹。而引伸之用。以生。馴至漸應用於政治上。更應用於經濟上。此今日恐慌之名所由來。亦卽各國言語文字流變之一例也。

顧此名詞之流入中土爲期至近。約在距今十餘年間。吾人稍棲心於時局者。咸能追憶所從而一思。卽得初無事於推燭。詎知近十年來所現恐慌之危象。儼若與此名詞同時出產。今且隨地蔓延。久而益烈。以吾國人智慮之短。經驗之疏。乃忽有此倏至之禍。從其不覺之地。而日相摩盪。則其爲患於今日窮困之中國者。詎非破舟之遇颶風。危病之遭血債乎。不速謀其救濟之策。無論國計民生。隨在皆攖其害。自餘一切農工商業。亦必因茲消燦。難獲蘇息發榮之機。精力內澌而外勢加逼。此其釀爲國家莫大之厄運者。豈待智者而後知。



哉。

試就十年來發生之恐慌。而一竟其原委。當有以知此種危象之日烈。而吾言爲不誣矣。蓋自庚子以後。天津因兵火摧殘。始現恐慌。掣動全市。迥非從前錢荒之比。影響所及。遂令北部之商業。日陷悲境。訖今猶未恢復。乃未幾復現於營口矣。復現於漢口。南京。杭州。諸地矣。及至今年夏間。上海復現大恐慌。爲勢之棘。頗有愈降而愈加甚之概。以上海市面。呼吸江海。縮轂東南。六十年來。常居通國股市第一。故近頃之恐慌。流波所至。既有驚怖無極之勢。而東南諸市。又皆被斯牽。帥朝不慮夕。矧其蓄極將潰之萌。朕尙復時時震撼。儼若天傾地圯。人盡受之。而無從追免者。是則近頃上海之恐慌。雖幸吾國官長出而維持。以救濟於一時。然因爲之未得其道。未澈其宗。故今日僅能少獲旦夕之安。而於根本問題。固猶拋撇於隱蘊之中。未嘗有所解決也。

試更鉤抉恐慌所出起。其在歐美諸國。天行之著例。不外供求之間。忽生劇烈之變。與夫生產消費之兩途。不期而有意外之盈虧。以致生現狀。若此者。固爲醞成恐慌之原因。至其見於實例者。則有時而發於農業。或有時而發於工業。有時更發於商業。又如近世人心愈巧。

投機即買賣之事勃興。以其挹注不常。能令國財傾向於偏極。而生欹輕欹重之虞。然在商人。惟知注目於射利之塗。其於盈虛消息之宜。多未能察。蓋因迷於一往而未遑審計。及此以故。投機事業所釀成之恐慌。常為智力所不及料。而其為禍亦愈烈矣。又如貨幣之流行。在國家本有常定之額。然其多寡之數。常與人民生事之舒慘。以相因緣。設有時貨幣調劑之度。忽生改變。於是國家所定之法。價驟然而與實價相離。其勢且令物價頓生不規則之漲縮。則在一切人民之事業。生計亦皆受此不期之禍。而推激不可甯弭。此所發之恐慌。且轉加甚於投機。其為害也尤普遍而不可逃矣。總而言之。上列諸種恐慌。皆不外於信用失墜之所致。故皆可以信用恐慌一例為之函蓋。櫛括也。

吾國近年所現之恐慌。亦不外於一部分之營業人信用失墜。以其人平日常宅殷市衝衢。關連頗衆。故波流所屆。乃不免多受其殃。而一時市面亦且為之大生震動。此其大較之現象。皆不違於信用恐慌之一例也。雖然。吾今更就微隱以推勘之。頗覺此中大有慄慄可危之兆。蓋吾國近來恐慌所演之界線。其所被於事例者。已自投機恐慌而將迎於貨幣恐慌矣。假今猶不早為之所坐。令貨幣恐慌感受外緣。而忽暴縮。則後此之信用。必將夷滅無餘。

而不可以爲國。彼外人之見可而進，必將乘此熾要而益有以絕我之脰，拊我之背矣。或謂當百餘年前，歐洲恐慌之前例，至危極厲，頗有倍蓰於我今日之勢。然終不害其今日之盛。試檢經濟學者所引之歷史研究，而見其恐慌之原，不外兩大端：一爲內因，一爲外緣。顧自滑鐵盧戰事以後，外緣所生之恐慌，已不常見。率多起於內因。惟當滑鐵盧戰事以前，英國嘗有三次大恐慌：一在一千八百十一年，一在一千八百十五年，一在一千八百十八年。此三次之大恐慌，皆因兵連禍結，田荒物窘，所醞成。因其機緘，乃爲外至之力所攝。故學者以外緣稱之。若夫滑鐵盧大戰以後，歐洲兵禍稍紓，似可不再有恐慌。顧其實際，乃至不然。蓋因科學勃興，營業之風，競熾。人民心量多傾注於獲利之一向，往往知進而不知退，知得而不知喪，遂致醞爲一千八百二十二年之大恐慌。此恐慌之原因，乃因通運電氣各種營業乘時怒起，英人偏於企業之熱心，常投貲本於外，以規厚利。故其國家銀行以現金不足供給，則多印紙幣以代現金之用。羌無限制，不免過濫。忽遇一大公司失敗，頽波傾洞，全國國家銀行之力不足以救制。於是人民頓失紙幣之信，紛紛持券向銀行索取現金。然在彼時儲金之法度，尙未完密。禍未生時，又乏事前之豫備。終至現金缺乏，不足以應付需求。

銀行公司相率倒閉。擾攘殆難名狀。幾似被兵之勢亂矣。其後政府知難坐視。乃以國家之威信用為銀行擔保。多發有證價之新幣。使即持券兌換。可立得現金。且能久而久之。事乃救定。此為英國當年大恐慌之危象也。止按吾國計。荷願目前。而滙發紙幣。此危機之萌。已與

英國當年相似。設使不幸而蹈英國當年覆轍。竊恐一端如當年之英國。既行險矣。而無之。幸府出其信用。尚能收鎮定之功。而吾政府之信用。決不能如當年之英國。既行險矣。而無之。幸可邀其禍。必有不測。言者至若如何籌濟之法。以求維於事前者。當於後文發之。及至一千八百三十六年。英國又復有大恐慌出

現。此恐慌之原因。畧異於前。蓋自前次大恐慌後。市況頗形不振。遲至十餘年。始稍復其舊態。顧此時人民之營業心。多注重於保險、運河、礦山事業。營此業者。常將資本輸入外國。以從事於善地之經營。旋以美國商業失敗。破產蠶起。英人貲財。平時多傾注於美。遂受莫大之累。而再生大恐慌。此恐慌之救濟法。乃至防制貲本外輸。悉反前此企營之所為。久之而後少定。然至一千八百四十七年。及一千八百五十七年。英國復有大恐慌。此恐慌之原因。則以國內資力充足。人民多以國外投機之業。可博厚利。遂利本國子息之薄。而競趨於國外投機。偶值盈缺。不能立時質劑。而恐慌即現。嗣後恐慌往往多此一例。又如一千八百七十三年之歐洲大陸恐慌。其機則兆於英。而其端實發於德。又如一千八百九十年之英國

恐慌及一千八百九十三年之美國恐慌一則因銀行充實破前此之成規收押土地不動產以致臨事不克應付而起一則因現金缺乏人民務貯藏於家市面之流通欠缺以起終至改用金貨以簡御繁以貴臨賤美國金融乃無傾側之危而始奏今日之效又如一千九百年之德國恐慌則因受銀賤之累與全國民心悉偏注於礦山之不動產事業而起又如一千九百零七年之美國恐慌則因股票虛漲託拉司梯之風甚熾偶逢哈恩氏之破產突然發現遂致股票驟跌破產紛紛釀成至大恐慌卒以美政府維持得策而始甯息此尤至近之事實吾國今日現狀大可引爲殷監也夫自近百年來世界大通經濟已無國界故其彌滿之狀頗似空氣之布濩於空間而時時流動不息故今日恐慌實所難免蓋其爲物頗似氣候之冷暖而空間忽生漲縮與壓力之高低遂現急烈之迅變故經濟恐慌其例不過如空氣劇變時之疾風傾屋拔樹實爲無法防止之現象雖在財力極盛之英美且不能免約而言之殆爲交通世界無可逃避之乍變但使救濟得宜固不難於自然恢復安見今日恐慌能爲吾國巨患等於敵國外禍之迫壓而有顛覆之憂乎

應之曰信如斯言固爲吾國之幸然吾所爲深思渺慮而視同如滔天之患者則以吾國

今日所處地位迥不能比倫於歐美諸國地位吾今日人民方由暖曖姝姝之窖藏時代即所謂農業經濟者亦稱不出於一經濟其範圍一躍而至交通經濟之衢則其目迷色惑眩亂疑誤而不知其紀極安能研究條理謀於幾先此與歐美之民研練而進盈科而達萬事萬物既有學者論定之公例界說可用裁量於別嫌明微之間又復得有甚富之經驗以為自助誠如王陽明所謂經一蹶長一智者則吾今日安得侈口高睨輒以哲種之國之民引為比擬以自慰藉耶且吾固非視近年之經濟恐慌同於不治之證也吾惟深冀上下之人不視此變象為儻來之偶現而委心任運聽其自然及是時而急起為之所則或可收持危扶傾之效此則區區之微意甚願上下申儆猛省而圖維於今日其勢固未晚也請陳其說如後

(未完)

論  
說



二  
百  
十  
四

七  
月

# 記載第一 中國大事記

宣統二年六月中國大事記

問 天

初一日 安徽宣城縣饑民搶劫鬻坊

安徽甯國府屬宣城縣。近年迭遭水患。民不聊生。今年五月初六至初九日。大雨四日夜。平地水深數尺。去年已破之三十餘圩。均被沖決。十八日至二十五日。又復大雨八晝夜。山洪暴發。東西北三鄉大小數十圩。接續潰決。幸未決者。大圩四。小圩十餘而已。災民飢不得食。匪徒從而煽之。數日之中。四鄉搶劫之事。不下數十起。二十七日。距城二十五里之油榨鎮。有飢民聚衆搶劫。二十九日。北鄉新河莊（距城五十里）東鄉沈村鎮（距城四十里）先後報告。均有滋擾情事。三十日。雙橋鎮（距城八里許）有飢民千餘。到鎮滋擾。均經官彈壓遣散。至本月初一日午刻。忽有匪徒勾結災民千餘。乘划船至該鎮（約二百餘隻）盡擁上岸。先到裕泰鬻坊。搶去米二百數十石。繼又擁至查姓鬻坊。撞門時。巡防營巡邏隊哨勇等向阻。並放空槍。該災民等毫不畏懼。手持刀棍。將哨勇亂打。傷及哨弁沈錦文。暨勇丁多名。搶去洋槍三支。哨勇等乃開放實槍數響。斃一人。傷二人。獲二人。餘乃解散。

初五日 民政部奏派員往德國充萬國衛生博覽會監督奉 旨依議

民政部奏稱。准外務部咨稱。准德盧署使函稱。德國撒克森聯邦。擬於明年西歷一千九百十一年五月起。至十月底止。在都城舉行萬國衛生博覽會。以研究近數十年各國所發明之衛生新理及其功效爲宗旨。蒐集各種有關衛生之物品圖樣。陳列展覽。擬請中國派員赴會等因。查德國撒克森聯邦舉行萬國衛生博覽會。業於本年西歷



二月。在該國都城籌議設會事宜。當經駐德使臣派員前往。並將預備開會情形。暨譯出章程。咨送外務部。轉咨臣部在案。檢閱原章。類別綦詳。舉凡平治道路。濬洩溝渠。醫療疾病。防止疫癘。及一切檢查飲食。改良居處衣服等項。無一不備。於講求衛生行政。裨益實非淺鮮。東西各國政府。無不派遣專員。前往與會。本年三月。該會復派東方股長林南攜帶會場全圖。及入會詳章等件。來請派員與會。並述會長之意。謂中國係亞洲大國。醫學素有考求。衛生之術。發明較早。深盼中國加入該會。並多攜物品。前往陳列。意極懇切。臣部以衛生行政。於地面關係綦切。當派內城巡警總廳廳丞章宗祥前往外務部。與該員接洽一切。並詳詢各國與會辦法。據稱該會由撒克森君主提倡。規模甚大。與會各國。均須預行畫定會場。並將應行陳列物品。先期預備等語。經該廳丞覆陳前來。臣等伏查該會。萃各國衛生上特有之長。實為近世創舉。亟應派員與會。實地觀摩。擬即請旨派該廳丞章宗祥為赴會監督。屆期前往。並便道考察各國警政。以資改良進步之助。所有置辦物品。並建築會場等事。即由該監督先事籌畫。其應帶醫師譯員書記等員。由該監督遴選。仍由臣部覈定。云云。

### 初六日 在廣東澳門之葡萄牙官遣兵攻剿過路環海盜

過路環離澳門四英里。道光年被葡人佔住。去年中葡兩國會議澳門界務時。華官欲將此地收回管理。而葡官不允。遂迄無成議。是地素為盜賊淵藪。以擄人勒贖為事。月前擄獲小童十數人。向其家索銀三萬五千元。以兩星期為限。遲則置之死地。數童家屬。惶遽無措。先稟知兩廣總督。求為設法。而華官不能為力。乃轉往澳門。稟知葡官。葡官於初六日。遣步兵八十名。前往圍緝。被賊匪放槍擊退。賊匪進據過路環砲臺。守臺之葡兵逃去。槍斃二畫兵官一名。傷兵三名。午後葡官派兵輪復往。開放開花砲。將砲台收回。次日。葡官復派馬交砲艦。載兵前往。彼此開砲轟

擊。葡兵傷四名。斃一名。初八日。賊匪退守山洞深坑。致函葡兵艦。繳還搶去之槍枝。約彼此停戰。又經葡兵起出被擄之學生七人。及他處人八名。十一日早。葡官復派馬交及八地利亞破艦。駛往過路環。放礮向各村轟擊。步兵隨而進攻。佔奪數村及山頂。水師亦派隊登岸。會搜各山洞。是日午刻。葡官（俗稱總督）親臨前敵。至晚始回澳門。是晚復派水師一百五十名登岸。協同陸軍守禦。以防賊匪夜遁。適是夜風雨大作。賊匪大半乘機遁去。計先後擒獲賊匪四十餘名。其後又搜獲四百數十名。然率非真匪。以被累之鄉人爲多。惟被擄之小童。均已起出。又拔出男婦多名。

是役也。過路環居民。頗受蹂躪。初六初七兩日。葡兵施放大礮。人民死者無數。房屋被毀者亦不少。又擊沈漁船一艘。死者三十餘人。初十日。又轟斃荔枝灣居民數十人。十三日。又疑九澳鄉爲賊之巢穴。遂將全鄉焚盡。鄉側之林木。亦付之一炬。

事後。兩廣總督袁樹勛。電告各省督撫。略言澳門附近過路環地方。道光年間。葡人卽築有礮臺。久爲粵省匪藪。上月。新甯縣被匪擄去學生十餘人。在該處關禁勒贖。現在澳界尙未勘定。既不能照會澳督往拿。承認爲彼之屬地。又未便派兵往緝。致啟交涉。正在籌辦之際。該事主稟由澳督派人往拿。被匪擊斃數人。本月初六以後。葡又派兵圍拿。亦被匪擊退。匪乘勢佔葡築之礮臺。葡兵又傷斃數人。嗣由葡派兵輪。用開花礮轟擊。將礮臺奪回。并起出學生及他處被擄者十餘人。匪多傷斃。連日葡兵圍捕。不准行人船隻往來該處。我兵派往協捕。葡亦不願。惟現在界務正在磋商。此次葡兵剿匪。雖係事主所請。且在其所築礮臺之地。然界務究未勘定。事前竟不知照會。亦殊未合。但圍捕原因的係剿匪。且已起出被擄人口多名。恐外間謠傳不實。特先電聞。再我兵既不及協捕。然仍恐該匪

竄入內地。並慮澳兵越界滋事。已連日會商水提。飭營遣派兵輪。駛往該處防堵。另派員至澳確查。以備交涉。云云。袁總督又致外務部電云。據居澳紳民公稟。葡人侵佔界地。展拓無厭。此次藉端海盜。復侵過路環要隘。得寸進尺。欺我力弱。肆意無忌。是一日界務不清。卽一日無一定之界線遵守。請照會葡使。派員速勘。劃定界線。以免彼此糾葛。云云。

澳門勘界維持總會。亦於其時開會集議。茲將其議案節錄於下。(一)宣布香山各鄉連日稟報過路環情形。葡兵轟斃居民。不分良歹。至於要匪。十不獲一。似此實留後患。將來尤難安枕。請本會維持。(二)宣佈旅港維持會楊君瑞階等來函。大意言葡兵此次並非剿匪。實係剿民。不過借題發揮耳。據最近消息。洋兵轟毀村鄉。慘斃多命。均是無辜良民。至於賊匪。其兇很者逃走殆盡。擒獲者不過一二餘黨。似此害未見除。而禍已深伏。此次固葡人之兇殘。亦由我國官吏放棄主權。一任外人慘害。漠不動心。粵人何辜。遭此塗毒。請將詳情研究。補救將來等語。衆以楊君來函。均皆切要。本會自難緘默。其中尚有條陳與界務關係者。一俟共同研究。詳稟大憲辦理。衆贊成。

### 初八日 山東官兵與萊陽縣鄉民交戰殺鄉民數百人

萊陽縣鄉民。五月間暴動。(見前月雜誌)實因知縣徵收錢糧。浮收勒折。無所不至。近又藉口新政。勒收畝捐房捐人口捐等。民不堪其苦。因起而與官爲難。經縣官與之議和。業經安靖無事。至二十日。新任知縣奎保接印後。將前任所許免雜捐免折扣各款。一例取消。仍照舊科收各捐。又出示拿捕倡首抗官之連莊會會長曲詩文。適候補道楊曜林率馬步兵六十名。奉札至縣查辦。二十六日。奎知縣遂加派兵役。協同楊道之兵。赴鄉拘曲詩文。鄉人以曲爲民受禍。大動公憤。遂羣起阻抗。被官兵槍斃數人。鄉人大鬩。與兵格鬪。傷官兵數人。鄉人死者二三十人。傷者約

倍之。二十七日。鄉民散布傳單。傳集村民。曲詩文殺妻女以誓衆。示無反顧意。二十八日。遂聚集數萬人。屯馬山埠。又分衆爲四路。駐守要害。楊道與奎知縣率兵往剿。槍斃數十人。鄉民愈聚愈多。抵死不散。薄暮官兵回城。鄉民即隨至城下。三十日。遂將城圍困。時登萊青膠道徐世光。方派員偕同旅居煙臺之萊陽民人修振邦等。回籍勸導。鄉人見修等至。痛哭陳訴。願聽調和。適登州鎮總兵李安堂。第五鎮第十協統領葉長盛。率兵抵境。楊道及奎知縣乘鄉民不設備。密屬李總兵葉統領乘夜進兵。六月初八日。遂在城外與鄉民大戰。施放大礮。轟斃四五百人。傷者千餘人。鄉民退踞白林莊。又被官兵攻破。曲詩文見勢不敵。率其黨逃去。初九日。官兵又將附城村莊焚燬一空。餘衆遂散。

記者曰。聞當初六日李總兵葉統領之兵未抵萊陽之前。山東巡撫孫寶琦有電致軍機處。略言據東海關道電。有寓煙萊紳稟稱。愚民被脅。實非甘心叛逆。已電飭該紳等速回籍勸散。但能悔悟。決不株連。並派招遠縣王蓋臣越境勸諭。頃又派前署萊陽縣張學寬問道往覓紳耆。廣爲傳諭。解其脅從。以孤曲逆之勢。傳聞萊境男女聲言官紳逼納雜捐。故變操之過急。恐各處響應。愈難收拾。已電飭將領等一面宣撫。如無抗拒干犯情事。不得妄行搜剿。必先解散脅從。方可密拿首要。頃又派前任海陽縣道員陳公亮。前往查辦。勸撫兼施。免與曲黨勾結。據協統葉長勝。登州鎮李安堂歌電。各隊先後均抵萊境姜山。距城百里。現據紳民求緩進兵。願認勸解。出示限初七日一律解散。庶可於全被脅愚民。首要仍當嚴拿。若至限不散。初八日准即進剿等語。又據東海關道徐世光電。寓煙商學界十二萬人。已分班回籍勸散。並遴委崔令齡續偕同往。專注解散。以孤曲匪之勢。又據警局赴萊探回稱。初三日。有衆集城下旋散。衆口深盼委員關停等語。查萊民聚衆。多係被脅鄉愚。大兵壓境。爭求解散。已可概見。遽加剿捕。誠有

不忍。果能悔過輸誠。自當仰體 皇仁。寬其既往。若如期不散。祇得迎勦。云云。似孫巡撫初時亦深知萊陽鄉民必有冤屈難伸之隱。本無必欲縱兵剿殺之意。其後萊陽縣奎保及查辦委員張學寬之稟。則極言鄉民攻城之猛烈。邀截官兵之猖狂。李總兵葉統領之電。歷言鄉民之圍攻城池。焚掠地面。抗拒軍隊。戕害兵丁。罪若不容於死。官之言。可信。歟。為鄉民呼籲者之言。可信。歟。南北各報紙均為萊民呼冤。並極言官兵之不法。不得而知矣。惟初八之役。既言兵民交戰。至烈。然官兵止陣亡一人。傷一人。而鄉民之死者。據報紙言。約有五六百人。即官自言。亦有百名左右。嗚呼。難言之矣。

### 初九日 派員往四川雲南貴州甘肅新疆等省考試法官

法部奏稱。憲政編查館奏定法官考試任用暫行章程內開。距京較遠交通未便。省分由法部將通習法律人員。開單奏請。簡派。前往各省。會同提法使考試。本年三月。臣部具奏施行細則。指定派員往考省分。以四川廣西雲南貴州等省共為一路。甘肅新疆共為一路。由臣部遴選京官五品以上人員。出具考語。開單奏請。簡派。每省以二員為額。定以八月初旬舉行各等因。均先後奉 旨允准在案。除廣西一省。業經奏明變通。提前辦理。於上月十三日請 旨簡派該省按察使會同提學使考試外。其餘四川雲南貴州甘新等省。約計各路程途。應即派員前往。庶於奏定考期。不致有誤。臣等謹就臣部專門法律學有根柢者。並據各衙門開送通習法律五品以上實缺人員內。慎加遴選。分別次第。繕具清單。恭呈 御覽。擬請明降 諭旨。簡派每省二員。前往會同考試。云云。是日奉 旨。四川著派張丕基陳棟堂。雲南著派何奏。廣西著派林榮。朱汝珍。甘肅新疆著派李擢。英蕭丙炎。

### 初十日 諭以黑龍江大水為災發給帑銀二萬兩散賑

黑龍江巡撫周樹模電奏。江省本年入夏以來。陰雨過多。至五月下旬。連日大雨。各處江河暴漲。汎濫爲災。愛琿坤河水發。屯居被淹。雨雹寸餘。禾苗傷損。嫩江龍江地畝。亦多被淹。漫秋收失望。大賚廳屬塔子城地方。積雨生蟲。食禾殆盡。云云。故特降旨發帑施振。

### 十三日 浙江餘姚縣鄉民暴動搗毀學堂

浙江紹興府屬餘姚縣距城西鄉五十里吟山衛。於五月間。有相離七八里之倪家路。舉行神會。夜間行至吟山時。忽藉端滋事。向各店騷擾。並將某鞋店中熊姓搶去重毆。遍體鱗傷。該鎮紳民大憤。請縣官拘拏爲首之人嚴辦。並永禁迎神賽會。六月十三日。縣差至鄉捉人。該會中人鳴鑼聚衆。多至千餘人。毆辱縣差。並將神像舁至吟山城。擁至馬紳榮階家。將房屋器具搗毀一空。衣飾細軟。損失不貲。復到該鎮鳳山初等學堂。搗毀校舍。並毀及附設之簡易學塾。又新組織之毓慶女校。校具什物。搗毀淨盡。十四日。知縣湯某至鄉。擬將滋事之首犯帶去懲辦。詎該犯等竟又鳴鑼聚衆。欲與湯知縣爲難。湯見聲勢洶洶。急將衣冠卸去。始得免。

先是甯波府屬奉化縣唐村地方。亦有搗毀學堂之事。此學堂爲袁恆元袁菱舫袁南紹等所開辦。反對者頗不以爲然。五月二十二日。被鄉民搗毀一空。並將學董袁恆元等三家一律搗毀。

### 十四日 籌辦海軍大臣載洵奏陳前往美日二國考察海軍奉旨依議

去年籌辦海軍大臣貝勒載洵。海軍提督薩鎮冰。出洋考察海軍事宜。周歷英法德義奧俄六國。時已歲闌。卽取道西伯利亞鐵路回京。尙有美日二國未往。故奏請於今年七月補往。先赴美國。次赴日本。

### 十五日 河南長葛縣鄉民滋事縣署被毀

河南長葛縣。忽傳有加徵地丁之謠言。鄉民擁至縣署探問。不逞之徒。意欲乘機劫物。乃率衆搗毀大堂。并及內宅。知縣江某專電至省告急。十七日。省兵至縣許州知州徐某亦親往彈壓。衆即解散。事後。該縣各堡首事。雖尙傳單會議。惟尙無暴動之事。

### 同日 江蘇桃源縣鄉民滋事毆傷宿遷縣知縣

江蘇徐州府屬宿遷縣洋河鎮西南十五里。有地名三埠者。與桃源縣接壤。是處有堰一道。兩縣人民。屢因啟堰洩水。聚衆械鬪。今年伏汎較大。本月十四日。此埠村董蔡姓與宿遷縣知縣汪寶增議欲啟堰。十五日。汪知縣帶徐淮駐防馬隊二十名至該處。飭差役村丁開堰。桃源鄉民。長跪乞免。汪知縣不聽。並喝令拿人。旋越堰至桃源縣之村董家。其時該村壯丁。早伏於附近高粱地內。一聞拿人之令。立即羣起執械。將已拿之人奪回。復將汪知縣乘輿擊毀。衣物毀棄殆盡。左腿並面部。均被木棍搗傷。有一鄉婦。竟用刀向官砍去。幸小隊用槍捍擋住。未大受傷。聞鄉民并安設巨礮一尊。擬向宿遷轟擊。幸燃點三次。均未著火。後汪知縣經差役等極力救護。復經村董周徐二人將鄉民喝阻。始得逃回。

### 十八日 諭以貝勒載洵充參預政務大臣

二十日 外務部尙書梁敦彥因病開缺 諭以鄒嘉來補授外務部尙書兼會辦大臣

### 二十一日 諭飭江蘇江海關道維持上海市面

上海於是月十五十六日。連倒大錢莊三家。虧欠中外公私款項數百萬。市面大震。各國商人所設銀行。因不信中國之錢莊。欲將所放之款收回。市情尤恟懼。當由兩江總督張人駿據實電奏。陳明辦法。當於二十一日。奉 旨張

人駿電奏。上海正元兆康謙餘三家錢莊。同時歇業。債務糾葛。滙局岌岌。籌議大致辦法等語。著即按照所籌各節。妥爲辦理。並飭上海道將善後事宜。悉心籌畫。慎防流弊。以維市面而定人心。欽此。其後卒由江海關道代各錢莊向各國銀行借銀三百五十萬兩。以資周轉。始略鎮靜。

按今年各埠錢莊倒帳之案。月有所聞。其最著者。杭州於四月間連倒鼎記慶餘兩家。鼎記虧六十餘萬兩。慶餘虧四十餘萬兩。六月間。又倒阜生一家。虧三十七八萬兩。漢口源茂隆錢莊。於三月底倒閉。虧一百餘萬兩。又倒元泰太昌承豐三莊。各虧十餘萬兩。武昌於四月間。又倒德泰裕公泰裕兩錢莊。共虧二十餘萬。此外爲數較少。及在他埠者。尙不可勝計。


### 二十五日 諭飭各省督撫慎選牧令責成道府察訪州縣賢否

山東萊陽縣之變。實源於知縣及紳士之勒捐。卒釀成慘殺多命之禍。至是事漸上聞。言官亦極論其事。故特降此諭。中有爲牧令者。必當勤於理事。通達民隱。凡涉地方行政。添籌捐款。應於事前剴切曉諭。集耆老子弟。告以此事之所以然。又善用士紳。莅之以嚴察。則疑謗之端自少。謠言無自而生。卽間有特強抗阻者。核其情節。擇尤懲治。一二人。公道旣彰。斷無激動衆憤之理等語。又言紳士憑藉官勢。不諒輿情。甚或借端抑勒。挾私自肥。百姓以爲厲己。則怨讟叢生。馴至布散謠言。釀成事變云云。朝廷明見萬里。照及覆盆。爲萊陽言之。抑不僅爲萊陽言之也。

二十六日 諭飭各都察院堂官各省督撫嚴治貪官污吏查辦事件大臣遇有關贓款之案件必須秉公澈究并 諭飭自貴戚以下及內外各大臣敦品勵行整躬率屬



記載第一 中國大事記



九十八

七月

# 中國大事記補遺

## 南洋勸業會續聞

第一參考館日本部。於初一日夜一點鐘時。因電燈機關洩氣。以致失慎。幸覺察尙早。即時救熄。物品無甚損失。初四日午後二句鐘時。大雨且風。東三省動物園。瓦石紛紛傾墜。參觀人及工匠受壓者。凡十一人。又船具出品室。尙未竣工。立時傾圮。幸未傷人。勸工場側某茶社坍塌大半。毀損器物無算。茶客受傷頗夥。

廣東館於十一日開幕。

湖南館亦於十一日開幕。

東三省館於初十日開幕。

福建館於十五日開幕。

京畿館於二十五日開幕。

勸業會研究會簡章。及研究日期。已詳前誌。其後又將研究日期改定。爲照錄如下。

農業館 六月十一日至二十日

醫藥館 六月廿一日至廿五日

教育館 六月廿六日至七月初五日

工藝館 七月初六日至七月十五日

武備館 七月十六日至七月二十日

機械館 七月廿一日至七月廿七日

美術館 七月廿八日至八月初五日

通運館 八月初六日至八月初十日

### 續記湖北沔陽州居民械鬪事

湖北沔陽州鄉民滋事。已見前期大事記。惟情節不無錯誤。特爲詳述如下。

沔陽州蘆林湖。有上下二垸。爲旱澇之機關。每值栽種秋禾之時。爭奪水利。莠民從中煽惑。屢釀燒殺巨案。前知州李某。爲籌兩全之法。督紳踏勘地勢。稟明另開下查埠河道。俾上下垸永息爭端。工未及半。李知州卸任。事遂停止。今年因建築二堤。承辦之委員。未將深寬預籌合度。蓄水過多。上垸之人。欲挖垸以洩水。下垸之人爲自衛計。阻之甚力。遂致械鬪。五月十五日。某武員率兵前往彈壓。上垸之人竟向官軍放大礮。擊斃副目一名。兵士四名。湖廣總督璫激聞報。當電飭督辦天潛漢沔陽賑務候補道盛春頤馳往。督同文武各官。先將聚集之人。設法解散。一面妥籌辦理。倘敢抗拒。卽格殺勿論。盛觀察卽於五月十七日。馳赴下查埠。卽刻諭令區董。至沿湖一帶勸解。尙無抗拒者。十八日清晨。有區董派出勸導之彭炳三。身受重傷而回。據稱各垸已經勸允。情願具結。不往附和。惟中灣上灣。仍不服勸。中灣彭啟換彭元洲彭二三人。糾衆兇毆。致受重傷。傍晚據羅管帶面稟。業已接仗。傷斃目兵一人。湖民傷者數人。嗣又續據羅管帶轉據隊李隊官榮陞報稱。本日下午一點鐘。上垸突來飛划二隻。載十餘人。將前修葺之橫堤。挖掘丈餘。隨率兵至該處彈壓。不意該衆卽行抵敵。隨續到飛划三十餘隻。約二百餘人。礮聲隆隆。蜂擁而來。當卽開鎗射擊。相持三時。該船始退。十九日。據謀者報告。該衆仍在鳴鼓聚衆。試放號礮。又據探報。湖內各口。已經設卡。盤詰來往之人。并於要道架設大礮云云。

當事亟時。盛道稟陳瑞總督。擬定辦法四條。一抄查槍礮。一勒交頭目。一安撫脅從。一移建教堂。略言該處銅礮鐵礮。迭據前獲首犯彭興洲供認。上垸共有十三尊。下垸共三十六尊。已失九尊。又擡槍二十杆。小槍二十餘杆。光緒三十

四年案內。土人僉謂攻打三晝夜。礮火連天。自宜一律抄查。俾失所恃。頭目李興萬。上年越獄脫逃。並艾定邦陳角兒等名。均應懸給重賞。兇拿。並同監禁。彭興洲明正典刑。梟首蘆林湖示衆。以寒餘黨之膽。脅從小醜。或行稍加斥責。免遭駢戮。予以自新。該衆平時以教堂爲護符。要挾官長。動稱焚毀。所以大軍却步。往往礙於進剿。尤當先與教士約法。代爲擇地建築。互相簽字。聽其如何。然後統率水陸全軍。調雇划船。排隊進圍。照前各事。分別舉辦。如敢抗拒。格殺無論。亦必俯首就擒。從此正本清源。再將下查埠河道。疏闊疏深。瑞總督甚然之。

其後前往彈壓之協統黎元洪。亦具稟瑞總督。略言據沔屬各處紳董云。該處人民。劣跡甚多。擇其最重數則。開呈查核。一前年挖堤。傷斃多命。擄去婦女。燒毀房屋百餘家。并搶去財帛物件。及穀數千石。一湖中遇有客船。常被搶劫。并殺斃棄尸。一附近該處田產。遇有耕牛經過。多被奪去。一各處有犯案及著名巨盜。均在該處藏匿。雖犯以上各條。差役等不敢一履巢穴。現今州牧及附近紳董開導。亦不敢親臨。恐遭毒手。兼之天主教堂。設立該處。官軍不敢深入。迄未大受懲創。以致年復一年。肆無忌憚。茲擬辦法數條。(一)所有鎗礮。必令悉數繳出。(二)該處並非城鎮。似不應設立天主教堂。請飭江漢關道。照會法領事。給價遷移。以免後患。(三)該處匪人。須悉數拿辦。否則兵來黨散。兵去黨結。貽害匪淺。(四)事畢之後。該處天主教堂。應駐紮數十人。水面再有舢板數隻。在湖巡梭。以資鎮攝。可保無虞。云云。

### 湖南省城亂事餘記

今春湖南省城之亂。外人財產。頗受損失。其賠償數目。經湖南巡撫楊文鼎。與英日各領事一再磋商。當議定并華商寄存貨物。一併在內。共銀八十八萬兩。由大清銀行如數撥交。以常甯縣屬之水口山龍王山兩處銀礦。暫時押與大

清銀行。分十年由湘省藩庫項下。加息歸還。

此次賠款。除華商寄存貨物。計銀十七萬兩外。外人實共得七十一萬。其中以英國爲最多。日德次之。

提議之初。羣推英領事許立德氏爲領袖。許初次共索款銀一百五十萬元。經楊巡撫與之和平商量。再四磋商。始改爲銀十萬兩。楊巡撫一再不肯。謂無論如何。決不能至九十萬之數。又改爲八十八萬。英領事堅索現銀。楊巡撫以湘省無此財力。原議將水口龍王兩山銀礦。作爲抵押。分十年由湘加息攤還。繼又以礦山抵押。恐失主權。且英領事亦堅執不肯。謂非盡屬彼國之款。不便分派。是以又改由大清銀行撥交。

此次日商損失。雖有十餘家。然皆係式微之業。如某藥房暨東洋蛋餅店。成本極微。此外各洋行生意極小。存貨無多。而賠款皆溢於成本之外。

省外各處亂事。現尙未靖。五月下旬。沅江縣有匪徒糾衆滋擾。專以搶劫爲事。往來民船。多被劫掠。並有圍劫小輪。槍傷搭客數人之事。經知縣電告上司請兵。經本府派兵往勦。斃數人。獲數人。次日省兵亦至。匪徒尙與官兵衝突。旋以不能抵拒。卽時竄散。共斃匪十數人。擒獲數十人。餘匪竄至瀏陽縣山中。聯絡匪類。餓民千餘名。藉口劫富濟貧。希圖不軌。經知縣察覺。飛電至省請兵。楊巡撫卽派兵卒前往鎮守。不料軍隊尙未抵境。匪已四散無蹤。接近來貧民過多。好亂者從而煽之。糾衆滋事之舉。時有所聞。於是官匪二者。其辦事似有一定步驟。一貧民滋擾。二匪徒加入。三地方官請兵。四大兵到境。五匪與兵小戰。或不戰而逃。六匪又竄至他縣。七他縣又請兵。一處如此。處處如此。勢必至無地無匪。無人不匪而後止。此將來至可恐懼之景狀也。

## 記載第二 世界大事記

西歷千九百十年六月世界大事記

爲 人

初一日 羅馬法皇通牒各僧正盛詆宗教改革事業新教諸國大憤

羅馬教皇憤己權力日被侵削。因移牒列國僧正。盛詆歐洲諸侯王之贊助宗教改革事業者。奧德二國民情大憤。普魯士尤甚。普之中央黨至謂茲事爲攪亂歐洲宗教之平和。保守自由兩派之新聞。均倡地方議會當向政府質問。並須撤去法皇派駐之公使。六日。保守自由兩黨。在議會質問政府。政府則以法皇所言。爲羅馬「羅沙亞巴討勸羅馬諾」新聞所誤傳。法皇聞之大恐。七日。引見德意志之巡禮者一團於巴池幹宮。託其傳達己之好意於德意志皇帝與德國國民。然羣喙尙不息。普政府乃移書法皇。使答國民所提出之抗議書。十四日。法皇乃以書自辨明。並由其國務大臣麥里僧正。宣言將來不復發此種之牒。事始寢。

初二日 日本無政府黨陰謀發覺

日本無政府黨。目下雖不甚盛。據最近調查。約三千人。黨員中有幸德秋水者。爲在明治初年倡自由民權說中江篤介氏之門徒。久以著書立說。昌言其主義爲事。願以政府遇之。書出屢毀。而與無政府黨相左右之社會主義黨。發布宣言。思獨立爲一黨。亦迭被解散。以是此派之人。至不得達其分毫之目的。幸德氏於是伴爲悔悟。改變其主義者。著書盛詆前說。其同輩皆弗齒之。政府以爲誠也。備稍懈。氏於距東京數十里之深山中。與其徒黨三人。一

內男二人女一人。陰製爆裂彈謀以狙擊當路。竟為警視廳所覺。以恐聳世人觀聽。祕弗宣。至本日始表其事。現方在審判中也。

### 同日 匈牙利總選舉發表

匈牙利議會選舉結果。政府黨大占多數。奧匈聯合之運命。又暫告無事。

### 初六日 尼卡拉雅革命黨領袖被捕

馬多里士將軍。捕縛助埃斯托拉台將軍之志士首領。捕後即處刑。

### 初七日 德意志建築工人罷業事解決

此事綿延經月。至是始告解決。

### 初八日 墨西哥土人叛

優卡丹地方土人。以欲得平等之選舉權。起兵七千人。與政府軍戰。以反對大統領底伊亞特氏之壓制。相持二週餘。竟敗。死傷於是役者計四百人。革命黨中。被捕者甚多。兵器亦率被沒收。

### 十一日 俄羅斯議會通過芬蘭行政改革案

是案俄之在野黨。雖有反對者。至是竟通過。

### 十二日 美國上院可決亞里索那及新墨西哥併入美國案

美國州數。至是為四十八。

十三日 塞爾維亞內閣總辭職

巴爾幹半島。方在多事之時。故此等事迭見。

十六日 澳大利社會黨員卡拉基華里狙擊荷斯尼亞知事弗亞勒沙甯氏不中

弗氏於赴議會開會式歸途中。遭此變然倖不受秋毫之傷。卡氏見擊不中。即自殺。

十七日 普魯士兩院閉會

再開會之期。當在十一月初。

十八日 俄國波蘭府暗殺事迭見

波蘭屬俄後。民情不服。以革命不遂。乃迭起暗殺。至是拉多姆地方一憲兵正參領被殺於華爾梭。警視總監。遭爆裂彈受傷。殞從者二名。刺客及其徒自殺。不審其氏名。

記者按俄國以專制爲事。民怨至深。暗殺殆爲恆事。本月於此事外。哈爾濱陸軍間。亦有是等陰謀。犯人以事覺逃亡焉。

十九日 葡萄牙內閣總辭職

殖民銀行主理特克塞拉多斯查氏代爲首相。惟組織內閣。迄未告成。

二十二日 日本殖民省官制發表

日本政府特設殖民省。恐招各國之忌。因名拓殖局。陽歷六月二十二日公布。其所任命之人員及官制如下。



拓殖局總裁(兼任)總理大臣侯爵桂太郎。副總裁(兼任)遞信大臣男爵後藤新平。部長(兼任)遞信省管船局長內田嘉吉。遞信省法制局參事官江木翼。書記官中川謙藏及波多野臺灣總督府書記官。

拓殖局官制 第一條 拓殖局隸於內閣總理大臣。統理臺灣樺太韓國一切之事項。前項之外。拓殖局並統理關東州(滿洲)一切事項。 第二條 拓殖局職員如左。總裁一人。副總裁一人。部長二人。書記官專任四人。秘書官專任一人。翻譯官專任二人。屬通譯專任二十八人。 第三條 總裁由天皇親任。承內閣總理大臣之監督。總理局中一切之事務。 第四條 總裁指揮監督所部之官吏。奏任官進退。由內閣總理大臣具狀。判任官以下之進退。自由行之。 第五條 拓殖局總裁官房之外。設置左之二部。第一部。第二部。 第六條 副總裁為勅任。補佐總裁。總裁有事故時。代理其職務。 第七條 部長為勅任。承總裁之命。掌理部之事務。 第八條 書記官為奏任。承總裁之命。分掌事務。 第九條 秘書官為奏任。承總裁之命。掌關於機密之事務。 第十條 翻譯官為奏任。承上官之命。掌翻譯。 第十一條 屬為判任。承上官之指揮。從事庶務。 通譯為判任。承上官之指揮。從事翻譯。 附則 本令公布日施行。

### 同日 美國上院通過三大法案

其一為郵政銀行條例。其二選舉競爭公表條例。其三西部及南部諸州乾燥地灌溉資金二千萬弗起債保證條例。右各條例。皆為至重要之案。郵政銀行條例為塔虎脫氏政綱之一。是案通過。即共和黨之勝利也。故近者塔氏再選之說復寢盛。選舉競爭公表條例。乃規定選舉費用之捐助人名及金額。須公表者。資本家運動之效。於茲大

減。可令選舉公正。此數案皆既經下院議決。至是上院遂通過焉。

記者按世界近日。雖國家主義方隆。而民主趨向。亦復日甚。美其尤著也。故國家制限人民自由之法案。通過恆難。而擴張下級人民自由之法案。迭出不已。今日列國議會問題。非特政治問題。其大部則既屬社會問題矣。卽以選舉競爭公表一事言之。亦所以殺資本家之力者。此外如本月六日。上院可決之鐵道法案。亦增其課稅及制限。其議乃卽出於共和黨中之一派。亦可以見資本家之力漸微。而政府之威日殺矣。普之民政部尙書毛奇氏。農商部尙書亞爾尼母氏。以選舉改正案失敗。受議會彈劾。於本月中旬解職去。將來列國政府。欲以改正選舉法案。縮小人民自由。以施其操縱之術者。其無可施矣。（俄國亦以此術操縱議會）是誠方今有國者所共當注目之問題也。


### 二十七日 墨西哥大統領底伊亞特再被選

墨國大統領底伊亞特氏與副大統領荷爾拉爾氏。共以大多數再被選。

### 二十八日 美利堅議會閉會

美利堅南北戰爭以來。議會議事之多。以本期爲冠。至是閉會。

記載第二 世界大事記



四十八

七月

## 記載第三 中國時事彙錄

### 國會請願之近狀

國會代表。於五月呈請速開國會。未蒙允許後。均紛紛致電各省。略稱此次仍係空勞。毫無效果。務必再作第三次請願之舉。矢以百折不撓之心。持以萬夫莫拔之力。三續四續。以至十續。或可有望成功云云。

直隸國會代表孫洪伊君。以前月二十二日大會。雖已增入舉貢優拔留學生各代表數人。惟查皆係政學兩界中人。於他界尙付闕如。仍恐勢力太薄。擬擇日在湖廣會館。再開大會。聯絡農工商各界。使其各舉代表。或附入本會。或另立一派。以爲三次請願之後援。代表團又接日本東京來電。謂留學界以此次請願國會。又未邀允。特於五月二十五日。在錦輝館開會。討論第三次請願國會辦法。以爲北京代表團之後援。并促各省同志會之進步。當議定聯合全國軍學商紳各界團體。結成一大團體。合力爲

第三次之請求。并決定先由東京留學界分電各省。堅持勿懈。是日到會者約千餘人。

上月二十七日。北京同志會。假湖廣館開會。商議本會存否問題。蓋該會雖立將一年。而未在警廳立案。故警廳傳諭代表。謂如不立案。即須解散。故特開會。請各同志公決之。是日公推康君士鐸爲臨時會長。討論多時。經衆公議。擬將該會附於代表團內。外部雖另立名目。而內部以代表團長兼同志會長。於是。有不贊成者。謂另立機關。經費難籌。莫若仍附於代表團內爲是。當即決議。由同志會舉會員二人。掌理一切職務。次日即由代表出名呈廳立案。俟批准後。再公舉幹事。作爲正式成立。議畢散會。

### 記中俄松花江之交涉

俄政府以北滿稅關章程。試行於三姓拉哈蘇蘇三處者。俄商負擔稅捐。因累殊深。曾預先宣告。至本年俄歷七月

一號。此項章程。辦理適及一年。中國如不改正。便一律不予繳納。以示抵制。今其事已實行。茲將駐哈爾濱俄總領事對於一般居留俄民所發之佈告。譯錄如下。

(一)自揭示之日起。凡松花江內。揚有俄國國旗之船舶。無論船主爲中國者。或非中國者。一經輸送貨物過關。當納之關稅。不能再交清國稅關。應交華俄道勝銀行寄存。

(二)於現行試辦之稅關賦課章程中。或有不足補助之處。將來可由寄存項下動撥。以資補助。

(三)凡清國稅關收稅。並收稅之經理。與船站碼頭各項事件。全由道勝銀行派員辦理。

(四)華俄道勝銀行所派之員。對於船主或貨主之關稅單。可另外證明。再給以證明照。

松花江交涉。俄人百計要素。又值其駐京公使回國。其代理公使遇事必先請命於該政府。以致任意稽延。迄無辦法。我外部以關於此項交涉。應調查之事尚多。原訂陽曆

七月一日開議。萬萬趕備不及。當照會代理俄使。緩限兩個月。再行開議。俄使已經照准。聞松花江航權問題又有移交駐俄薩季謙欽使。與俄國外務部直接會議之說。

### 俄人對於滿蒙之政策

近俄人於阿穆爾省。主張移民政策。是以瓊瑋對境之海蘭泡。俄視爲東方重鎮。已設移民衙門。備有輪船六艘。逐年載運。聽候該衙門支配。猶恐濡緩不濟要用。故去年議修阿穆爾省鐵道問題。又起。無非促其移殖之進行。近且與各船主。訂立雇載合同。以期水陸並進。移彼西伯利亞之人民。實滿黑龍江之左岸。凡此行動。俄文各報。日有記載。就現在而論。彼岸每六十里。結一屯。屯約一二百戶。郵電車線。密如蛛網。屋廬比接。如奕者之著著爭先。而我右岸。或百里。數百里。無一村。陸不通車。水無隻艦。不異甌脫之棄地。然水草茂美。天產之富。又迴勝於俄。益令彼族啓侵略之心。茲呼倫道鑒於時局。誠恐一旦俄人繁殖。再蹈延吉之覆轍。糜金萬億。出死力以爭回。而主權已蝕。特

條陳督撫。先事預防。措辭極爲激切。

東布特哈總管純德。前曾呈報黑龍江巡撫。謂前聞俄人調查江省。有計畫增修鐵路之說。其所注意之線。云係由呼綏蘭海通至俄領海蘭泡地方。彼時恐係傳聞。迄未查察。嗣見滿洲日日新聞。居然載有此事。均未敢信以爲實。乃昨有俄人米海羅夫等五人。持有遊歷護照。並攜帶槍械。沿途測繪。察其經過之處。與上開各地不異。一切舉動。令人可疑。前年請修蘭海鐵路。迄今尙未批下。今年議修綏海鐵路。又因款絀從緩。現在俄人視線眈眈。我如不先佔地步。難免後日紛紜等語。周中丞閱悉。深以爲然。當飭交涉諸議兩局知照。

俄人於阿穆爾沿岸。近年兵力非常增加。在黑龍江左各屯。刻因兵房不敷住宿。遂又招工擴充地址。修建房舍。聞其工程浩大。本年尙難竣事。

又聞俄人於北滿一帶。所增加之陸軍。其兵士之費。已達二十五萬。如一面坡、海參崴、烏蘇里黑河。凡在鐵路界限

內。每大站均增加兵士數百人。現仍陸續增添。有加無已。俄兵入蒙一事。其數目傳說不一。據確實報告。謂烏里雅蘇台所駐俄兵之數。未經親往調查。未能指實。惟恰克圖俄境內新造營房。南北長四里餘。東西闊里許。將來告成。定必增兵。其庫倫所居俄兵。計有三百名。內有一百名。於宣統元年二月間新增。已經外部向俄使詰問。據覆因保護彼國郵政而設。故我國遂添郵政。以爲抵制之方。現在除士民不計外。其軍士計有四五營之多。

庫倫辦事三六橋大臣。日昨有要電致政府。略謂庫倫地方。本不甚安靖。故俄遣兵隊駐紮該處。藉口保護俄僑。此尙情有可原。不意兵隊暗自增加。並派工匠起造營房四所。以爲屯兵之用。俄統領咨照本大臣。要求允准。本大臣以此等舉動。大背約章。已極力拒駁。如該國駐使逕向大府要求時。千萬請勿允許云。

俄人經營蒙古。其手段至爲巧妙。一、撫綏馬賊。年來豫派陸軍部諸練士官。投身於馬賊之間者。努力撫綏。又使

精通蒙古情事。如某大將者。訓以洋式操練。且自由指揮之。一、陰餌王公。俄人現使哥薩克兵。偽充商人。混入蒙古。藉口牛馬貿易。而陰餌蒙古各王公。與俄親密。作為俄人間諜。並陰事調查。著蒙古軍事調查記。長此不已。俄人在蒙古之勢力。且暮必達於可驚之程度。一、交通機關。除在張家口間。創立商用定期郵便外。現擬敷設鐵路。為直達北京背後之計畫。其要求庫恰鐵路敷設權。猶其顯焉者也。

外部迭據各邊防大臣電稱。蒙邊各地。如庫倫、恰克圖、烏里雅蘇臺等處。商民多有私入俄國國籍。及剪髮易服情事。實於蒙邊大局。關係匪淺。非實行緝禁不可。聞已咨行理藩部。將前奏訂之國籍法。繙釋蒙文。印刷成冊。頒行各盟旗王公貝勒。遵照曉諭。再由部中與俄國公使交涉。嗣後蒙漢商民。非由中國按照國籍法核准者。不認其已失國籍。仍由中國官吏管理。並不承認外人有保護之權。

伊犁將軍廣留守。電致政府。謂有俄人在塔城、巴里坤鎮

等處。勘測地勢。意欲經營鐵路。現已派員審查嚴禁云云。陸軍部壽尚書。以阿爾泰山為西北要隘。該處俄兵日增。亟宜防備。現擬增練新軍。扼要駐紮。以保邊陲。

### 記俄國遠征隊深入蒙古事

據東京時事報。載俄國之蒙古研究。現已由第一期探險時期。而入商業的遠征時期。此次依歷來探險調查所熟知之逕路。確信俄國可掌握蒙古之商權。故有平和的遠征隊之組成。其遠征隊之編成地。即為俄國商業中心地點之莫斯科府。而以布巴夫氏為該隊之總指揮官。

俄國各商會對於該遠征隊。深表同情。為欲令蒙古土人採用俄國製之工業品。特託遠征隊帶往適於蒙古人用之商品無數。且各有樣本。頒布於蒙人。故其至要目的。實在於研究蒙古人適用之物品。冀獨占商權於蒙古。為侵略的政策而已。

該遠征隊帶有商事上侵略之性質。已如前述。其隊商由班長七人之下。帶有人夫馬匹駱駝等無數。一見恰如俄

國軍隊之侵入蒙古。自墨斯科出發以來。星夜前進。業已深入內地。其商隊中有各科工業之專門家。比於從前之俄國探險隊。專以地理地質動植物古物學等之專家所編成者。大異其趣云。

遠征隊之幹部。由墨斯科出發。依西比利亞鐵路。到貝加爾湖南岸之停車場。即在該地備足出發蒙古之必要品。直向蒙古內地前進。帶有商品無數外。尚有商隊自衛之兵器。露營所用之被服。及馬匹數百餘頭。加以護衛商隊之俄國人。一律軍裝。並有中國人之苦力等。整隊附之而行。其威嚴洵可畏也。

其二（譯東京時事報）

俄國商隊之行程。游歷隊出自貝加爾湖南岸西比利亞鐵路停車場以來。第一著先向恰克圖前進。由恰克圖赴烏爾曼。由是取道於西。橫斷三音諾顏。向烏里雅蘇臺。更西依阿爾泰山脈前進。可達科布多。自至科布多後。游歷隊沿葉尼塞河。縱斷唐努烏梁海。向北進行。直達俄國

國境。

探險隊之會合。此俄商游歷隊。在蒙古旅行之途中。可與由烏里雅蘇臺方面向恰克圖進行之沙列夫教授所率之游歷探險隊會合。此二游歷隊。當於途中合成一隊。協同探險北蒙古及西蒙古。

蒙古研究隊。墨斯科商隊之游歷隊。與在蒙古途中會合之別隊。即杜摩司市之西比利亞研究會。杜摩司大學教授沙列夫及帕巴氏所編成之蒙古研究隊是也。此研究隊已自陽歷五月三十日。出發杜摩司市。向蒙古進行。該隊亦以研究蒙古通商爲目的。由賽米怕來丁分爲二隊。經額古伯伊斯。而赴科布多。探險於波爾棍烏爾森開摩丁及烏梁海。由此至葉尼塞河上流之烏里雅蘇臺烏爾曼地方。豫定由恰克圖及威而納丁斯。出西比利亞鐵路而歸。行程凡四閱月半。

遠征隊調查科目。墨斯科商隊之調查科目。不但關於蒙古之商業工業等一般事情。且至尋常雜事。亦須詳細



調查。又遊歷隊踏查由俄國往來蒙古之道路。並研究道路修理之方法事情。此外尚須調查葉尼塞河（注入烏布薩泊者）色楞格河等諸大河本流支流舟航之便利如何。並悉該遠征隊。尚別派專員。研究由蒙古內部出中國海港之道路。與蒙古之生產物。將來輸出蒙古。及日本美國歐洲商品之輸入蒙古。應取如何之通路云。

關於商業事情之調查。遊歷隊除調查研究商業道路外。尚關於烏爾曼、烏里雅蘇臺、科布多及其他蒙古中心地點之商業狀態。一律比較研究。并關於貿易之風習交易。及賣買之習慣。改良之方法。銀行、匯票、通貨等諸問題。亦皆在研究範圍之內云。

遊歷隊之主要目的。此遊歷隊之主要目的。在於俄國將來掌握蒙古之商權。調查蒙古之商業狀態。蒙古土人之需要品。與購買力。又調查蒙古之生產物。年年輸出超過輸入。研究其增進之原因。與因此所生之結果。且調查俄國商人輸出蒙古之生產物。其代金代以物品。可得交

易與否。及調查俄國現今之品物。果適於蒙古人之嗜好與否。皆該隊調查之主要目的也。

蒙古及中俄條約改正之準備。俄國關於蒙古。希望與中國締結新約。變更舊約。俄國之貿易商。謂變更現今之中俄條約。究以如何為有利。非豫先精密研究蒙俄間商業貿易上之關係。及蒙古商業與蒙古生產物。不易猝定其方針。故為中俄條約改正之準備。此商隊實可謂為關於對華外交之先鋒云。並悉該商隊返國之日。當在本年十一月間。方可就歸國之途。

### 東三省要聞彙錄

榆關口外羅圈溝一帶。近有大股票匪蠢動。勢甚囂張。賊首周洪國。本庚子年永平拳匪餘孽。出沒滋擾。皆其主謀。刻尚假託奇門等術。煽惑奸民。凡建昌撫甯賊黨。悉多響應。近聞東省漏網胡匪焦海環等。亦已結合。其黨零星散佈。凡經過村鎮地方。恣意搶掠。綁人勒贖。坦然無忌。關外雖駐有巡防淮軍各隊。亦不敢擾其鋒。故賊勢日熾。聞前

在羅圈溝、黃石嶺、柞子溝。綁去富戶十餘人。臨行揚言。每人須勒贖萬元數千元不等。倘違定限。必拉票（殺害拖棄川谷之謂）云。至綁人未遇。或已脫逃者。常燒燬其房屋。該匪殘暴。蓋爲盜黨之尤也。

奉天義州泥溝屯民人于洛會。會種鴛粟若干畦。後經旁人勸阻。謂犯禁令。當即拔除。遺漏數十株在畦間。日前有警兵二人。謂其違禁。非罰款若干不可。于洛會以業經拔除。抗不受罰。該警兵遂將于某帶局究辦。該處人民。以警兵藉端訛詐。大爲不平。聚衆將于某奪回。警兵回局。卽以私種鴛粟。不服拿辦報告。該州牧不查虛實。請巡防營及各區警兵。前往嚴緝。及兵警到時。于某早已遠颺。遂將無辜良民。拿獲八名送州。各杖責四百。管押巡防兵及各巡警。又在該處肆行騷擾。挨屯搜捕。沈家台警兵倪某。竟敢乘機。將大山底下孫剛家婦女姦淫。房屋焚毀。因此該處民人。大動公憤。遂聯合一百一十屯。概置農事於不理。復將婦女遠送他處。預備與巡警決一勝負。聞彼此曾經互

相攻擊。已傷斃巡兵六名。鄉民死者十三人。聞黑龍江省屬大賚廳轄內人民。亦以官煙局辦理禁煙事。迭釀弊竇。枉法徇私。不堪其苦。激動公憤。曾嘯聚四百餘人。齊赴廳衙騷擾。風潮異常危險。

奉天鳳凰廳界林家台火車站。有華人之敗類。勾結外人。在該處設立賭局。招集一般鐵路苦工。藉賭博以罄其工資。分肥漁利。五月二十九日。安奉巡警以其妨害公安。滋生盜賊。派兵前往。令其罷轍。頓觸日人之怒。立將巡兵一刀劈下。頭顱碎裂。賭匪亦狂駭逃散。

又臨江縣境附近鴨江。有木商傅某。在江干檢認自砍之木植。分別穿牌。忽有某日人前往干預。從中阻難。略與詰辯。該日人卽舉槍向傅某轟擊。立時斃命。傅弟當場目睹。不敢出聲。後始赴興鳳道署。據實呈訴。

安屬三區自治公所呈報縣署。謂湯三城、長嶺子、高麗橋、邊門口等處。凡安奉鐵路佔用之地畝。久已定立標椿。乃日人近日擅將釘標私行移徙。佔據民田。請爲照會日官。

速予退讓。再高麗橋農民耕田車道。亦被日人堵塞斷絕。不准行走。應請併案查辦等情。陳大令據呈後。擬函託購地局。就近資令退出民田。酌留車道。以便農民。特日人近於安奉線路旁。如入無人之境。此類移椿塞道問題。實不勝數。地方官恐亦無法辦理也。

鴨綠江下游安東縣屬五道溝附近。光緒中葉。江心沙土。逐漸淤積。已成洲渚。形似斜梭。南北三里許。東西最寬處有七八里。俗呼爲柳草坪。曩經洪張趙隋等姓。合同報明呈領。發有大照。旋在此處廣栽蘆葦。不及十年。遽獲厚利。迨日俄戰後。韓人假日之威。勾結日人。意圖侵占。故值秋收之日。彼即強來橫阻。滋鬧尋事。已不知凡幾。雖控官交涉。當道視爲細故。並不力爭。置於若有若無之間。而韓人即乘間移家佔住。於今四五年。已成極大村落。約共二百餘家。悉係韓人。墾田捕魚。養葦其間。生涯頗裕。直視爲己業。茲洪某等以如此腴產。無端被逐。擬將柳草坪原報文契。及栽植墾闢前後情形。交該埠自治會核議。請由官府

代爲索回。但刻下東邊交涉案件。類此者甚多。恐地方官疾首蹙額。亦莫可如何耳。

又吉林函云。三岔口迤南十里許。有地名高麗營。今更名高安村。爲韓民移墾之所。比年生聚日繁。已成一大村落。計有一百六七十戶。當光緒三十二年前。綏芬廳方牧。以地方荒僻。故加意招徠。今廳境韓人。已到處皆是。第該村韓人。現雖歸化入籍。而雜髮易服。按照吾國裝飾者。尙十不及五。茲聞東甯廳（即綏芬舊治）張司馬曉諭村人。限半月以內。一體薙髮。違者即行驅逐。該韓民痛其祖國之淪亡。多願託庇歸化。已遵我示諭。一律改裝。

神州報按云。現在吉奉兩省之東。凡圖們鴨渾各江流域。韓人遷此日繁。來者尙相屬於道路。吾國國籍法。頒而未行。戶口清查法。奉行又不力。誠不知受壓吾土者。其數幾何也。願第以延吉一郡論。約略調查。已十八萬有餘人矣。人類混雜。族屬糾紛。重以餘燼之未灰。強鄰之壓境。鬼闖吾室。悵作虎徒。吉長日報昔持韓僑取締

議。貢於社會。卽斯旨也。綢繆未雨。有心人盍亟圖之。

### 五記錦愛鐵路問題

六月初二日路透電云。英人以政府不肯爲力。且極反對之。故已定議。將錦州鐵路。造至洮南府。外務大臣格蘭氏。嘗通告寶林公司。謂該路若造至洮南爲止。則政府當予以助力。且亦不至爲日俄所阻尼也。倫敦商界。僉稱錦愛鐵路。長至八百英里。告竣之期。需時甚久。是以此次縮短至洮南。洵爲明哲之道。而又合於外交之方法也。

六月二十二日路透電云。日俄二國。冀握滿蒙二處鐵路建築之控御權。倫敦支那會社。對於該二國之實地要求。顯有劇烈之反抗。其反抗心之所以激起者。則以觀於二國對付錦愛鐵路計畫之狀態。及近時日俄協約中。關於該處鐵路事之條款故也。是以支那會社起而行反抗之計。作爲小試。並函告外部。略謂英人於此次既定之線路。竟被阻尼。據承攬家及普通造路家之見解。恐此端一開。將來滿蒙二處。建造鐵路。將永永被擯。不能復與於通工

合辦之數。此其結果之嚴重。外部須加之意也云云。該會社此舉。頗稱重要。是以已由全國領袖商會董事二十人核議。二十人中。有加批語以示贊成者。亦有擬集衆開會。以俟決議者。然外部則尙猶豫。不肯遽助承攬家。其所持理由。則謂苟或贊助。是破壞英俄協約矣。惟對於錦洮路線之意見。則頗爲優厚云。（此意見卽造至洮南爲止之說）有爲解決之說者。謂中國當頒發一築造全路之上諭。惟諭中含蓄。既抵洮南之後。應否更進。屆時再行奏請批示。是說也。此間頗多贊許者。

六月十七日上海新聞報。譯錄字林報訪函云。美國銀行家。近日會於倫敦。與英國銀行家。協力共謀錦愛鐵路事。但英政府卒無相助之意。恐年終將行解散矣。但寶林公司將來可於滿洲獨謀其營業。當不致遷怒於政府。至於中國政府。會否以錦愛鐵路之敷設。許與外人。均無確實消息。英報揭之。衆意游移。因格蘭君曾謂觀近來華政府與寶林公司所議。予已得其要領。華政府不過視寶

林公司爲其所用之人。未嘗以得敷設權之人視之也。如在奉天所議簽字之約。寶林公司僅得鐵路公司餘利百分之十。且須由華人管理鐵路之事。卽此一端。已知寶林公司非爲得造路之權者矣。

華員鄭君曰。寶林公司如木工。今爲人造屋。屋成交付其主。寶爲其僕云云。

觀此情形。無論美國人如何。格蘭君終不以華政府會委敷設權與英商爲真確。僅須取合同觀之。其中所用承造人字樣。全篇均是。卽可知矣。

六月二十三日。上海新聞報譯錄太晤士報云。斯丹達報之北京通信員。電稱華政府因得發起者之許可。已將錦愛鐵路之策改變。緣原定由錦州造至愛琿之鐵路。計長八百八十英里。須經多年。始能竣工。加以英政府不允助承造者爭之。僅許助其造至洮南府爲止。況日俄兩國。亦無異言。所以華政府決意將錦愛鐵路。改作錦洮鐵路也。今據布郎君致斯丹達報之書。謂北京通信員所報華政

府改錦愛鐵路爲錦洮鐵路一事。確實無訛。今英國之承造鐵路者。及資本家。均以所改者爲然。因此路日俄均不能干預。且英政府亦願贊成之。不若錦愛鐵路。使英政府不能相助。如助之則背約也。

要知中國之以洮南府爲錦洮鐵路之尾點。實欲由中國自造。他國不得干預耳。今覽地圖。該路線穿蒙東境之中。心而過。與日俄路線無關。故日俄均不能於經濟上。或政治上。與之競爭。英政府爲錦愛鐵路一事。去歲曾知照承造鐵路者。曰如所定路線。不在東清鐵道競爭之界內。英政府必助之。至於日本所爭者。亦以該路線橫過東清鐵路。恐與日本之南滿鐵路。於經濟上有所競爭。故要求均沾借款之利益。今所改之路線。與日本之鐵路。相距數百英里。日本無論如何。終不得藉口以干預之矣。

以上通信員所報。均屬實在之消息。華政府實有振興蒙古利源之意。此意甚善。今阿布諾君。已向外務部探詢日俄新約。是否按照普爾斯沒斯新約辦理。是否謹守英日

協約之義。以資考證云。

### 記本溪湖煤礦交涉之結果

據東報言。本溪湖夙爲著名產煤地。當日俄戰爭時。大倉喜八郎氏。卽已籌備款項。從事採掘。其後中國盛行收回利權之說。中國官吏。欲將該礦山索還。大倉氏抗而不從。然該地究爲中國領土。非由中國政府明許其採掘。則對於中國政府。其理論究未能十分圓足。復因中國之抗議。連年不息。遂至爲兩國外交問題之一。大倉氏欲除此後患。最近以滿韓旅行之名義。在奉天與中國官吏。開始交涉。依彼此讓步之結果。業已訂立約款。該交涉始自陽歷五月十七日。連日開議。至同月二十二日。卽已簽押。以此至少之時日。締結兩國之契約。實爲對清交涉中從來未有之異例。該契約之內容。在於變從來大倉氏之單獨經營。而爲中日兩國之合同經營。大倉爲日本之代表。張某爲中國之代表。各出資百萬圓。組成二百萬圓之合資會社。但此不過爲契約之大綱。兩者之間。尙須別定細則。東

報又云。該合同事業。開始之後。大約一日可出煤五百噸。然煤質極佳。該礦之容積極巨。雖逾五十年百年後。亦無消滅之虞。故隨事業之進行。將來採掘額益見增多。可操左券云云。

### 續記奉天省搶米之大風潮

奉省安東四區湯池子。貧民滋鬧。經司法巡弁彈壓。勸令糧戶捐貲補助。敷衍了結。然彼時糧戶。雖經認可。究非其心之所願。故事後又復遷延。鄉董隋忠。知久必生變。日前遂先至縣署稟訴。謂各糧戶允捐之貲。靳不交付。實屬爲富不仁。應請傳案嚴懲云云。縣中尙未批示。而貧民果於上月二十五日。復糾衆四起。倡言雖有現洋糧石散放。我輩亦不領受。惟願率衆挨戶傳餐。至糧盡爲止云云。五道溝林維翰梁春發二人。前聚衆三四十名。至富戶張姓家滋鬧時。意圖釀成變故。乘機劫掠。議員會董等。馳往排解。紛擾尤甚。膽敢喝衆動手逞毆。幸該貧民尙有天良。未肯聽其指揮。乃復揚言張某爲富不仁。當罰洋百元。糧

若干石。方能歸去。不然。將同歸於盡。橫行謾罵。恫嚇萬端。該議員等恐激他變。不敢與較。遂潛行至縣。請示辦法。陳大令乃再派司法巡弁劉盛。前往勸諭。謂如不聽。即將該首領拘繫來縣。儘法懲辦。嗣劉盛馳抵該屯。勸其領洋解散。該首領仍一味兇蠻。非重罰張某不滿厥意。劉無奈。轉以好言安慰。給其自行到署申訴。必助爾臂力。該首領果聽其言。相隨至縣。甫進縣廨。劉即飭兵役看管。一面由縣備文。送交審判廳。嚴行訊辦。該處貧民等聞悉消息。危懼異常。立刻解散。

附郭之六道溝。五月二十八日。又有貧民領袖趙李二人。煽惑各民。蜂起滋事。一時集有六十餘名。悉聚於富戶逢姓之門。分其積糧。勢將下手。幸逢某聞風。已先避匿於本街商店。貧民見其家中無主。恐乘便攫取。類於搶劫。故亦未敢強分。遂即盤踞其家。恣意食宿。後因逢某不歸。衆貧民遂決議。迫脅該處議員。偕同往分。議員聞風。亦即夤夜潛遁。以避其鋒。

鳳凰廳界龍王廟貧民。分糧滋事。經該廳朱司馬。馳往勸導。終不相下。而貧民又愈聚愈衆。無可理喻。事急計生。遂出調停之策。壓令商店將存糧盡數分給貧民。價格仍照前議。無奈糧少人衆。不足分布。仍是譁噪。不得已乃諭飭未領者。暫回鄉里。每屯各舉一二人。隨之回城。另籌補助之法。

東盟喀拉沁右旗地方。有教民石孝順（又名史耀順）者。藉教爲護符。前月曾在四十家子。號召奸民。搶分糧穀。祇因未懲其首禍之罪。該教民愈覺膽大。復於五月二十三。四等日。鳩合流民。不下五六百名。齊至大牛蒙村富民陳鳳翼家。硬將存糧搶出。變買鴉片酒肉。即在門外埋鍋造飯。闕飲大嚼。聲言將陳破產。再食某某之糧。並云我輩分糧。尙有財發。即人聚千萬。亦例無辦法。由是互相煽惑。勢益猖獗。蒙民之無知者。亦接踵附和。正廝鬧劇烈之際。幸該旗護印協理希光甫聞信。恐釀巨患。照會駐防隊官。派兵彈壓。該奸民仍挺抗不遵。嗣會同鄉約。將首犯捕送王

府。連夜備文。解交熱河都統懲辦。人心略靜。

### 山東路礦述聞

煙濰鐵路。煙濰鐵路。本與膠濟鐵路。大有關係。亦於青島商業。不無影響。現在德人要求合辦煙濰路線。否則即將高密一路。不讓中國修築。

又聞孫撫之意。以煙臺爲北洋之總樞紐。外人注意。已非朝夕。其先草辦蠶絲各莊。已半爲青島所奪。今則油坊磨坊。亦有浸浸赴大連之勢。若再遷延。不亟敷設。更恐藉口運輸不便。起而攬我路權。此後主權。恐將復非我有。聞已商郵傳部。請派呂尙書海寰。先招商股若干。登萊是其桑梓。登高一呼。撥款合辦。自必認股較易。然後再輔以官力。庶幾衆擎易舉云云。尙未知德人能不干涉否也。

沂水金礦。魯省五礦案內。沂水其一也。去年中德交涉。魯人死力抵抗。孫撫終排衆議。用三十四萬兩贖回。然贖回之地。惟茅山廢礦。派王斧頭接辦。其餘四處仍棄利於地。日前濟垣紳商會議此事。僉謂贖回不辦。與不贖相等。

何苦虛擲此三十四萬之膏血。然四處同時并舉。又爲財力所絀。莫若派熟悉礦務之人。分赴調查。擇其礦苗尤旺者。先行開採。俟辦有成效。再次第舉辦。現據調查員返省報告。沂水小梁水長莊小安莊落葉溝紅石橋石浪頭溝一帶。東西寬二里餘。南北長六里餘。土含沙質。金沙雜於其間。礦苗極旺。衆遂決議招集股份。先開採沂水金礦。乃孫中丞亦聞該處金礦極富。日前特札飭勸業道。派員前往調查。該員覆稱。與紳商調查者相同。擬趁紳商先辦。特恐延宕無期。遂片奏該處歸官辦理。紳商各界聞之。擬出而相爭。後由某紳阻止。謂我等不必與官場反對。只願招股。倘將股份集足。官辦其一。我辦其三。未爲不可。何必官商各存意見。衆從之。現已決議。沂水金礦。由官辦理矣。

### 浙鹽改售洋碼續記

浙鹽改售洋碼一案。已詳前志。江督張人駿。蘇撫程德全。續又致電鹽政處。商酌變通之辦法。其文如下。

德全到任後。遂加訪察。浙商虧累之由。因陡加新引七萬。



又報効引本二十萬。非盡由銅元之害。蘇屬商會。昨已逕電鈞處。業荷電示殷殷。自應曲體維持。量其日用所需。勉力遵辦。然值此民窮財盡。負荷維艱。人駿昨據浙運司抄送此案原詳。洋碼以兌錢一千四百文計算。現在時價。每元僅兌錢一千三百十餘文上下。並無每元可兌錢一千四百文之說。若謂洋價迭騰。民間以洋元購買。鹽可多得。卽極愚者亦知其無是事。茲浙運司已在蘇屬示諭。浙鹽改售洋碼。每斤須洋五分二釐。合錢七十文一斤。較之原售每斤五十八文。每斤實驟增十二文。爲從來加鹽價之所無。蘇屬各州縣。祇靖江縣電蘇請示覆。以俟定案後飭遵。此外尙在相持。察看民情。如改售洋碼。或較原售酌增。較現售酌減。以免所增過鉅。此尙係德全曲爲求全。逼而出此。萬一民情不順。陡起風潮。人駿與德全負咎在所不計。其如大局何。統希鈞核示遵。

### 安徽湖北水災記

安徽甯國府宣城縣水災。每較他邑爲重。蓋當山洪漲發

時。徽甯諸水匯其東。涇太諸水湍其西。上年被水各圩。除淹沒不計外。三鄉共破二十餘圩。飢民困不得食。半吃草根。五月初旬。霖雨兩三日。山洪暴漲。初九初十兩日。東鄉上年沖決之二十餘圩。一概沖決。西北鄉亦連破十餘圩。旋復連雨七八日。至二十四日午後。山洪復發。水勢排山倒海而來。東門城牆崩倒二十餘丈。各圩沖決。復以十數計。間有未破之圩。亦爲大水平漫。登高一望。盡成澤國。傾倒房屋。漂流牲畜。不可以數計。

南陵縣五月上旬。大水爲災。沖決下游數十圩。并波及繁昌十五圩。茲聞前次大水。破落甚速。高處田禾。尙屬無恙。低處尙堪補種晚禾。所決之口。已次第堵塞。不意十八日起。至二十六日止。風雨交作。晝夜不休。上游涇太。山洪又復暴發。水勢建瓴而下。高低田禾。重被淹沒。城內水深二尺。城廂一帶草房土牆。倒塌甚多。二十四日。北門白骨塔前城牆。亦崩倒四丈有餘。各圩新堵之口。因土質甚鬆。又衝決數處。二十餘萬圩田。眼見秋成無望。

蕪湖縣鳳林圩。近因上游山洪暴發。以致濮家店金上湖等處。於五月二十七日。決口十餘丈。無法搶救。蕪湖縣知縣何某聞報。當即偕同鄉民。攜帶木椿馳往。奮勇急救。遂將已決之口堵塞。又石跪鎮撒西圩。亦決口數丈。何令又馳往搶救。業已堵塞。亦云幸矣。南鄉馬塘圩。於某日決口。無法堵塞。該圩一片汪洋。田廬房屋。已盡在水中矣。繁昌縣五月上旬。大雨數日。水勢暴漲。初十日連破十三圩。下旬又復大雨五六日。高低田禾。重被淹沒。牲畜漂流無算。所決各圩。調查錄下。十八都永慶上輔茅場埠造家壩五圩。二十三都九兒埠圩。南鄉十五都腸埠肺埠新興埠魯家壩吳姓埠。東鄉十五都新埠元埠。又泗州盱眙屬之龍陣地方。於五月下旬。狂風驟起。寒氣逼人。俄而冰雹下降。大如碗碟。平地約集五六寸許。致雜糧麥苗。悉受損傷。

湖北濱江沿河州縣。向以堤壩為保障。自前去兩年。大水為災。各屬堤壩。十潰八九。前經借募公債。分別委員修復。

記載第三 中國時事彙錄

不料工程方竣。大水又來。加以久陰不晴。致各堤潰口者。時有所聞。茲將各屬潰堤之處。調查列下。

(一) 監利縣。該縣在襄河之中段。旁有府河匯繞。舟楫四達。向稱澤國。近因襄水陡漲丈餘。驟將該縣府口堤。錢老堤。嚴口堤。丁家口堤。同時沖潰。被淹災民。約六七百戶。

(二) 潛江縣。該縣在監利之上游。地勢低窪。水災連年。合境黎庶。蕩析離居。滿冀今歲豐收。略復元氣。不料五月中下兩旬。久雨不息。河湖泛漲。致將馬家拐大堤。沖潰一口。水勢下注。有如建瓴。堤內數十里。頓成澤國。田園廬舍。悉被淹沒。將熟之稻。隨波飄流。不能收穫。被災失業之戶。約三百家。

(三) 沔陽州。該州素稱澤國。十年九淹。非大旱之年。田園無豐收之望。故前去兩年大水。該州被災為最慘重。十室九空。卽紳富亦成餓殍。今因監利潛江之水下注。致將該州九合姚老等新修之堤沖潰。而九合堤已築

之工本。不過八成。承修委員馮知府敦彭。恐受遲誤之咎。於將潰之前一日。捏報全工完竣。現爲瑞總督查悉。以其意圖侵冒。且監濬之水。亦不能禦。則其工程草率可知。已飭將該守頂戴摘去。仍留工次。設法補救。瑞總督又查得馮知府所用之員司人等。尅扣工款。約七八千串。現已飭藩司委員往提。如有一人不到。卽惟馮知府是問。至該州此次被水。雖較去年爲輕。然地勢稍高。素無水患之新堤芳洲等處。亦宛在水中。幸江水尙低。可以消疏出江。

(四)漢川縣 該縣形同釜底。爲向有水患之區。現因沔陽芳洲新堤之水下注。該縣當其漩渦。致將臨江白魚打雁蓮子太和永盛楊家河各官堤民堤。一併淹潰成口。受災甚重。堤院內居民一千餘戶。什物皆被飄沒。僅以身免。其老弱婦孺之溺斃者。不可勝計。

### 十六記湘鄂路線商借外款情形

英法德美四國借款一案。至今未定。據北京日報巴黎通

信云。西五月二十四號。各國大銀行家會議情形。業經登載。茲聞是日卽將借款內部所訂合同。及權利分配之條件簽字。其內容約分兩端。對於借款之貸金。英法德美四國各占四分之一。平均分配。無所偏倚。對於兩路之權利。(卽指用人購料等事)則四國所得。各有不同。粵漢一路。全段總工程師。當用英人。購料公司爲英之專利。以英人組織之。川漢一路。分爲數段。其第一段約二百英里。(當係由漢口至宜昌在湖北境內)總工程師當用德人。購料公司爲德之專利。以德人組織之。其餘各段。(當係自宜昌至成都)總工程師及購料公司。爲美法英三國均沾等語。按此情形而論。關於貸金一面。四國雖立平等地位。關於權利一面。則四國大有參差。英之利益最大。德次之。美次之。法又次之。粵漢一路。實爲英所獨有。川漢一路。則爲英德美法共有。因之法人對此。頗有違言。聲言此舉於法無甚大利。法雖有工程師。有購料利益。然遠後於英德諸國。此其過全在法之資本家。不知大體。彼等但圖資

本平均。得與各國享受同等之利益。而不爲本國之實業家及工程師著想。此事非法之外交。爲後援。則法國將全歸失敗。法爲英利用以敵德。而利益乃遠在英後。是豈能爲平允之報酬云云。按粵漢川漢借款問題。久未解決。實以英德法美四國權利競爭未能妥洽。故其對我之力。亦自減殺。今以各省爭商辦請廢約者紛起。而四國情形。遂爲之一變。昔之互相離異者。今則互相連合。昔之互相競爭者。今則互相退讓。彼此牽就。協以謀我。則外交之對付已窮。而縱橫捭闔。皆無所用矣。

上海神州日報所載。與前條略異。而可資參考。據言陽歷五月二十三、四兩日。在法國巴黎會議。由法國前任度支部尚書夏伊羅君爲會長。所議事件。爲宜昌至四川之路線。究竟算在草約內否。以及四國對於粵漢鐵路之投資。究竟如何攤派。各項材料之購用。工程師之延聘。如何限制。當已議決。宜昌路線。不在草案之內。粵漢全路之資本。四國均分。各項權利。及各項材料。亦是四國均分。他國不

得干預。並決議由漢口至宜昌之工程師。德派一正。美派一副。是日到會者。除法國前任度支部尚書外。有代表東方匯理銀行總理西孟君。又北京資本家代表修魯曼君。美國代表莫爾康商會客勒聶夫爾君。達比遜君。又莫爾康窟廉非爾商會窟廉非爾君。又莫爾康哈爾塞斯商會哈爾塞斯君。又巴爾別兒基商會麻窟巴爾別兒基君。又北京資本家代表司戴杜君。英國代表匯豐銀行北京分行總理阿利斯君。又支那中央鐵路代表很達孫君。又德國代表財政事務官男爵烏爾必基。德華銀行總理列德兒。

六月初九日字林報。載北京電云。英法德美四國公使。已分別致書於外務部。其語氣均屬和平。而辭旨則極堅毅。其要請之辭。又如出一轍。蓋欲中國速頒諭旨。以完成川漢粵漢鐵路之借款事宜耳。惟公使等並不盼望其立即見覆。因深知紳學界反對甚力。且究不知此項文牘。爲中政府所樂受否耳。

### 記廣東劣紳抗查戶口之風潮

廣東廣韶羅道。前委陳知州模。至羅定縣。督同城工局諸紳。調查戶口。併飭各鄉村局所。將前領及私購未存案各鎗。呈驗烙號。本爲嚴杜接濟匪黨計。劣紳陳世珍、陳標國、黃濬等。恐事敗獲罪。（陳黃等前充素龍十一堡練局董事。因光緒二十四年。盜風猖獗。該局稟請知縣李象辰。轉電兩廣總督。請領鎗枝。該劣紳等藉局名冒領甚多。後緣鎗價昂貴。轉售已罄。故近聞道台呈驗之諭。惶恐異常。）造謠煽惑。冀遂其營私破壞之計。於五月初九日。冒稱自治會告白。徧貼通衢。內云。國庫支絀。羅掘已窮。今日調查戶口。實爲將來抽人稅之張本云云。無知愚民。被其鼓煽。迭次暴動。與調查員紳爲難。其兇饒以五月十七日爲甚。是日陳委員至素龍十一堡。邀同黃紳達瀚。梁紳應鴻。勸諭各鄉烙鎗。陳世珍等見事迫。陰率族內子弟。沿途鳴鑼。糾合數千人。將抵素龍。黃梁二紳知勢成洶洶。卽會見陳委員。請兵彈壓。言未畢。鄉人已蜂擁至。將二紳及陳委員

圍困。聲稱必置之死地。後該二紳族人聞耗。邀集數百人。奔赴。將二紳及陳委員翼護而出。然因衆寡懸殊。二紳受傷頗重。陳委員器物。亦被劫掠一空。

### 記英使反對鴉片專賣事

前英國公使對於廣東鴉片專賣問題。極力反對。屢向外務部交涉。茲將外部與粵督來往電文。照錄於下。藉見此案之大略。

外部去電 粵省加徵洋藥稅銀。並廣元公司包攬洋藥事。佳電計達。未見准復。茲英使又稱廣東膏捐章程。致令每箱洋藥。暗受三百元之損。並限令各鋪將洋藥於三日內熬化成膏。違背約章。若任該省如此妄爲。印政府必不肯照原議再行遞減等語。希速將辦理情形電復爲要。外。粵督覆電 粵省牌照捐。係抽之於膏店。吸戶煮土成膏。以後。非抽之於生土。提出關棧時。與煙臺條約續增專條。並無違背。且洋藥土藥。成膏以後。一律抽捐。未嘗歧視外人。亦本吾國內政。至限日熬膏。係爲嚴防內地奸商囤積。

起見。鈞部前與英使議定。商禁洋藥進口辦法。自光緒三十三年十二月起。按年應遞減一成。乃查海關貿易冊。洋藥進口之數。三十四年。較三十三年。僅少百分之三。至宣統元年。較光緒三十四年。則有增無減。其銷納之處。大抵商人囤積居多。此次辦理牌照捐。該禁煙總局。限令膏店吸戶。於購土三日後。熬化成膏。係防奸商囤積。蔓延傳染。遲誤禁煙期限。總之進口洋藥。既經賣與華商。如何限日成膏。及計膏抽捐。均與約章無涉。更與洋藥貿易無干。何得謂之妄為。況當日按年遞減之說。原指洋藥土藥同時並減。現各省禁種土藥。已減至八成。本年三月間。准度支部陽電。亦以吸戶羣趨洋藥為慮。所有洋藥進口數目。似應一面由鈞部復加調查。與英使磋商。按照原議遞減之數。再大加銳減。以期彼此踐言。為吾國禁煙前途之助力。若如英使所稱。印政府不肯照原議再行遞減之語。則是借口要挾。專為洋藥商人暢銷計算。與英國前允協助禁煙義舉。豈不大相矛盾。鴉片流毒。各國皆願早除。英為文

明大邦。諒不至祇顧少數人之牟利。破壞禁煙大局也。乞婉切轉告。云云。

### 記廣西匪亂近狀

上海新聞報言。廣西亂事。此伏彼起。久未平靜。近日民生困難。加以官激民變。亂象愈益蔓延矣。據近時通信員所報告者。彙錄如下。

梧州藤縣匪熾。大吏改委候補知縣王為毅接署。該邑民風剽悍。向稱盜藪。再經官之激成民變。附匪者衆。成股成幫之悍寇。已日增月盛。藤縣上界蒼梧。下界平南。左界容縣。右界武宣昭平。所界各縣。皆匪熾之區。因藤縣官吏貪酷虐民。民心浮動。全境騷然。各縣之匪。半入藤縣脅煽。增其羽翼矣。

永甯州懷遠縣石署令家鑑。因加抽油捐。激成鄉民之變。署右江道沈秉炎。親臨辦理。力請將石令撤省。以息衆怒。然後設法勸諭。於是激變之一百二十一村。遵諭解散者。百零三村。尚有縣屬古宜甲附近十八村。仍抗捐滋鬧。沈

道由縣城進駐古宜。而接署懷遠縣知縣劉壬濱。因村民毆斃其親兵一名。力請派營洗村。沈道初不允。劉令力請不已。沈道乃電稟請示。張撫允之。於是劉令由古宜甲會督右江巡防隊。以礮火向十八村轟擊。

歸順直隸州鎮邊縣。近日亦有匪耗。據陸鎮李道電稱。撲攻歸順直隸州之匪。經楊守玉銜率兵團抵禦。鄧管帶大謨督營夾擊潰散。旋又糾合。圍州屬鎮邊縣城。黃管帶培桂登陴拒戰。鄧大謨率營馳援。接仗一日。各有傷亡。龍州新軍礮兵營趕到。用格魯森礮轟擊。斃匪不少。城圍立解。惟匪尙散徧縣境。及下雷土州界內。楊守分派各營偵捕。其鄧大謨黃培桂等營。與匪股交鋒。轉戰數次。各有傷夷。署鎮邊縣許克襄帶親兵一哨。團練數百人。擊匪失利。被困深山。幾至遇害。後經鄧軍救援出險。遺失槍械不少。平樂府屬。近日匪氛日熾。勾煽愈多。近獲要匪數名。訊究供出府署總役王某。縣署總役劉某。皆已入會。專作黨中偵探。將官軍舉動。隨時報知。遇有劫奪銀物。坐地分贓。張

撫據稟。立將平樂府知府在任記名道徐宗蔭撤回。另委試用知府廖廷銓接署。飭尅日整飭營隊。大加剿捕。近日匪黨肆擾。各路水師船艇。或因衛送商船。或因緝巡汛地。遇匪接仗。無不敗挫。甚至孤泊之礮船。匪必圍逼。勒獻鎗碼。一時水師之聲威大損。大吏以水師屢報失事。亟須妥爲保存船械。莫妙於水陸聯絡。互相援應。特飭自陽朔縣起。經平樂、昭平、蒼梧、藤縣、貴縣、桂平、武宣、平南、橫州、永淳、宣化、隆安、新甯、崇善、龍州、百色、恩隆、遷江、象州、雒容、馬平、宜山等數十州縣。於所轄濱河地方。築小礮臺。酌量情形。每若干里設一座。撥防勇團練駐守。遇有附近水師船隻被匪圍攻。或與匪戰。即迅馳援助。如水師敗挫。即駛泊礮臺下。互相憑依。以免再有船械毀失。弁勇傷亡之案。

▲又據別報言。廣西民情橫悍。素稱難治。有今日爲民。明日卽匪。明日爲匪。後日仍當兵者。以故三者混合。無法整理。叛變之事。時有所聞。現聞駐紮滇邊南溪駐防第三營之中後右三哨勇丁。同日謀變。而滇桂二省之土匪。復

聞風響應。由河陽三圻等處進行。與安南革命黨聯合一氣。冀圖大舉。聲勢極盛。迨廣西右江道熊心洪聞警。派兵追剿。勢已不及。現又有由越境竄回廣西之耗。與官兵接仗。互有勝負。蓋因叛兵等所攜火藥子彈。一概俱全之故。南甯府屬居民。因抵抗新捐。有六萬餘人。附入匪黨。各攜鎗械。與官軍抵敵。龍鎮軍遣某統領星夜督率大軍。馳往該處。攻戰歷數晝夜之久。匪始稍退。斃匪黨十餘人。受傷而生擒者。一百六十餘人。同時柳州百色等處。亦有匪徒起事。

### 各省要事彙錄

順天。五月中良鄉涿縣之間。西山一帶。忽發生一種飢民。約百餘人。沿村乞食。並無器械軍火。惟每到一村。必強討惡索。事為地方官所聞。以未悉真相。遂張大其詞。上稟請兵。更復以訛傳訛。有謂係庚子拳匪餘孽者。有謂係關東鬍匪竄入內地者。直督陳制軍。遂會同順天府尹。飭調淮軍巡防營統領李天保。督帶馬步兩營。前往良涿一帶。

相機剿辦。大兵一到。百餘飢民。即鳥獸奔散。惟有少數莠民。四處煽惑。謂義和團復出。有端莊諸老祖師默佑。可以殺盡貪官污吏等語。

煙臺。五月二十五日。旅居煙臺日人後藤某。自安東運裝木植。到煙出售。其木排被海水冲壞。在岸上以斧修整之。適有苦力孫福吉者。拾其破爛木片二塊。日人大怒。執斧將孫擊倒。當將孫某斫斃。後雖復甦。然受傷甚重矣。後由巡警四區。將日人拿獲。送交審判所。經訊判員堂訊。日人供認不諱。且云孫某雖死。（此時日人猶不知孫復蘇甦）吾有錢。可以償其命。又算了什麼大事等語。此日人旋被日本巡警索去。

江蘇。松江沿海一帶梟匪。近頗猖獗。六月初四晚四鼓時。竟明火執械。行劫漕涇鹽捕前營軍械。同時又行劫金山衛駐防之鹽營徐領哨鎗船及鎗械等。並槍斃舵工一名。傷數名。擄去兵丁一名。當行劫漕涇大營時。詹獻亭管帶出而抵禦。被槍傷面部。兩足膝灣亦受彈擦傷。該梟分



路竄逸。一從海塘往南。一由陸往西。進衛東門。出西門。至金水樑橋而去。

浙江 浙東各屬。近頗不靖。前有嚴州淳安縣農民胡炳旺等。聯名向浙撫稟訴。略言該縣著名土匪徐大柳等。勢熾日熾。黨羽日多。六月初。突向該民等強索銀米。不遂。輒糾集黨羽數百人。白日搶劫。勒寫票據。並毆傷村民多人。捉去幫工一名。索洋二百元回贖。致鄰近數十里。民心惶懼。籲請拿辦云云。

又有溫州平陽學界林存仁等。聯名具稟撫署。略謂現有大幫土匪。夥劫近城村鎮。官兵彈壓。當場拒捕。格殺匪黨一名。拿獲者多至二十三名。而匪勢不稍衰。並敢大張揭帖。聲言報復。並將屠洗某村某鎮等。民心惶惶。環請設法防禦云云。

聞溫州縉雲樂清平陽各縣。土匪出沒。大肆猖狂。而尤以縉雲之白虹嶺等處為最熾。迭經該處紳士。先後電請省臺嚴飭溫台兩防。會同剿辦。無如防營敷衍。妄報肅清。故

匪熾肆橫如故云。

▲▲杭州城內石板弄地方蔡姓家。於五月二十二日夜。有男女聚賭事。被崗警偵知。報由區長。率同長警往拿。其時女子二人。逃入內室。男子二人。並不避匿。竟奮拳擊傷巡士之目。繼持條棍打傷巡士之腿。區長喝將桌上之牌。及該賭徒一併帶區。該賭徒俱自稱為八十一標二營之排長。當由區備文解送分局。途中該賭徒猶敢脚踢巡士。致受傷甚重。至次晨。該標營兵士。因拿獲其營官之故。聲言欲與巡警為難。區中預為戒備。至九時。有該標二營目兵七八人。至塔兒頭地方。故意來撞崗警。繼即手持大棍亂打。鄰崗巡士前往排解。彼輩復揚言來多少人。打多少人。勢焰凶惡。不一時。已聚集兵士四五十人。區長聞警。一面電告該營。請其派員前來彈壓。一面穿著制服。帶領長警。馳往救護巡士。并嚴諭警士。不准回擊。冀免釀成交關。未幾。標營已派員臨場。區長請其速即帶隊回營。事始已。甘肅 甘肅蘭州府西。地名金家堰者。鄉民反抗禁煙。蘭

州府某守。率同衙役巡士等。下鄉捕人。皋蘭及金縣二令。隨同前往。初至該據。民尙焚香哀求。寬限數月。以示體卹。該守不允。將求者數人。重責二百板。鄉民大譁。遂將該守重行毆辱。縣令亦被圍。幸卽脫出。有某老紳士出場。再三開導。鄉民謂官紳串通作虐。羣將該老紳拳足交加。致受重傷。後經有巨力者二人。排衆入圍。將受傷之官。負之衝圍而出。翌日。又由該地紳士。護送回衙。急請比國醫士雷格氏看視。據云傷勢沉重。非三月不痊。蘭州道潘某聞信。急發兵赴該地駐紮。出示嚴禁種煙吸煙等事。又聞蘭州某縣。亦以鄉民求免拔除鴉粟。拒之。恐激衆怒。許之。則又違功令。無術調停。遂與其母先後自盡云。

四川。重慶府屬銅梁大足等縣。造紙各廠。約有一千餘家。前因抽收紙捐。各紙廠相約罷市。廠中工匠因無營生之處。聚集衆工。及地方匪徒。羣起滋事。當將毘連之釐金局悉行搗毀。後由重慶府郭守。親臨彈壓。將亂民好言勸慰解散。並將爲首倡亂之數人。就地正法。又在滋關等處。

派兵防守。地方因之略靖。詎匪徒土棍。旋又乘機起事。屠集多寶寺。（該處存儲火藥軍械。計覓火藥軍械。與官抗敵。因見府縣營官。督同大兵到來。卽將寺中軍械。一律搶奪在手。開鎗先行轟擊。並擬將多寶寺火藥局轟燬。大足縣王大令。恐釀大禍。急令各兵奮勇鎗擊。亂民見勢不敵。紛紛逃竄。當場生擒者四人。傷重斃命者六人。

▲▲涇州禁煙嚴迫。鄉民羣起反對。竟將局署圍攻打毀。地方匪徒。乘機起亂。該處紳士專電稟告趙督。聞某守以辦理不善撤任。並聞滋事首匪數人。業已就逮。

雲南。雲南時局危急。較東三省有過無不及。法人在雲南各府州縣。設有天主堂。各神甫等。每日在本境內。考查地理人情。採探礦產一切。山形地勢。一律繪圖。按期報告省城總天主堂。每逢朔望。招集各州縣天主教長。開大會議。再彙報越南總督。其意在經營雲南。以期接連越南。現在省城南門。劃有租界。建築樓房若干。聲勢氣餒。日勝一日云。

各省路礦述聞

正太。正太前於西歷一千九百零一年。息借法款四千萬佛郎。預定西歷一千九百十一年歸本外。另酬費十萬佛郎。明年即屆歸還之期。聞郵傳部已預爲籌備。

津浦。津浦路工。前因工款支絀。而續借之路款。一時未成。於是洋工程司即將各段停工。其後續借英德路款四百萬鎊。已經議行。各段工程始同時興舉。

津浦南段鐵路。自前年十二月初一日興工。現由江南浦口。至安徽臨淮關一帶路工。將報竣事。決定於八月初一日起。售票搭客。

洛潼。前期載洛潼鐵路借款合同草案。似洛潼一路。有非借款不辦之勢。近見某報所載。又似款項業已足用。不需借債。其故不可知矣。特爲照錄之。

汴省洛潼鐵路之股。自去年開招。至年終已有一百七十四萬。(認股之數如此。繳者未到三分)今春又經各界力招。又爲勸集一百五十一萬有餘。張總理因用款所需甚

急。非假款不可。倘股東能各早繳。則此路之度支。即毋庸再假交通銀行之款項。四月間曾稟明汴藩。請爲委員前往各路守提。月餘以來。繳股者甚爲踴躍。核計公所收股之簿。已收股銀一百九十三萬元。倘能再繳三十萬。即足全路之用。然其後續繳者。尙絡繹而至。張總理因收數甚速。又爲開會會議。據紳學商界之意見。擬趁此時極力招集。如果修築此路。用有餘貲。即歸入開徐之用云。

開濟。汴省開封至濟南鐵路。日前部中已擬歸部修築。嗣經汴省京外同鄉。再三爭執。羣結團體。呈詞懇部。頗爲動聽。五月。汴省商會。因此事又開會公舉代表赴京。專議開徐開濟路事。近日汴紳易東卿丞午。自京來電。言開徐一路。已成定局。恐難挽回。現既爭到官民合辦。不假洋款。已屬達其目的。(聞定議以不假外款爲宗旨。修路用款。官居其四。民居其七。即使官民力有不足。假用洋款。亦只認爲利假。不認以路作抵云云。)至開濟一路。疊經與部相商。現已大有爭回之望。特爲電達同鄉。請紓父老之念

云云。汴省各界得此消息。無不踴躍從公。以招股爲急務。安徽皖路辦法。前由各路礦會。決議八條後。當由新總理蒯禮卿簽覆三條。(一)路線本無廢蕪宣之說。應予聲明。(二)呈郵部查帳時。應一併呈明督撫。派員監督。(三)郵部一面派人查帳。新總理即行接事。以便易於結束。蕪湖路礦會深不謂然。當即招集全體職員。會商辦法。兩覆南京總會。其文如下。

(上略)蕪宣路線之不能廢。自不待言。各會所合爭者。爲不停辦蕪宣路工耳。如徒以不廢蕪宣之說。敷衍耳目。而實行其停工招股意見。遲之又久。不即開築。將見已成之蕪宣路工。必爲雨水侵蝕。坍塌殆盡。則是不廢之廢。其術更巧於明廢。故前月聯合大會。各代表深慮及此。皆以不能停辦蕪宣鐵路爲正辦。公議八條中。所謂郵部查帳後。即行照舊開工。即指蕪宣路線之工而言。答復第一條。應改爲本無停辦蕪宣路工之說。一俟郵部派員查帳既竣。即行開工接修。始與各會協爭原議不悖。此宜切實聲明。

者一。郵傳部有統核全國鐵路之權。雖屬商辦鐵路。不能不受其稽查。故公議八條中。有由各會稟呈郵部派員查帳之舉。今答復第二條。又於郵傳部查帳外。一併呈明督撫。派員監督。將以郵部派員不可信。故必請督撫派員監督其查帳乎。抑將於查帳時呈明督撫。派員監督。即爲總理以後辦事之監督乎。由前之說。則侵郵部權限。由後之說。吾皖完全商辦之路。一旦變爲官督商辦。非特股東不能承認。即皖人亦將引爲大辱。答復第二條。當改爲郵部派員查帳時。應一併通知各會。及股東。派人會同查帳。始與皖路商辦性質相符。此宜切實聲明者二。至同鄉京官。公舉蒯公爲皖路總理時。各會以資望所繫。咸盼其早日視事。然蒯公遲遲吾行。必待前總理交代清楚。始允接手。蓋前兩總理交代不清之弊。非從此著手。不能整內容。其老謀深算。久爲各會所同佩。方以帳目一日不清。蒯公一日不肯視事爲慮。今答復第三條。乃云郵部一面派人查帳。新總理即行接事。以便易於結束。豈以郵部派員甫行

查帳。交代即能清楚乎。抑稍改其初志。雖交代不清。亦可接手辦事。不憚爲人分過乎。此亦敵會未知其用意之所在也。(下略)

### 美國華僑近聞

華歷五月十五日。桑港通信云。本埠中華會館紳商董等。派律師嘉羅曲。直赴美京。力爭關員苛待事。嘉羅曲已到京矣。茲探得中華會館開列之要求如左。

(第一)請廢禁例。任華人自由往來。美國對於華僑。須與歐洲各國人民僑美者。同等看待。乃爲滿意。倘此事未能照准。請即刪除現行苛例。暫照第二條開列各款。切實舉行。

(第二)共八款。列後。(甲)華人回華。經關員審問。領有出口憑照者。復回時。驗照對相放行。無得留難。(乙)華人來美。領有中國關道護照。經駐中國各口美領事簽押認可者。抵埠時。驗照對相放行。無得留難。(丙)華商店需人料理。如經該店備有擬聘之人之相片。並蓋章保結。到關請

給護照者。不問擬聘之人。是否股東。應准作商人。即給護照。惟該等護照。每年每店。准給若干。應由關員察核該店生意大小。以定限額。(丁)來客應在原船審問放行。若有疑竇。未合即放者。待原船開行之日。方得撥往丁注埃崙。再候審問。(戊)來客之中西證人。須在本埠關員辦事所審問。(己)關員審問來客及證人。須准律師到堂聽審。(庚)如不服關員不公之裁判者。須准提案合衆國衙署審判。(辛)舊客復回。應照舊章。港口醫生。不得查驗眼疾。故作留難。

又函云。我華人全體伸公理會。日前假座中華會館集議。茲將議決各條。照錄如左。(一)本會自發電至今已二十日。尙未見電復。計連電已有三次矣。全體公議。宜趕追墨信。(二)議本會爲華僑全體公益而設。亟宜加入名譽贊成員。以匡同人。不逮。(三)公議凡事提倡。全賴報紙鼓吹。宜津貼文士。隨時多作論說。每篇應酌給津貼。(四)議提倡多發緣簿。廣籌捐款。以擴張本會團體。再大集議一次。

重訂規則。方發綠簿。(一)公議重訂章程。請黃總理超五起稿。(二)議請和利律師。取全美洲報紙一份。如有關於本會事者。剪出爭駁。以伸公理。(三)議本會如有臨時要事。可由總理與書記會商。請和利律師行事。

東京通信云。美國舊金山所設之移民拘留所。已移至丁注埃崙。以致入境移民。大為不便。尤以華人為甚。華僑會請地方官廢去此制。未邀允准。後乃派員赴華盛頓京城。稟請中國公使。與美政府交涉。亦未得當。故華商聯合抵制美貨。以期美政府或能俯准所請。今美政府已派員前往調停此事。聞華商志頗堅毅。不為所動。

### 華商赴比賽會紀事

比京通函云。比利時開萬國博覽會。最盛者為德法英諸國之會場。餘如美國之機器。意國之石像。瑞士之鐘表。加拿大之水族。及礦苗。土耳其波斯之氈單。中國之磁器。繡花品。中美諸國之茄菲。埃及之香煙。均為全博覽會中之卓卓者也。

該會於西五月初開會。游會者絡繹不絕。西六月二十二號下午四小時。為中國會場開會之期。到會者二百餘人。先由使館譯員法文演說。次由比政府代表某君法文演說。又某君英文演說。其辭意中均贊稱中國貨品之精緻。望中比商務之興盛。且謂比國開萬國賽會。中國商人熱心來會。足證中比交誼之深云云。禮畢。在會之人。各飲酒一杯。六句鐘散會。是日比王因病未到。聞下月某號比王尙欲至中國會場。游覽一次。

此次賽會。中國商人到者。有上海商會代表李君。溫州黃君。巴黎華商褚君。李君。留比華商張君。貨品如各種花瓶。繡花品。風箏。荳腐。竹器。均為外人所豔稱。最盛者為玩具。竹品風箏等。其價不過六七角。而近數日間。常銷數十元云。中國會場。不過五百米突。平屋三小間。而用費較他國會場為鉅。又在會場買地太遲。賽會場緊要之地。已為他國所佔。目下會場陳品均可觀。惟自賽會正門至中國會場。

須半句鐘。游會之人數大減。且與他國比較。則他國會場大。中國會場小。他國陳品多。中國陳品少。中國地大物博。出產中爲外人所豔稱者。豈區區於此。中國商學兩界。宜協力研究之矣。

---

## 記載第四 世界時事彙錄

### 記法將論泰東之真相

法國海軍大將地中海艦隊司令官福黎野君。爲最有名之大戰術家。新著一論。謂美日間之戰禍。萬不能免。列強亦將加入。現時世界武力集中之處。當推德皇。此不特於歐爲然。卽於遠東亦然。德皇以己之孤立。而列強環而謀之也。務求於遠東滋生事端。俾列強眼光心力有所分注。則彼之外交。始能活動。美之敵日。多由德皇聳恿。惟至真有戰事。德皇之出場與否。未敢定耳。日美感情之惡。在民間痕迹太深。終非兩國政府所能抑阻。倘日本於滿洲不求前進。則美或不至起而敵日。此日之所不能。況新謀併吞高麗。益擴勢力於滿洲。其召釁可斷言也。美與中國同盟。此爲必然之趨向。日本懼此最甚。必出死力破之。蓋中美若真同盟。則美之海軍有煤有糧。如虎傅翼。中國經濟界借此大得充裕。若竟以陸軍助美。則日之受禍。庸有紀

乎。近年日本之增海軍。非爲敵俄。實爲敵美。此意盡人知之。美之擴張海軍。其速力至可驚異。以富力論。將來必較日本海軍爲強。或竟駕英而上之。亦未可知。英雖極力阻美。無如何也。當其戰時。美之艦隊。必數倍於日本。英以同盟之故。勢必助日敵美。則德亦必出而助美敵英。而法此時。必與英合力攻德。以二敵三。未必爲德之利。德或因此觀望。竟不助戰。亦未可定。倘德真不助戰。則英日合力攻美。美勢太孤。或竟爲日英所敗。故美於戰事之前。必求同盟。然舍德與中國外。又無可連合也。

### 記美大統領塔虎脫氏談

四月時美之報館記者曰。祚祉者。謁美大統領塔氏。氏語以其就任以來一年間之政事。見六月份麻克留亞士雜誌中。

余之政治時代。有不可不爲之任務焉。卽羅斯福氏所



夙倡重中央權力之主義是也。而共和黨應國民要求而定之政綱。則又有三事。(一)關稅改革。(二)公司支配法之設定。(三)富源之保存是也。

予於國稅改革之意見。以爲保護貿易之原理。乃較外國與己國之生產費而劑之於平。是以欲達此的。須於內外製造費。有精密之智識。是豈可望於躬與利害關係之徒乎。予以爲皮革、生鐵、石炭、木材、石油等。當爲無稅。而手套靴等之皮革製品。不可再行加稅。然而新關稅法。則以議會多數率爲代表各地之營業者。余之目的。因不得達。然余於新關稅法所以裁可之者。以究視舊關稅法爲勝也。又以共和黨因此事起內訌。余甚欲息此爭。故不憚以身任其過也。然余方擬要求議會。以國費招聘學者。研究此事。以期理想的關稅法之成就。公司之支配法。乃以置各大公司於中央政府監督之下。而其第一問題爲課稅。以苟課直接稅則違反憲法。乃採間接課稅法。對公司之配當金而爲課稅。此案竟

通過。是亦公司支配法著手之一端也。然於營業調查之報告。宜祕密抑公表乎。公表亦殊有害。今定僅公表之於政府及股東間。此事於股東至有益。以可不受公司執事者之欺也。

公司課稅法之決定。尙在明年八月。次於是可稱重要者。則新定之州際商業法。擴張州際商業委員會之權。使有定運費最高限度之權。有決定船舶公司及鐵路公司改定賃率之權。有制止各公司兼併之權。而一面更許公司以上告。設上告審判廳。以與諸業無利害關係之人組織之。此法行見諸實施矣。予素不右國家社會主義者。而此法則有流於此主義之觀。余於其中。抱多數改正之意見。今姑置之。余實信矯事業獨占之弊。於國家社會主義以外。固有其方法也。余以爲公司兼併之風之所以行者。非法之不備。行法者之不力也。一切審判。於公司罪惡。惟課罰金。而不處其公司之執事者以刑罰。是以不足以收懲戒之效也。故余以爲當置

此等公司於中央政府嚴重監督之下。以絕其吞併與虛偽之弊也。

抑國有地處分法律之改訂。亦今日必要之事。而共和黨政綱中之所示也。昔日地廣人稀之時。土地下付。自無足怪。今日尚沿此習。實為非宜。羅斯福氏舉濱雪特託氏任山林局長。以從事於此改革。余就職後。以巴林雅任民政部。濱氏屬僚古氏攻訐巴氏。謂其有不正行為。余與檢事總長廉之。知其弗實。乃解古氏職。而濱氏遂竟以此辭去。以是此事改革。迄今未就。

此外如郵政貯金法。可斂民間之財。以為中央政府債之助。願以西部議員。主趨重地方銀行貯蓄。於此案大加修正。因之其結果。亦大異於余之意。

余今日所甚置重者。中央政府財政之問題也。余就任前之財政。除巴拿馬運河開鑿費外。不足六千萬弗。本年則僅不足三千萬弗矣。於來年預計之。當可得三千五百萬弗之剩餘也。余今者於增加歲入之外。更謀擄

節政費。如海軍部由尚書麥耶氏之規畫。減少一千萬弗而勢力如故。以擬採新式組織。而避舊日繁複重疊之官制也。其他政費在在可以節減。如度支部之造幣局。計算貨幣重量皆以人力。若易以歐州之計算器。歲奚啻省十萬弗也。政府紙幣。從前以其製造委託私設之印刷局。故須加蓋印章。今尚沿襲。果何用歟。諸如此類。苟一一省節。政府部內所處之務。既以整然而歲所減。殆可逾於一億弗。

以上各項余之施政方針。大體如是。余之終局目的。在於擴中央政府之權力。以舉政務。而甚望議會之贊余以成厥功也。

### 記法國政界近況

法國四月二十四日及五月八日兩度之總選舉。其結果政界中心仍在於急激黨。而社會黨中最極端曰一致社會黨者。於第一回選舉。雖僅二十八人。而第二回至達四十六人。合計為七十四人。而保守黨則有漸減之勢。今示

被選議員之派別如左。

黨名	前期議會	本期議會	增	減
保守黨	八〇	七一		九
國權黨	一六	一七	一	
進步黨	六〇	五九		一
共和左黨	八二	九三	一一	
急進及社會急進黨	二六九	二四八		二一
獨立社會黨	二九	二九		
一致社會黨	五五	七四	一九	

而議員中職業出身之派別則如左。

- ▲知州及郡長 七
- ▲其他官吏 六
- ▲文士記者 四四
- ▲技師 一一
- ▲辯護士 一二〇
- ▲大地主 一〇〇
- ▲醫師 五〇
- ▲藥劑師 一二〇
- ▲軍人 七
- ▲獸醫 二
- ▲高等教授 一二〇
- ▲中等教諭 一二
- ▲初等教員 九

記埃及國民黨近狀

埃及國民黨之近狀。於法人牽羅多氏之筆記。可以窺其一斑。其筆記中略謂英人在埃及。輕蔑其土人。與在清輕蔑清國人等。不令入英人所設之公園。且不與同案而食。埃人恥之。有學生曰卡麥爾者。畢業法國學校。歸創一新聞名曰黎華。專以鼓吹政治主義。更設私立學校。招集生徒五六百人。其他志士倡國民主義者漸多。卡麥爾因創國民黨。未幾而歿。二兩三年前。謨罕默德代之。去年有亞麥多者更創人民黨。發行新聞。謨罕默德旋為其黨所排。分離別自發行新聞紙。埃及新聞紙中最急激者。氏之新聞紙也。諸黨分峙。勢力稍稍殺。本期議會。政府提出蘇彝士河案。欲更與一期增通航貨之權於運河公司。各黨乃相聯合。否決其案。定照原約處理。此事於財政問題之外。更含有反抗政府之意者也。

# 文件第一 奏牘

督辦鹽政處會奏廣東鹽務新商加餉

辦法窒礙難行擬請仍令舊商辦理

摺

奏爲遵 旨查明廣東鹽務。新商加餉辦法。窒礙難行。擬請仍令舊商照舊辦理。酌加餉數。以裕課款而維鹽法。恭摺會陳。仰祈 聖鑒事。竊查署理兩廣總督袁樹勛。奏請改良粵省鹽務。籌抵賭餉。並廣東京官梁敦彥等。廣西京官唐景崇等。及給事中陳慶桂。先後奏陳新商包鹽加餉。流弊滋多等情。迭次欽奉 諭旨。飭由臣處臣部詳查妥議。臣等以粵鹽改章。關係重要。經奏派臣部署右參議晏安瀾等。前往該省。將粵鹽積弊。及現在辦理實在情形。詳細確查。籌擬辦法。宣統二年正月二十六日具奏。奉 旨依議欽此。遵卽簡札該員等馳往廣東。分別確查去後。茲

據查明稟覆前來。臣等查廣東新商包鹽加餉辦法。有可慮者五。一曰加餉太多也。廣東運庫收款。光緒二十八年以前。僅止銀一百五十餘萬兩。其後逐年遞增。現據兩廣總督袁樹勛奏稱。歲入銀三百三十餘萬兩。臣等派員到粵查核。宣統元年。運庫實收銀三百七十六萬兩。較光緒二十八年以前收數。計增銀二百一十餘萬兩。所加已不爲不多。今新商包鹽。每年認繳銀一千零二十萬兩。較宣統元年收數。又增銀六百數十萬兩。引地如故。銷數如故。一旦驟加鉅餉。若無十分把握。豈可輕爲嘗試。以自欺者欺人。自誤者誤課。是則給事中陳慶桂所奏新商萬一繳餉不足。藉端遠颺。如前時商包釐金故轍。庫款實受其累等語。殆非私憂過計之言矣。此可慮者一也。一曰限價太貴也。各省鹽務。間有定價之處。並無限價之事。定價者。各就銷鹽地方。核其成本。予以餘利。定爲每斤售價若干。商民不得私自增減。如直隸山東等省例。定鹽價是也。限價者。虛提一數以爲之準。可以及乎此數。亦可以不及此數。

但不得過於此數。是說也。爲各省鹽務之所無。而廣東倡之。且爲廣東鹽務之所無。而新商倡之。署兩廣總督袁樹勛原奏。內稱粵省鹽價。以近數年爲比例。省垣至貴時。每斤約銀五分有奇。近來市價頗平。城關每斤。尙須四分左右。其熟鹽提鹽有六七分者。今擬自該商承辦以後。省垣零售市價。卽至鹽缺價昂。至多不過五分六釐。其餘以道路之遠近。運費之重輕。類推等語。查該督所稱五分有奇。及四分左右者。蓋指生鹽而言也。所稱六七分者。則指熟鹽而言也。鹽色不同。故價亦不同。乃其所定五分六釐之限價。則亦不分生鹽熟鹽。一概混而同之。是已不得其平矣。且臣等派員到粵。調查省城街市鹽價。生鹽每斤。祇售價銀三分二釐。熟鹽每斤。祇售三分六釐。若限價五分六釐。則熟鹽每斤。已增二分。合錢二十餘文。生鹽每斤。更增二分四釐。合錢三十餘文。雖曰此項限價。特爲鹽缺價昂時而設。而商人惟利是圖。恐無不售及五分六釐之時矣。是則其名爲限。其實爲增。新商之所以敢承一千餘萬之

鉅餉者在此。廣東廣西兩省京官之所以劾其加價病民亦在此。此可慮者二也。一曰壟斷太甚也。粵鹽有東場。有西場。皆產不敷銷。而常借運福建西埔之鹽。以資接濟。平時到場買鹽。皆運館主之。其在引岸。則有東西南北中平等六櫃。及潮橋官運局。或屬省配。或屬坐配。隨地而異。一櫃分爲數埠。或數十埠。一埠又分爲數堂。或十數堂。平時在埠售鹽。皆埠商主之。而省城河兌。則爲運館與埠商交易之樞紐。此三者皆處競爭之勢。而無壟斷之虞。故買賣價值。多出於自然。賣者不能任意高抬。買者亦不能任意抑勒。今新商請包鹽餉。原稟內稱。前者利權各佔。畛域各分。今應合而爲一等語。是欲化競爭爲壟斷也。壟斷於鹽場。則可抑勒買價。壟斷於引岸。則可高抬賣價。其計甚工。其害亦甚大。臣等派員到粵。據商務總會總理裁缺太僕寺卿張振勳。面交說帖。謂上年十一月初七日。有七十二行各商一百餘人到會。僉稱濱海千餘里鹽田。成本數千萬金。矚丁水手。七八十萬人。鹽歸新商一手承辦。赴場買

鹽。抑勒低售。則鹽田必荒。曬丁人等。必致失業逃亡。流爲盜賊等語。是則新商壟斷之害在鹽場者。旁觀已懷隱憂。而其害之在引岸者。可知矣。此可慮者三也。一曰聯絡港澳。隱患難防也。臣等派員到粵。據新商陳寶琛等面稟。香港鹽店七家。澳門鹽店一家。每年販入內地之鹽。共五十餘萬包。擬每年每店。予以津貼數千金。與之聯絡。令其就我範圍。不准販入內地等語。如其所言。誠爲善策。惟港澳販入之鹽五十餘萬包。爲利當有四五十萬兩。今新商所擬每店予以津貼數千金。合計不過數萬金。以數萬金之津貼。而易其四五十萬金之餘利。其能降心以相從我乎。必不能也。若陽託聯絡港澳之名。而陰用勾通販賣之計。是則廣東京官所奏。恐其棄粵省原有之鹽利。成外私絕大之銷場。其害蓋不可勝言矣。此可慮者四也。一曰盡奪官權。矯枉過正也。署兩廣總督袁樹勛奏稱。鹽利之不可與實鹽吏之不可能也。此言殆爲痛惡鹽吏而發耳。然鹽吏者執行鹽法之人也。無鹽吏卽無鹽法矣。該督雖不廢

鹽吏。而乃盡奪鹽吏之權以予商。是不廢之廢也。新商所擬辦法。緝私兵輪管帶。由該商選舉請委。則緝私用人之權奪。旗程運照。預給空白。由商人自行填發。則總督運司之權亦奪。有一新商。而上下各官吏。對於鹽務。皆同虛設。亦復成何政體。況廣東京官所奏。商僧罔利。何所不爲。若假以兵輪。准其截緝。萬一勾串劣弁。私運軍火。販賣內地等情。亦難保必無。此可慮者五也。新商辦法。可慮者如此。實屬礙難議准。惟廣東鹽務。官運商運。省配坐配。乾標漁標等項。積弊相沿。亦不能不設法整頓。以期疏銷裕課。臣等派員到粵。因新商辦法窒礙難行。不得不轉而謀諸舊商。旋據省配各岸舊商。合詞稟請組織公所。並辦官運坐配各埠。及乾標漁標等項。官督商辦。該商等勉力承認。分年遞增鹽餉。初年自開辦三個月後起。扣足十二個月爲一年。連舊餉認繳銀五百八十萬兩。第二年認繳六百二十萬兩。遇閏不加。卽以第二年餉數。作爲定額。不得短少。以後銷引如及宣統元年銷數。或更有所增。則用遞進之

法。分年遞加。至七百八十萬兩爲止。若銷數不能遞增。則餉數亦不遞加。至其辦法。則聯合運館。以平河兌。籌增場產。以平場價。湊集股本。兼辦官運坐配各埠。並及乾標。標以收通網之遺利。請撥官款。添置輪船。分別駐守游弋。以杜六門之私販。以此四者爲加餉所出之大宗。而上河各埠。下河運庫館。均各照舊分辦。買賣運銷。亦各循其向來競爭之習慣。概不更張。以免高抬賣價。抑勒買價之弊。或者疑其不照新商限價之法。恐成爲無限之加價。不知此櫃與彼櫃相爭。此埠與彼埠相爭。此堂與彼堂相爭。商人既已不能居奇。此外又有鄰鹽之相爭。私販之相爭。苟賣價稍高。卽銷路已滯。聞前年通行四文加價之時。粵鹽各大埠。多有跌價以爭售者。蓋競爭之勢爲之也。且立一法。又生一弊。限價太高。則利於商而不利於民。限價太低。則利於民而不利於商。欲求兩全難矣。卽取三年之賣價。折中衡定。以期不偏不倚。而水旱之災。有非可以三年爲例。而毫無豐歉之等差者。是亦何能虛擬一限制之價。恰

當其可乎。要之限價爲各省鹽務之所無。固不必執新商之辦法。以難舊商也。惟規費一項。最爲鹽務之蠹。必須澈底清查。裁提以肅法紀。該督原奏。謂各項規費。與正課相埒。臣等派員到粵。該督猶面稱規費實有四百餘萬。而新商則謂規費有五百餘萬兩。甚至有七百餘萬兩之說。該督等自必確有所見。擬請旨飭下兩廣總督。將粵省鹽務各規費。上自督署。下至場官。旁及各府州縣。凡在官員役私行取給於鹽商之規費。未經提歸公項。造報開支者。切實逐款查明確數。和盤托出。詳細分晰造報。不得任意含混。亦不得擾累商民。此項規費。將來查明。擬酌提數十萬兩。留爲改鹽官公費。及購置緝私輪船之用。其餘悉數留抵該省賭餉。應俟該督查覆到日。再行核辦。現在時局艱難。鹺網疲敝。臣等夙夜圖維。但求整頓一分。實獲一分之益。既不敢竭澤而漁。冀邀大利。亦不敢畏難而止。不求進步。此次廣東鹽務。籌議加餉。在商則新舊交紅。在紳則左右分租。衆口紛紜。莫衷一是。然就鹽法而論。尙以

舊商所擬加餉辦法。較爲妥協。擬請准其試辦。該舊商承認加餉。既據稟請組織公所。官督商辦。擬由臣等遴選妥員。前往粵省。會同運司督飭鹽務官商。妥爲試辦。仍令該員等擬定詳細章程。稟由臣等核定。以資遵守。惟商人辦理鹽務。時與地方相涉。應請 旨飭下兩廣閩浙各總督。並廣西江西湖南貴州各巡撫。轉飭所屬文武各官。加意保護。實力維持。以期相與有成。是爲至要。所有廣東鹽務新商加餉辦法。窒礙難行。擬請仍令舊商照舊辦理。酌加餉數。以裕課款。而維鹽法。緣由。理合恭摺會陳。是否有當。伏乞 皇上聖鑒。訓示遵行。再此摺係督辦鹽政處主稿。會同度支部辦理。合併陳明。謹 奏。宣統二年五月二十六日奉 旨依議欽此。

### 署兩廣總督袁樹勛奏中央集權宜先 有責任政府及監察機關摺

奏爲時局艱危。敬抒管見。恭摺仰祈 聖鑒事。竊臣自牧令起家。蒙 先朝知遇之隆。擢任監司。洵膺疆寄。其間就

躬所親歷。內政外交諸大端。常以能見諸實行。不遠於情事爲趨向之鵠。自奉憲政籌備之 詔。兩年以來。核實行事之應辦而無待遲回者。則計日程功。而惟恐不及。雖應辦而不無窒礙者。則時有獻替。而未敢少阿。凡應與應革各事宜。前經先後臚陳。 聖明在上。或曲予優容。或勅交部議。誠如 諭旨。內外相維。庶政皆然。薄海臣民。同深欽仰。願臣有不能已於言者。則最新之學說。所謂中央集權是也。夫中央者對四方而言也。中央無權。則四方何所附麗。集之誠是也。然四方無權。中央亦將孤立。則集之亦必有道矣。稽之古訓。所謂四方風動之休。所謂推之四海而準。動則必有發生之機。準則必有比差之率。其注重中央明矣。三代以上。封建諸侯。流弊至周。判爲十二。合爲七國。天子拱手於上。幾若贅旒。爲中央最無權之時代。秦廢封建。裂都會而爲郡邑。廢侯衛而爲守宰。自漢以後。相沿未改。雖其間設官分職。代有不同。唐臣柳宗元謂有叛國而無叛郡。有叛將而無叛州。在閉關時代。中央集權之



明效蓋如此也。今者時殊勢異。郡邑之制。固未少改。卽中央之權。亦未少替。以近事論。中興諸臣。身握疆符。一切兵權財權。雖力任籌畫之勞。支配之責。而盈虛酌劑。亦無事不受成於朝廷。用能內外一心。光著盛業。蓋權者稱量之物。物不可以畸輕畸重也。故權焉以平之。是集其權。而非集其所權之物也。以權任諸中央。以所權之物布濩於四方。無輕重不齊之患。百姓足君孰與不足。而於是天下太平矣。或者曰。今寰球大通。非曩時閉關之比。故一切政策。當集於中央。非空言集權所能救濟。是說也。臣尤疑之。各國造邦。制度不同。其地理習慣亦迥異。歐美疆土。號稱富強者。其幅幘率視吾國二三行省。而吾國以二十二行省之大。其間山川阻塞。未盡交通者。十而六七。督撫坐鎮一省。任事以後。非積久歲月。尙不能周知情僞。而中央以最遠之視察。欲懸斷於數千里之外。平時又未詳審調查。如各國社會。皆爲政府盡力。偶遣員出外調查。少僅兼旬。多或數月。非道聽卽臆斷。而自以爲得之矣。且各國之中

央集權也。則尙有最要之政策焉。曰政府負責任。惟政府能負責任。故一切籌畫支配。皆在政府。酌盈劑虛。亦在政府。而吾國則不然。歷年各省關繫國家行政經費。如海陸軍各項。無一非責之各省督撫。又地方偏災。或意外損失。並九年籌備種種新政各經費。無一非責之督撫。是中央集權。而四方負責任也。天下事安有權不之屬。而能負責任者乎。僕夫失轡。則馬且奔蹏而立蹶矣。且臣尤有進者。各國政府負責任。而其事尤與議院相維繫。議院者所以監察政府。而使政府負完全之責任者也。蓋君天下者莫患夫肆亡等之欲。如秦皇廢封建。置郡縣。其制則公。其心則私。故二世卽不能振。尙書所載民視民聽。周禮詢於國危國遷。在昔聖君。亦以人民監察。爲鞏固其責任之必要。非自剝其權。實亦稍寬其責也。議院未立。則政府負無限之責任。而無所監察。揆時度勢。且猶不可。況不負責任哉。九年籌備清單。旣以人民程度未及。而遲國會召集之期。則監察機關。尙未完備。爲目前政府計。欲集權亦必先自

負責任始。欲負責任。必自組織內閣始。然臣以爲即使政府真能負責任。以吾國之地理習慣。種種如彼其異。將來外省主管各官。咸直接於中央政府。督撫介居其間。威信皆無所施。已成贅旒之勢。若遽加裁撤。揆時度勢。似又有不能。是所剝削者。四方辦事之實權。而與爲凌替者。四方固有之責任。手足不完好。萬無捍衛頭目之理。此大可慮亦大可危者。至於九年以後。召集國會。能否實行監察。則尙非臣所敢知也。臣又按督撫一職。當三代時之牧伯。漢時尙稱州牧。晉魏以還。有都督總管持節刺史經畧節度諸名稱。至前明始定名曰總督巡撫。我朝因之。而明定其職掌。爲統轄文武軍民。考察布按諸道及府州縣官吏。以時舉劾而黜陟之。又兼督軍務。兼理糧餉。其職務爲至重。其任用爲至專。誠以吾國幅員至廣。中央不能一一直接。則分寄耳目於督撫。是督撫者卽中央之代表也。督撫之賢不肖。則三載有考績之明文。臨時有進退之勅令。斷不慮其權重而自專也。今時事變遷。在中央欲統一機

關。因而別謀組織。遂並前此督撫奉行之職務。亦削而去之。不爲駢枝拇指。卽無異十羊九牧。而內外幾無負責任之人。又何以對眈眈環視者之協以謀我乎。方今學說朋興。人材競進。師其所長。以挾我所短。亦羣治進化所必需。然或陳義過高。或言論偏激。則亦有遠於情事。而轉受實禍者。前大學士臣曾國藩有云。言治術則莫若綜核名實。言學術則莫如取篤實踐履之士。物窮則變。救浮華者莫如質。又云。方今時事孔棘。追究厲階之生。何嘗不歸於發難者。彼豈實見天下之大計。當痛懲而廓清之哉。豈預知今日之變。實能自我收之哉。其言至爲沈痛。臣不敢謂今之嚶嚶於時者。無識大計。知時變之人。而發之是否卽能收之。臣固未敢遽信。竊願皇上用人行政。以綜覈名實爲先。取篤實踐履者。以救浮華之弊。而又參酌古今中外之情勢。爲新官制區分權限。張本。須知事事應有一我在。是吸取。非盲從。是貫通。非附和。臣受恩深重。知而不言。益用疚忤。應否。勅下政務處憲政編查館核議。仰體內外

相維之。諭旨。通盤籌畫。斟酌損益。以裨事實而救艱危之處。出自 聖裁。所有微臣敬陳管見各緣由。理合恭摺具陳。伏乞 皇上聖鑒訓示。謹 奏。

雲貴總督李經羲奏請設責任內閣摺

奏爲籌備憲政。宜謀統一。懇請設立責任內閣。以專責成。而徵實效。恭摺仰祈 聖鑒事。竊維立憲爲因時變法之大計。預備立憲。卽實行變法之初基。各國立憲求進之意。同而變法改良之事理則不同。其中輕重緩急。端緒紛繁。非政策統一。無以免治絲而棼之弊。非責任分明。無以收若網在綱之效。考之歷史。驗之往跡。治亂之源。靡不由此。中國議行憲政。凡數年矣。自光緒三十四年八月初一日。先朝特頒明諭。分爲九年籌備。逐漸實行。海內喁喁。翹足望治。顧至今已歷年餘。所謂籌備之成績。足予人以共見者。不過督催之文告。交馳於道途。奏報之疏章。紛傳於內外已耳。至其實際收效如何。則微臣之愚。竊恐有難於深究者。卽以邊瘠之滇省而論。財力人力。事事不能強同。

而奉 諭以來。勉爲籌備。三次陳奏。未敢因循。然而叩其內容。除參酌邊情。特別注重之數端而外。將來能否確著成效。實有未敢自信者。臣在滇言滇。原不敢以一隅例天下。第默察各省情形。恐亦不甚相遠。此非必盡由於籌備者之不力。實因無責任內閣制度。俾廷臣合謀於內。疆臣實施於外。以故政策紛歧。莫衷一是。兼營并鶩。遂至於此。謹將此中利弊。敬爲我 皇上剴切陳之。查各國內閣制度。凡各部之行政長官。皆爲內閣之國務大臣。國家政事。每年由閣臣先期規畫。若者宜因。若者宜革。若者宜全力經營。若者宜先立基礎。一一參酌國勢。權量財力。擔任利害。熟計通籌。預爲宣示。宣示以後。卽須按途循軌。計日程功。若或中止變更。凡屬閣臣。均受其咎。責任內閣之名。取義卽由於此。今中國之各部尙書。未嘗不同爲參預政務大臣也。各部每屆年終。未嘗不將下年籌備事宜先行奏陳也。然而對於本部之職守。雖有一定之責成。對於全局之經營。並無牽連之責任。以故彼此之籌畫。各不相謀。惟

於其任務所屬之端。爲極力擴張之計。內以籌款之事。委諸計臣。外以奏限所關。嚴責疆吏。至於國家之經濟如何。各省之情形如何。究未能中外通籌。精神畢貫。各省督撫。以一人之力。當各部之衝。惟有縮短部限。責成司道。司道責成州縣。飛書嚴促。雷厲風行。州縣復以一人之力。當督撫司道之衝。迫於考成。疲於應命。才雖不逮。不能不百務兼籌。款雖艱難。不能不多方斂怨。凡庸者固有召亂之憂。有志者亦不免叢脞之慮。不得已祇有裝飾外表。聊以塞責。推原其故。蓋由頒布法令之始。無統一大政之機關。有以致之。夫一國之財力有限。應行之要政繁多。固不能偏重於一端。亦豈能同時而悉舉。先朝洞燭幾微。故有分年籌備之論。細釋籌備事宜清單。不惟應辦各端。逐年列舉。卽每年之中。亦自有比較緩急之不同。廟謨周詳。莫名欽佩。而臣猶總總慮者。誠以全國二十餘行省。幅幘甚廣。情勢各殊。腹地邊陲。尤難一律。此中酌劑盈虛之道。不有一同負責成之機關以統籌之。臣恐彼此之政策

日愈參商。國務之前程日愈阻滯。卽如試辦預算。度支部奏准以量入爲出爲宗旨。而各部奏定籌備事項。則又年有增益。均有欽限日期。無一不需籌款。將來預算總數。入不敷出。若如度支部所奏。設屆時無措。必開延擱要政之風。若如各部所奏。則期限難達。終蹈粉飾具文之過。推其流極所至。勢必部與部爭執。內與外爭執。爭執不已。歸於延宕。徒使天下責望咸集於朝廷。而部臣疆臣均得以事權不一。互相諉卸。長此以往。所謂籌備憲政云者。既不能停止不辦。復不能核實漸行。更不能變通務當。是直將墮壞於冥冥罔覺之中。迷惘於枝節叢生之際。款已糜者不可復返。事已誤者改作殊難。閭閻以苛取而無效果。怨望之極。奸宄乃乘。士紳見積弱而長亂機。要挾有詞。讒陵更甚。朝廷當此之際。未嘗不可強爲歸罪。而實則罪無可歸。卽幸而大局稍安。各沿故智。如期奏報。表冊紛陳。臣決其必爲循例之文。徒足以塗飾耳目。九年以後。情狀可知。上何以奠國家磐石之安。下何以慰薄海民生之

望。無責任內閣之弊。其極至於如此。臣爲憲政前途隱切憂危。用敢不避嫌怨。剴切敷陳。伏祈我 皇上乾綱獨斷。親簡大臣。組織責任內閣。使各部尙書。同爲內閣之大臣。卽以新設之內閣。爲全國行政之總匯。并責其逐年將應行事件。通盤籌慮。量出入之歲額。準各省之事情。分別辦法。預定方針。昭示天下。若執行不善。各主管衙門。固屬咎有專歸。若主義背馳。則全閣大臣。皆當同負其責。庶幾政策統一。責任分明。一切無所隔閡。內不至徒以畛域之政見。爲抵觸之吹求。外不至違乎本省之所宜。耗精力於應付。進行有序。綱領不紛。監督機關。立於對待之地位。亦得因時成立。憲政完全。或可期望。臣亦知責任內閣。其事至重。其才甚難。非 朝廷所不願爲。實 朝廷所必當慎。且成立之初。萬目所注。集矢更多。亦未必遽能就理。然當其衝者。僅在一二大臣。而享其利者。實在萬年。皇室。臣默審時勢所趨。政策以相繼而進。人才以交激而成。有責任內閣。以取決輿論。尙可漸趨於有益之競爭。無責任內

閣以總挈政綱。勢必終歸於無形之潰裂。竊恐異日國事之難。將有數倍於組織內閣者。而悔已無及矣。臣待罪邊疆。籌備無狀。一身咎戾。何敢諉卸。惟有在任一日。卽竭一日之駑駘。仰遵 欽頒事項。俯察滇省民情。擇其尤宜注重之端。參以特別經營之意。冀獲勉保治安。略圖補救。所以贊助憲政於萬一者。力止於是。披瀝言之。不敢欺飾。所有懇請設立責任內閣緣由。是否有當。理合恭摺具奏。伏乞 皇上聖鑒訓示。謹 奏。

湖北布政使王乃徵奏請變通憲政辦

### 法摺

奏爲籌備憲政。應就目前財力。酌分緩急。擬請變通原案辦法。臚陳管見。恭摺仰祈 聖鑒事。竊作法莫要乎順民。變法莫善乎乘勢。順民之令。行如流水。不強其所不欲也。乘勢之效。速於置郵。不舉其所不能也。伏維 先朝以聖明之慮。先天下而憂。欲采萬國之良規。以建一代之憲典。下不以要迫爲約。上不以專制自利。豈非誠求吾民維新

望治之心。而迎今世國家變革必至之勢者乎。乃籌備以來。歷經歲月。進行之程。每不如限。有不可不立之法。而布之條教。或非人所樂從。有不可不辦之事。而見之施行。或非力所能任。於是表冊報告。盡成具文。糅雜紛紜。罔識底屆。本欲以立憲固民心。強國本。而時局日危。物力日敝。亂機所伏。轉覺積薪厝火。在在可憂。夫豈無因而至於此。此臣所爲焦思過慮。不能已於考索者也。臣以薄植蒙 恩。一歲數遷。雖天下大計。非淺識所知。而感激出於至誠。遂披瀝效其無隱辭。闕伊邇。依戀倍深。甚懼負 先朝維新之盛意。貽變法召亂之口實。敢竭千慮之得。以爲萬一之報。謹就臣職守所司。推論籌備次第。與財政關係。爲我皇上縷晰陳之。夫九年籌備之期。豈不以事體重大。條理繁密。既非旦夕所能完成。更恐散漫而無統系。因分事以專其責。而刻日以觀其成。以此總數名實。宜因循推諉之技。無所施矣。願百廢俱興。何從得財。以爲政費。此豈空文督責所能辦者。他日以無款爲詞。將坐視其因循推諉。

而不能開蓋實難責以無米爲炊也。夫因奉合九年籌備之期限。明知財力不繼。而敷衍以應之。與因勵行九年籌備之實事。不問民力若何。而搜括以濟之。皆是失民心。傷國本。必不可爲者。雖然其勢固將至此。何也。朝廷不受反汗之名。國民不勝擔負之重。勢不得止步。又不得改轍。則敷衍與搜括。必出其一。甚或以搜括之財。行敷衍之策。而大局愈不堪設想矣。與其刻舟求劍。終至掩耳盜鈴。何不稱體裁衣。猶可得尺進步。但舉一事有一事之成績。自行一日有一日之進步。即稍不符原議。必能見諒吾民。況變通辦法。並非推緩期限。於 成命何違。於政府何責。爲今之計。惟有就財力之緩急。以爲籌備之後先。而政府以全力注重財政。一切形式之法令。繁碎之科條。凡事無實效。而款無的源者。暫罷勿舉。然後取籌備案中所列事項。分別估計其費額。必須款有著落。乃能責以實行。蓋理財之道。不外開源節流二端。而在今籌備之中。亦不出爲事籌款就款辦事兩法。考各國財政。皆主量出爲入之義。然

必政府信用。民力富饒。其擔負之數。恰與經濟程度相當。其銷用之途。多為生發事業而起。今吾國資力。平均比較。分數若何。既不可知。則外國所恃為入款之大宗者。如各項直接稅中之財產稅所得稅營業稅。不特不能驟行。即行之而其額不能確估。一有虧短。財政亦因而紊亂。是量出為入之義。不可專用。即為事籌款之法。不可必行。且彼以政策有統系。國會有擔當之故。出入可以隨時增省。虧缺可以隨時彌縫。此盈彼絀。可以隨時挹注。故一切歸納總額之中。從無指款辦事款竭廢事之說。今財政困難。自非開源。無以供新政之用。而民力尤敝。仍不能不從就款辦事之策。為入手整頓之計。蓋量入為出者。用之於行政。而制三十年之通。非僅計一歲也。量出為入者。用之於立法。而徵一國人之意。非全由政府也。今宜略仿外國。提前設會計檢查院。即 欽派政務大臣及度支長官充之。詳定會計法。及簿記格式。就現在用款。嚴加勾考。先除浮冒挪移之弊。而後以籌款委之行政官。政府乃舉核節之數。

與籌得之數。通盤計算。以定辦事之次第。而財政機關。尤應分任。查各國行政官司出納者。不任規畫。司稽核者。不管金錢。今籌款用款。司計司金。責任既不明。指揮一從長吏。挪移則屬官不敢問。蔽混則長官不能知。應以監理屬會計院。專主稽核。以金庫歸銀行。專主收發。庶理財之官。得以專意財政之策。總任規畫。統一事權。條理既清。弊竇自無從起。而就款辦事之最要者。莫如移銷耗之款。以供生發之用。查出款以海陸軍備為大宗。新軍成績可見。而亂事屢出。海軍需款浩繁。斷非現在財力所能舉。何不以此酌減。改充實業之資本。俟他年財力有餘。再事擴充。教育經費。近漸不支。其誤在給費以招來學生。而予官以獎勵學問。人才既不可得。而人格日以卑下。何不省大學高等各學之費。以益實業及國民學校。既得養成人格。亦可教以技能。他如冗員兼差之無定限。薪水活支之無定章。使能從實核減。無名之費尚多。即節餘之款不少。而近年所辦新政。在民政司法範圍者。往往款未籌定。事已創

始。剗肉補創。其後難繼。此非持久之道也。夫特樽節以供無窮之用。誠無足給之時。然開濬財源。除國家原有公產。能自營業之外。無非取之吾民。今言憲法者。固曰以憲法權利。易吾民義務矣。然果爲吾民所欲與否。此實未敢決之一疑問也。故籌畫不能不責之計臣。而有萬不可無端加徵。率意立法者。凡出自勞力及食用必需之品者。不可取。以其增加物價。提高生活。而患害中於小民也。零星瑣碎。不成大款。而行政費多者。不可取。以其得不償失。而又繁擾也。與外貨輸入相關。及能輸出者。不可取。以防漏魚叢爵而利歸外人也。今我所恃爲入款者。直接稅僅以地丁錢糧爲正款。間接稅僅以關稅釐金爲鉅額。況無通行畫一之成規。多爲賠款外銷所耗用。郵電銀行。皆外國政府之利源。而在我非事權屬之外人。即辦理不如正式。以言開濬。遺利實多。果能逐項整理。原可增加歲入。煙酒印花。本應取之稅。徒以行政機關不備。保護營業。改良製造之法不周。慮生流弊。不敢推行。此皆今日所應規畫者。總

之一國出款。必歸會計院。乃可核銷。一國入款。必歸度支部。乃可統一。而政府據一國之盈虛。以定一時之政策。則全局在胸。調劑有術。損益有方。前月御史趙炳麟奏請確定行政經費。其需款若干。從何籌定。已奉 諭旨令在京各衙門各省督撫。分年列表詳議。仰見 采集羣策。務期籌備確有實際。不使徒存空文。而臣所以請變通辦法。就財力爲主者。正恐以無款廢事。因而失信於民耳。惟規畫方法。支用限制。必須中央挈其綱領。不徒責難於疆臣。而後全國無畛域之分。挹注有靈通之效。其不能泥守原案者。以既須遷就款項。而籌款不容操切。即每事須另立程限。此非事前所得預知。亦非集款不能舉辦也。今日所籌備。皆憲政所必有。則他日之進行。即今日之廣續。但範圍異廣狹。而條理無更改。故變通辦法。不特不至失九年立憲之信。正以實事求是。確立他年憲政之基礎。且臣更有進者。憲法者。一國法令之統系。非謂富強之術。即在此數十條文之中。歐美何嘗無立憲而政治自腐敗。國力自衰



弱者。其特出之數雄國。非徒恃一時政策而成。爲有國民能力以維之也。故論者以地方自治爲立憲根本。第今自治章程。既已頒行。其與國民能力。是否相稱。姑勿具論。卽以經費一端言之。各國地方附加稅。皆從國稅之率而立。而公民擔負之能力。實足與所享權利爲對待。今國稅尙未一律釐定。將聽其自爲。恐假武斷之民。授以肢削之柄。若必事事稟命長官。不特爲叢怨之府。亦實無應付之策。此又財政所急應規定之一端。而親民長吏之職任。地方自治之規模。更有不可不審慎變通者。夫國家棄數千年專制之舊。一旦改爲立憲。將以求治。非以求亂也。立憲而期以九年。將以速治。非以速亂也。然使財政不理。百政俱廢。亂且立至。憲於何有。且各立憲國政府。其對於國會。莫不以財政爲重大難決之問題。不及早整飭。將來政府困難。必有百倍於今日者。臣考詢外國政體。默念內國情形。既略有見聞。不敢漠視安危。以負 聖恩不次之擢。而辱監司職守之重。所有籌備憲政。應就目前財力。酌分緩急。

擬請變通辦法。恭摺具陳。是否有當。擬懇 飭下政務大臣博議具奏。 采擇施行。臣不勝悚惶待命之至。伏乞 皇上聖鑒。謹 奏。

# 調查第一 中國調查錄

## 漢冶萍煤鐵廠礦記略

### 廠礦之歷史

#### 漢陽鐵廠

光緒十七年。前任湖廣總督張開辦。

光緒二十二年。盛宮保招商接辦。

光緒三十四年。合漢陽鐵廠大冶鐵礦萍鄉煤礦。遵照商律股分有限公司之例。呈准農工商部註冊。發給執照。

#### 大冶鐵礦

光緒二年。盛宮保勘得。

#### 萍鄉煤礦

光緒二十四年。盛宮保開辦。

### 礦產之測算

總礦師德人賴倫氏。測算報告大冶浮面之鐵石。如每年

採取一百萬噸。可供一百年之用。若併大冶浮面以下之鐵石。及萍鄉等處屬於本公司之鐵山計算。足可供數百年之用。又報告萍鄉之煤。如每年採用一百萬噸。可供五百年之用。此係賴倫總礦師實測報告。並非臆度之數。

### 鐵石及煤焦之質地

大冶之鐵石。含鐵一百分之六十分外。七十分內。查英德之鐵石。約含一百分之三十分。西班牙之鐵石。約含一百分之四五十。美國瑞典俄羅斯之佳者。約含一百分之六十餘分。

萍鄉之生煤。含灰一百分之十一分以內。毫無硫磺。萍鄉之焦炭。經英國化學名家史戴德氏考驗。與英國最上等之德浪墨焦炭相等。

### 鋼鐵之質地

生鐵 不獨上海翻砂廠全用漢陽生鐵。已無外鐵進口。

且日本及美國太平洋一帶亦喜用漢陽生鐵。每年出口至日本者。為數尤鉅。均有稅關出口簿可查。

馬丁鋼 創辦艱難。故舊時所煉之貝色麻鋼。未盡如法。自光緒三十年派員出洋考查。始得竅要。現新鋼廠所出之鋼。外國工程師試驗。無一不讚美稱揚。嘆為精品。均有憑據可查。

#### 煤鐵礦廠之估價

漢廠 基地房屋機器爐座各項。估價銀一千二百二十七萬兩。又揚子機器製造公司股分銀五萬兩。

冶礦 鐵礦基地輪車機器房屋各項。估價銀一千一百三十萬兩。武昌鐵礦。與國衡州錳礦。皆不在內。

萍礦 煤礦基地井窿洗煤機煉焦爐製造廠房屋各項。估價銀一千五百五十萬兩。小花石煤礦。上洙嶺鐵礦。白茅錳礦。皆不在內。

漢冶萍所屬碼頭棧房拖輪駁船。估價銀一百七十五萬兩。

大共估價銀四千八十七萬兩。皆有工程師呂柏總礦師賴倫洋文估單為據。所存活本各物料。均在其外。戊申年結賬。約計所值之數。實倍於所用之數。

#### 鋼鐵煤焦之銷路

漢廠 中國海陸軍將來需鐵必多。目前以鋼軌為大宗。各省鐵路推廣。紛紛定軌。尚有美國太平洋一帶。及南洋各島函電來詢者。惜目前爐座太少。供應本國之需。尚不能敷。勢難出口外銷。宣統元年下半年起。除供應本國所需外。擬酌量運銷外洋。俾知鋼質之美。以便再行擴充時。外洋市面。亦在手中。鋼軌以外。尚有造船造橋鋼板角鋼等材料。各處亦紛紛來定。均須待至來年。方能肆應。尚有生鐵。除銷本國外。以日本銷路為大宗。美國亦已銷動。均有稅關出口簿可查。

萍礦 煤焦以漢廠自用為大宗。此外日本亦喜用萍焦。銷路日廣。外國兵商各輪船及廠棧。及京漢鐵路之用過萍礦塊煤者。無不交口稱讚。祇要運得出。不怕無銷路。

上年出貨之噸數

漢廠 戊申年共出生鐵六萬六千噸。因初試馬丁鋼爐。僅出鋼胚二萬二千六百餘噸。餘售生鐵。

冶礦 戊申年共出鐵石二十五萬噸。

萍礦 戊申年共出生煤四十萬噸。因上年焦炭積存過多。僅出焦炭九萬二千餘噸。餘售生煤。

現籌小結束之規模

漢廠 大小化鐵爐三座。每行約出生鐵四百五六十噸。每年以十一個月計。約出生鐵十四五萬噸。大小煉鋼爐六座。每日約出鋼二百五六十噸。每年以十一個月計。約出鋼七萬噸。

冶礦 每年約出鐵石五十萬噸。

萍礦 每日出煤二千噸。每年可出生煤六十萬噸。擴充後每年可出生煤一百萬噸。大小洗煤機兩座。每日可洗煤三千四百噸。目前煉焦爐二百五十四格。每年可煉焦十八萬噸。擴充後每年可煉焦三十萬噸。其餘可提塊

煤銷售。煉焦所得旁生物料。按西國煉焦一噸。除工料

外。可得旁生物料餘銀五錢。並有煤油。正合製造煤磚之用。煤磚係最高等之燃料。合於火車兵輪之用。現有煤磚機器。每年可出煤磚五萬噸。按售價每噸可餘銀一兩。

火磚廠可製造各種熬火料出售。如焦炭爐磚熱風磚烘鋼爐磚。製造此項熬火料。火泥取之不盡。足以供用。

預籌大結束之推廣

漢廠第四號大化鐵爐。基址已造。俟銷路有把握。一年半即可完工。共有大小四爐。每日便可出鐵千噸。只須酌加鋼爐。或貝色麻。或馬丁。屆時再定。所有鋼貨機器。本可預備出鋼貨千噸之數。如出口生鐵繁盛。擬在大冶另造化鐵爐數座。專煉生鐵。以供國內外生鐵之用。俾漢陽四爐。專供鍊鋼。可以就近製造鋼貨。至其時萍煤每日三千噸。祇能專鍊焦炭。以供化鐵之用。必須擴充。每日另出生煤數千噸。以供各處汽爐之用。其發達何可限量。

附錄漢陽鐵廠總辦李維格君戊申十月朔日在漢口

商會演說漢冶萍廠礦公司招股事歸而引伸其說。漢陽鐵廠。爲東亞空前之偉業。然溯其創立之艱危。局中人痛定思痛。雖今日效果已見。而猶談虎色變也。南皮張相國。一代偉人。於十六年前。卽經營此廠。蓋橫睇中原。知非鐵路不足以致富強。非自造軌不足以塞漏卮。於是銳意精思。創設此廠。向英國定購機爐。爲築路之開道驛驅。其時公尙督粵。故初議在粵省佈置。旋因移節兩湖。乃於鄂省左近擇地建廠。久之定廠基於漢陽。以其襟江帶河。武漢對峙。商務蒼萃。交通便利也。其時在光緒十七八年。毗陵盛宮保。壯年便喜研究礦務。光緒二年。曾率同英國礦師在長江上下游查察礦產。卽勘得大冶鐵山。峯嵐迴環。極目皆鐵。然時機未到。徒然藏富於地而已。後適張相國設廠漢陽。天緣湊合。寶藏遂興。良非偶然也。迨英廠機器抵漢以後。經營締造。至光緒二十一年。始具規模。開爐鼓鑄。然鐵石則佳矣。尙需合於化鐵之上品煤焦爲燃料。方能冶鍊如法。而湖北全省中。欲求可鍊焦炭之煤。竟渺

不可得。於是不能不遠購歐洲之炭。而心力交瘁矣。至光緒二十二年。乃變官辦爲商辦。毗陵宮保一肩任之。其氣概不下南皮相國也。接辦後。卽以覓探佳煤爲第一要義。旋得江西萍鄉煤礦。派德礦師馬克斯賴倫前往查驗。測勘其煤適合冶鍊之用。且綿延不斷。脈旺而遠。爲環球不可多得之礦。於是派盧君鴻滄張君韶甄先後馳往開辦。披榛斬棘。鑿破天荒。張君韶甄困厄於其中者。幾及十年。卒至積勞不起。以身殉礦。今日現於地面。則廠屋連雲。深入山腹。則煤巷如市。電車汽車之紛馳。輪船駁船之挽運。其如荼如火之觀。外人之到此者。蓋無不驚嘆也。唯是宮保雖躬冒奇險。精思銳進。卒以西法鍊鐵。事非素習。無以得其竅要。計窮力竭。欲罷不能。於是用維格之言。派員出洋考查。以決進退。宮保卽以責諸維格。辭不獲命。於光緒三十年二月啓程。由美而歐。周諮博訪。計八閱月回華。出洋時攜帶大冶鐵石萍鄉煤焦。及漢廠所鍊之鋼鐵。進退行止。全視此原料之化驗爲斷。倫敦有鋼鐵會。爲名人所

蒼萃。到英即踵訪專家於會中。得史戴德者。爲一國之望。遂以所攜原料。交與化驗。據其報告。大冶鐵石白石。及萍鄉焦炭。並皆佳妙。鐵石含鐵百分之六十餘分。焦炭則與英產最上之品相伯仲。英國克利夫倫鐵石。含鐵僅百分之二十餘至三十分。德國密乃忒石同是。而各國爭購之。西班牙畢爾寶鐵石。亦僅百之五十分。故大冶之鐵。實世界之巨擘也。據驗漢廠造軌之鋼。鍊不合法。而零星鋼件。則爲精品。蓋鍊鋼有酸法碱法之別。酸法不能去鐵中之磷。獨碱法能之。鋼中最忌有磷。大冶之鐵石。含磷適多。而舊時鍊鋼。係用貝色麻酸法。背道而馳。宜其鑿枘。滬甯鐵路公司化驗員軌。亦謂其磷多炭少。不肯購用。而馬丁碱法所製之魚尾版等零件。稱爲上品。蓋廠中本有一馬丁碱法小爐也。乃決從史戴德之議。廢棄貝色麻酸法。悉改馬丁碱法之爐。以去磷質。此十餘年未解之難題。一朝渙然冰釋者也。特是維格雖諳外國語言文字。於鋼鐵廠機器。亦略窺門徑。而究非專家。此次出洋。偏觀英美德各廠。購

辦各種最新最良機爐。得同伴英人顧問工師彭脫之力居多。該工師於此道。曾三折肱。在洋考察。既有把握。於是繪圖貼說。廣招英美德專門名廠投標。並與同行之萍礦總礦師賴倫。及新僱之工師等。一再討論。剔破疑團。然後分別訂定。歸國後。激勵同人。勇往從事。胼手胝足。四年苦功。於去冬十月告成出鋼。外人之觀廠者。驚爲意外之事。報紙紛傳。此廠礦開辦及後來出洋考查歸國佈置之大概情形也。惟機器良矣。鍊鋼有成效矣。銷路何如。夫中國鐵路。正當發軔之始。卽鐵路材料一宗。非漢陽鐵廠大加擴充。勢已不能肆應。而上海香港以及南洋各島等處船塢機器廠所用造船等料件。爲數尤鉅。現均仰給於歐美。而重洋遠隔。購運費時。動須數月。方能應用。故均預儲材料。以備緩急。大船塢儲料。往往至數十萬金之多。本摺息所耗甚大。且存料之尺寸。非必用時所需之尺寸。剪裁之餘。難免糜費。若漢廠一一能造。則一電訂購。不及匝月。即可應用。尺寸大小。亦可照臨時所需者拉造。其爲便宜

何如。故該船塢等無不樂用我鋼。若能擴充肆應。東方鋼鐵之利。能出我掌握乎。日本不惜數千萬鉅款。經營製鐵所。蓋預料過此以往。鋼鐵之用。亦猶菽粟水火。不可一日缺也。苟我國以全力助舉湖北之鐵政。不但東方銷路。入我掌握。並可廣銷於美國西濱太平洋各省。蓋美之煤鐵礦廠。均在東省。東西遠隔萬餘里。鐵路運費。每噸需美金十餘元。而英國特美之濱太平洋各省糧食。運糧而往。帶鐵而回。每噸祇需運費美金三元左右。雖進口稅重。尙較自東徂西之車運爲賤矣。美國松木。爲中東各國進口大宗。運木船隻缺乏回載。現已運輸我之生鐵。每噸運脚。亦不過美金三元而已。美之鐵廠。盡在東省。與歐洲僅隔一海。水運價賤於陸。故舍己之西省。轉以歐洲爲溢貨之市場。其所售之價。輒視本國爲賤。蓋賤售得價。猶勝於攔本攔息也。苟漢廠鋼鐵貨舳舻相繼。由太平洋源源接運。則美之西省。必樂購不遑矣。漢廠前途。既有茶錦之希望。萍鄉煤焦之銷路。其利亦不可預量也。溯當時創開萍礦。歷

盡險阻艱難。始有今日蓬勃之氣象。蓋該礦之大煤槽。在初開之安源西北。曰紫家坑。山勢嶽奇。無運道可通。故就東南平坦運道可通之安源地方煤脈外現之處發軔開鑿。直達紫家坑大槽。而山腹之內。石榻中阻。非洞穿不能達。鑽打炸裂。百鑿千鎚。費數年之苦工血汗。始於前年直達大槽。其孕藏之富。如入煤海矣。目前每日出煤一千五百噸。明年可增至三千噸。再閱三五年。漢廠發達。蒸蒸日上。則萍煤亦隨之而盛。所鍊焦炭。固深合化鐵之用。而生煤經英德兵艦試用。亦謂東方之無上上品。一俟運道疏通。漢口將爲東方一大煤市。如日本之門司。目前所難者。湘江之淺灘耳。查萍潭鐵路。計長一百九十四里。自萍礦直達湘潭之洙洲水濱。洙洲原爲粵漢幹路接線之點。萍潭築至洙洲者。爲接幹線也。洙洲下游。淺灘甚多。天寒水涸。輪駁不能暢行。且因款絀。亦無力多造輪駁。故大半仍用民船駁載。而民船極其紆緩。風利帆張。尙可剋日而到。或遇風逆。往往中途耽延。船戶糧竭。卽私竊煤炭。售於沿

途居民，而拌以濁水污泥。擠塞噸數。所以萍煤到鄂。優劣不齊。其劣者皆泥水所糝雜者也。爲今之計。必改築涿洲之軌道。斜折以抵昭山。計程四十里。昭山以下。雖尙有淺灘。而已避其九十里曲折最難之水道。輪駁即可設法通行。運道一暢。盡用自有之輪駁裝載。則無糝雜之弊。漢口各公司江輪。固皆樂用萍煤。而外洋海舶之來漢者。亦免紆道往日本門司等處裝煤回國。漢口不將爲東方一大煤市乎。至粵漢鐵路成後。全恃萍煤。更無論矣。此漢廠萍礦銷路之大概情形也。西報論漢冶萍事。謂中國煤鐵。將角勝於世界市場。並謂此種黃禍。較之強兵壓境。尤爲可慮。嗚呼。外人黃禍之說。不自今日始。當吾國創立海軍時。卽有此危言。曩則海軍失敗。今則商務失敗。外人方謂吾中國妙手空空。無一足與抗敵。可洞開吾門戶。以貫注彼溢出之貨物。不意漢冶萍突然聳起。震驚其寤寐。夫中國之弱。在於門戶之解嚴。何以言之。蓋列強最慮漏卮。涓滴不以讓人。如美德俄法等之地大物博者。無不高擡進口

稅。以堵外來之貨。值百抽百者有之。卽其緊閉門戶之上策。吾國海禁初開時。商約失算。進口稅一項。任彼抑制。祇能值百抽五。無自主之權。迄今不能修改。無疑乎列強商品。五光十色。捆載而來。以炫耀於我商市。使吾之金錢日益外耗。日本廢舊約而擡稅額。卽所以固其鎖鑰也。我既無鎖鑰。洞開門戶。束手以待。危矣哉。五都之市。百貨雲屯。睨視之。值錢者洋貨也。我則室如懸磬。朽敗雜陳。不值外人一顧。欲與之角雌雄。將持何物以爭耶。中國積弊。在於生利者少。分利者多。一家之中。生利者僅一人。而兄弟親朋。徒手環而仰食。勤者一二惰者什百。銷用之人。倍蓰於生產之人而不止。中國於是乎始窮。由窮而之富。其道無他。人人皆有生利之心。勿使利源外溢而已矣。今日漢冶萍三大業。卽中國挽回利權抵制洋貨之根本也。外人視線。眈眈環注。大有寢不安席之態。若我國人對待如此。創造艱難。僥倖成功之偉業。亦以平淡視之。漠然不動於中。則我國事真無可爲矣。嗚呼。亦知圖富牟強。萬牛回首。拯



中原於塗炭。登億兆於康莊。胥賴此一方面乎。臥薪嘗膽。已有前人。鼓掌磨拳。望之來者。凡我國人。尙其眷顧大局。集腋成裘。千鈞之繫。一髮勿任危懸。九仞之山。一篑請君助力。翻東半球關昔之舊局。作西半球燦爛之奇觀。羣策羣力。齊向煤鐵世界展動地驚天之事業。此則維格所朝夕騰祝者也。

附錄上海萬國商業月報譯西報論漢陽鐵廠裝運鋼鐵出口將爲歐美二洲實在之中國黃禍

漢陽鐵廠之崛起於中國。大有振衣千仞一覽衆山之勢。徵諸領事之報告。吾人預知其不可量矣。中華鐵市。將不脛而走各洋面。必與英美兩邦。角勝於世界之商場。其關係非同毫髮。英美當道。幸勿以么麼視之。茲將所訪之最近詳情。縷述於左。

華人生計上之特益

欲知中國鐵市之發達。宜將礦廠現象。分析而論。未論之先。當首舉華人所獲生計上之利益。以資參考之談料。中

國地大物博。無一缺乏。取之宮中。不窮其用。是天予之利也。曩者華人夢味醺醺。略無知覺。棄財於地。不足顧惜。今則狂睡初醒。眼光霍霍。振刷其精神。磨勵其膽略。以搜羅遺利。步武西法。宏興工業。百廢俱舉。一鳴驚人。加以選派學子。游習西方。以備將來回國。開濬利源。其處心積慮。大足使人寢不安席。中華戶籍之富。冠於全球。礦產殷饒。何地蔑有。眼前各國工業界。無甚軒輊。其能獲利與否。惟以工值貴賤爲標準。工力勤惰爲評量。華人蠶繭自甘。糟糠亦饜。費用之廉。萬非歐洲所能比擬。華工之耐勞忍苦。又非歐工所能與之頡頏。地利既如彼。工值又如此。是殆天授。非人力所可及也。鎔鍊鋼鐵。以工煤爲費用之本位。工煤之價值既低。礦質又出類拔萃。成本輕而市價自廉。持此與歐美爭雄。能不令人辟易乎。嗚呼。中國醒矣。此種之黃禍。較之強兵勁旅。蹂躪老羸之軍隊。尤可慮也。

漢陽鐵廠

漢陽鐵廠。建於漢口之上游。爲中國大製造廠之一。嘗聞

之美領事云。登高下矚。使人膽裂。斯奚翅美國製造之鄉耶。煙囪凸起。插入雲霄。屋脊縱橫。蓋於平野。化鐵鑪之雄傑。碾軌牀之森嚴。汽聲隆隆。鎚聲丁丁。觸於眼簾。轟於耳鼓者。是為中國二十世紀之雄廠耶。觀於斯廠。即知研究西學之華人。經營佈置。才略不在西人下也。設廠之地。舊為窪區。潮漲之所沒。荆榛之所叢也。立廠以來。建築鞏固。變昔日之窪澤蕪莽。為中國生利之名場。曾幾何時。江山頓改。地靈由於人傑。豈虛語歟。追溯斯廠之權輿。由張軍機督粵時。定購機器。及移節鄂省。乃擇是地為廠基。一八九八年。京漢路線之工程。正在忙碌。該廠承辦鋼軌。及一切材料。廠務之萌芽。自此始矣。

#### 定購英國機器

漢陽鐵廠。開辦伊始。無利可圖。李君適充該廠總辦。知依樣葫蘆。難期獲效。因定購英德機器。擴充廠所。一面將畢斯馬鍊鋼鑪拆散。安置新式做底鑪。一切布置。皆摹擬歐洲新式辦理。廠中各項機器。多用電汽為運動力。廠地計

一百二十英畝。化鐵鑪兩座。日出生鐵二百五十噸。目下方在建造一鑪。每日能出生鐵自二百五十噸至三百噸。做底鍊鋼鑪三座。日出精鋼二百噸。尚有一座。近日方告落成。

#### 僱用工人

該廠僱用華工。現已增至三千四百五十名。外國機司電機司監工。計二十人。華人工值最廉。操作勤勞。足壓人意。機匠每月辛工自十元至八十元。折中而算。每日約合六角。小工每日僅須二百文。合之美金。僅一角。合之英金僅五本士。如此工食。歐美互古所未聞也。

#### 大冶鐵礦

據漢口英領事報告。所述大冶鐵礦之崖略云。一九〇四年。中政府與日人訂立合同。售與礦石三十年。鐵礦周圍。計二百方里。(每里合英尺二千一百十五尺)積數約有二萬七千三百萬噸。獅子山為現在開採之地。計有一萬五千萬噸。每年供給日本十萬餘噸。漢陽廠自用約十萬

噸。採出鐵苗鍛鍊之餘。用鐵路運送至石灰窰。此處與礦山相距二十華里。運送江干。備有中日工頭。在此記載。送至石灰窰後。需船盤運。日本僱有輪船若干艘。每艘能裝三千噸。鐵質純淨。每百分可出鐵六十五分。每噸鐵石售日本幣三圓。

漢陽廠製造品

漢陽廠所製鋼鐵品。係建造應用之材料。如鋼條鋼板鋼片角鐵鋼樑。以及鐵路所需各項鋼料。鋼軌每碼自五十磅至一百磅不等。窄徑鋼軌平尖魚尾片狗頭釘等。皆鐵路所必需之物也。製造各種鋼鐵。純用施猛斯馬丁之法。曾經英德各名家。試驗無弊。可徵該廠火候之良矣。該廠自備有試驗機器。及化學房。皆派有專家經理。所有鋼鐵各種材料。無論派人監造與否。必經機化兩項試驗。無懈可擊而後已。

日後之發達

據美領事云。廠中主持者現擬改章。改爲股分公司。不但

擴充此廠。且擇漢口下游六英里。建一新廠。製造鋼橋車輛。暨鐵路別種用料。以及各種建造所用之重物。聞新廠招股銀數十萬兩爲資本。不久尙擬在漢陽另設一廠。專造細棉土。卽將往日所棄之化鐵爐爐灰。儲爲細棉土材料。此議若成。又爲中國一大宗工業也。

中國裝運鋼鐵出口之調查

據英領事調查海關報冊。謂一九〇七年。生鐵及製造品。裝運出口。計三萬七千噸。合銀一百六十七萬五千餘元。間有一千八百噸。係運往紐約。另有礦質裝運出口。約十八萬餘噸。合銀三十七萬五千餘元。現該廠方在設法擴充。過此以往。膨脹力達於何點。未可預料也。而現象已足以震驚寰宇矣。

萍鄉煤礦

代理長沙稅務司盧立德君報告。謂萍鄉一帶煤礦煤苗散見各處。開採者甚多。除盛宮保所辦之萍鄉煤礦外。其餘各處所辦之煤礦。皆囿於古法。所出之煤有限。不足令

人注意。所謂盛辦煤礦者。坐落江西省。與湖南接壤。跨於湘潭之洙洲。約距長沙五十英里。就地設有軌路。除岔道外。計共六十四英里。且將陸續展長。此路工程鞏固。所鋪鐵軌。每碼重七十六磅。其轍徑合四尺八寸半。鋪墊軌路。係用巖沙石子二物。亦甚結實。道上所用鋼軌。為漢陽鋼鐵廠所製。惟鐵路上所用枕木。多由日本購辦。軌道所經過各橋。或用鋼鐵橋梁。或用石拱橋。最長者。約英尺五百尺。日下貨車日行四次。裝運煤炭及焦炭。每次貨車。另加搭客客車三輛。客常滿載。此礦由於一八九八年開辦。始意原為供給漢陽廠應用。煤礦工師係德人。自辦以來。逐年進步。而近此三五年間。尤為蓬勃。地腹地面所裝機器。每日可出煤一千五百噸。再閱三五年後。如漢陽廠前途之發達。蒸蒸日上。則萍鄉煤炭之銷用。每日可銳增至三千噸。日下出煤之數。扯計每日約出一千噸。大半鍊為焦炭。計每日可鍊焦炭四百噸。尚有二百噸。備為出售。所鍊焦炭。係用煤炭所洗之末。煤質絕佳。深合於化鐵爐之用。

平常所出之煤炭。曾經英德兵艦試燃。謂為恰合湯汽之用。屬於萍鄉礦務公司之煤場。蓄積煤炭之數。約有三萬萬噸。大半在平面上採取者。曾經礦師估計。謂倘開一煤井。能深至二百密達。即可將礦場所蘊煤炭。盡行取出。查眼前辦理情形。成效昭著。曩者萍鄉蕞爾之地。不過為荒煙蔓草之場。一經盛公仿照西法。開礦採煤。鋪設鐵路。利便運輸。至今遂聞名於球面。任事諸員。大名鼎鼎。各有光輝。中國俗諺。有所謂（破天荒）者。於荆榛塞道之鄉。興鑽脈採苗之利。首仿西法。一變方針。為江西實業家之提倡。為中國大工廠之權輿。非破天荒而何。宜乎聲名洋溢於中外也。

附錄己酉九月上海時報譯泰晤士報 美國新與中國訂定進口生鐵五萬噸。查此項交易。已非一次。各種鍊鋼鐵。由漢陽鐵廠製造。運至紐約交貨者已無數。其價尚較賤於畢的堡鎔鐵廠在大西洋岸邊交貨者。此足見中國商業發達。且生鐵一日之間。已製成鋼。製成鋼後。又成種

種鋼貨。中國現在誠如日本。為鋼鐵世界之大爭競家。情形色色俱佳。在山西地脈中。估計約有六〇〇〇〇〇〇〇〇〇〇〇噸之佳煤。其出產殆過英國六倍。較美國亦遠勝。除山西外。他省亦多煤礦。而含鐵之礦苗。尤隨處皆是。除生料外。其所製之貨亦佳。中國於製鋼一道。已考究十有五年。京漢鐵路所用之鋼軌。均為漢陽鐵廠所供給。廠在漢口之對面。前臨襄河。東通大江。交通極便。船隻能吸廿尺水者。可傍廠焉。廠共有大化鐵爐三座。日可出鐵五百噸。鍊鋼爐能鍊三十噸者兩座。六十噸者四座。又十噸之鎔鋼爐一座。十五噸之貝色麻爐兩座。此外軋板機軋軸機等無數。均以電力驅使機器。而鐵軌之附屬。如螺絲魚尾板釘。莫不有其機軸焉。拉軌廠每日能出軌二百五十噸。行將增至七百五十噸。此外尚有擴充之事業。即在揚子江之下端。另設車橋廠。製造橋樑鐵路客貨車種種。又將以化鐵爐之灰渣製造水門德土。是謂水泥廠。現在該廠工人。有華人四千。管理者洋工程師電機師工頭約

共有二十人。其工價每日約得口先令三本土。華人在廠熟於製鐵鍊鋼之法者。每日可得五先令。粗工則每日不過五本土焉。所用之煤。來自萍鄉。其地在襄河上游二千里。該礦每日出煤二千噸。煤質深合鍊焦之用。故有鍊焦爐二百座。日能鍊出焦炭五百噸。其餘塊焦塊煤。另由船裝運至漢口發售。生鐵之礦苗出產。則在離漢口二十英里沿江之大冶。每日產一千五百噸。每礦石含鐵百分之六十。由拖輪鋼駁拖運至漢。供給漢廠之用。有餘則售之日本。夫中國所有物產。生料既富足如此。宜其日見發達。況工價又便宜。思之殊無法足阻中國漸進為鋼鐵大國耳。

附錄庚戌二月新聞報 漢陽鐵廠自改設新鋼爐後。各省鐵路所用鋼軌。以及附屬各件。爭向漢廠訂購。幾有應接不暇之勢。上海等處機器廠翻砂廠需用生鐵無論矣。日本及南洋各島。與夫美國西濱太平洋各省。亦無不樂購漢廠生鐵。但期出貨增多。不患銷路不廣。去年生意較

之前年。已增百餘萬。舊有化鐵爐兩座。日出二百數十噸。又將舊小鋼爐一座拆去。另造大鋼爐四座。自調和爐開後。每日應可出鋼二百餘噸。今春第三號大鐵爐及第五六號大鋼爐。均已告成。出貨必倍於昔。生意興旺。已可概見矣。美國松木。為中東各國進口大宗。運木船隻缺乏。回鐵。即以運輸生鐵。運費極省。以故陸續購運。試用後。僉稱佳品。於是美商大來洋行。邀同美國施押杜省西方鍊鋼廠總理來華。商訂一二十年合同。每年需購生鐵數十萬噸。漢冶萍公司總協理暨董事會。共同酌議。先以七年半為期。每年定買馬丁生鐵。至少三萬六千噸。多至七萬二千噸為度。已訂合同簽押。其所需翻砂鐵。在外。聞美鋼廠。猶以為未足。來電請益年限噸數。漢冶萍因化鐵爐目下。只有大小三座。所出生鐵。自己鍊鋼。及應酬各埠。及日本香港南洋各島。翻砂生鐵。已無多餘。尚幸第四大爐。脚地已經做好。趕緊加工砌造。一年可成。下年即可多鐵十餘萬噸。除一半鍊鋼外。尚可輸出一半。但不知何人捷足先

得耳。萍煤去冬。已日出二千噸。以六成鍊焦。餘售生煤。較上年銷數。亦增七八十萬。今年更有加無已。萍洙鐵路。展至昭山。湘公司現已日夜趕造。冬令可竣。輪駁即可常年通行。董事會議添造大鋼駁二十艘。悉用淺水小輪船拖帶。以後多運即可多出。焦煤大半供給漢廠及鐵路自用。外銷僅十之三四。漢口各公司江輪。近已訂定專用萍煤。而外洋之海舶來漢者。亦免繞道往日本門司等處裝煤回國。即此一端。今年萍煤添出生意。約在百餘萬。美國西濱日本等處。均欲購用萍焦。此外漢口以及長江下游。原有之銷場。不待言矣。廠礦出貨既多。則成本驟減。獲利愈厚。綜計公司生意。戊申年四百餘萬兩。較勝於前。己酉年已增至六百餘萬兩。今年添開鋼鐵大爐。自用煤焦加倍。外銷亦廣。必達八百萬以外。在事者一鼓作氣。勇往直前。力圖擴充。該廠總辦所著圖說。預算以後程度。應獲餘利。必在輪船電報開平之上。近閱其報告。優先股一千萬。二月初尚有一百二十七萬。旬日之內。投股愈形踴躍。所剩

調查第一 中國調查錄

已不及一半。由此觀之。不待三月底發息之期。必將額滿見遺矣。

---



## 附錄第一 新知識

論大豆工藝爲中國製造之特長

李煜瀛

今日工藝問題之要。國人皆知之。故今日工業公司與工廠之組織。已相繼而起矣。統中國之工藝。約可分爲二端。一曰本國之工藝。或人工之工藝。一曰仿效西人之工藝。或機器之工藝。本國之手工工藝中。一爲銷耗品。玩好之類一爲土法日需品。布帛之類此二者。均不足與外人之大工藝競。至仿效西人之工藝。雖屬日用之大宗。火柴等類而製造往往不精。故亦不足抵制西貨。甚至不能全自爲之。仍須取資於他人。如以他人之線織布等類則利愈薄矣。欲使此等工藝。能改良與西貨相等。甚非易易。因他國之工藝。日新月異。我所仿效者。未及於改良。而改良之法。又出矣。即使果能與其齊趨。亦不過爲一抵制外貨之工藝。而不能爲出口之工藝品。故今日中國之工藝。終必居於失敗之地也。觀各國工藝之得勝。非其於各種工藝。皆能精善。實賴其各有獨得之特長。或以物料之特長勝。或以工作之特長勝。或兼以二者之特長勝。如甲國長於甲物。乙國長於乙物。則甲乙固可互得交易抵償之利益。而無利源外溢之虞。故工業之優勝。不僅在乎精能。而在乎特長也。



中國地大物博。其物料之特長。固不難得。然工作之特長。則非易易。因各國已有之工藝。皆在我先。且各有祕密。吾焉得一短少之時光而追及之。故雖仿效而終不免落後。設中國亦欲在世界上。得一工藝之位置。必須求之於西人尙未爲者。即人棄我取之意一以利用吾固有之物料之特長。一以吾人首先爲之。以求達於工作之特長。如此庶乎中國其有獨立之工藝。中國具此類性質之工藝固甚多。如茶絲等皆是。惟因國人不得領要。遂致放棄之而讓於他人。故昔日中國具有特長之工藝。今則已落於人後。近西絲印茶皆日有進步中國絲茶之銷路與之爲反比例更有他種工藝如絲茶之類。而尙未爲西人所發見攫取者。亦有之。中國之實業家。可不留意乎。如大豆工藝。卽其一也。

大豆乃中國之產物。其含素爲他豆所無。可謂一有特長之物料。豆粒中富於乳質。或卵白質油質與金石質。磷質鉀質等而少粉質。是正與他豆相反。他豆富於粉質。而他質較少。一因大豆富於乳質油質。故爲極滋養之食品。可代血肉而有餘。二因大豆富於磷鉀等質。故爲衛生強腦之良品。三因大豆缺少粉質。故能爲患糖病者之治療品。四因大豆富於乳質與油質。故能爲多種工藝品。乳質可製各種器具。油質可製胰臟顏料油等。尤可寶貴者。則大豆之價最廉。與他國同類之豆較。其價減一倍以至五倍。以豆中所含之四合乳質。或卵白質與肉中乳

中卵中以及各種菽粟中之四合質較。其價減二倍以至數十倍不等。由此可信大豆之特長矣。

大豆之製造。如豆腐醬油等。始於中國。此固有工作特長之性質也。惟研求之理未竟。製造之法未精。故仍不脫爲一種幼稚之工藝。吾曾參以科學之理。以機器理化之法爲之。悉心推求。更得多種新物品。爲中西之所皆無者。若再從而深探。以盡其性。則終必成爲一中國獨立之工藝。由是大豆之工藝。遂兼有物料與工作之特長矣。

大豆之質豐價廉。以及工藝之改良。均尙不足以盡其長。其最可寶貴最可奇異者。則在其爲用之廣博而繁複。有若江河相匯合。血脈相挹注者然。如麵粉製糖製油製酒製粉製麵筋製乳等工藝。皆最大工藝也。然每種之工藝。不過出一二物。或數物而已。向未有一種工藝而兼此數種工藝之事者。更未有以一種原料而爲此數種工藝者。惟大豆之工藝。則兼有此各種之性質與功用。可謂大豆之工藝。乃多種工藝所匯合而成者。亦可謂大豆之工藝。包括多種之工藝。此誠一奇特之點矣。

大豆。大豆之粒中。有豆仁二。豆嘴一。外爲豆皮所包束。以機器脫其皮。則豆仁豆嘴亦相脫解。復以機器分收之。以備各種工藝之用。此豆體之組織也。

磷質粉。豆嘴含磷質最富。故可取用之。以爲滋補藥品。其功用與西藥之磷質粉同。

豆仁。即去皮西人喜食各種豆仁。以之充菜菔。黃豆仁之口味作法與之相同。而滋養料

較富。價且較廉。故豆仁必將爲西人最普通之食料。

豆麵。將豆仁磨爲極細之麵粉。可以製各種之食品。如麵包點心空心粉等。西人患糖尿病者甚多。據統計表居四十分之一。患糖尿病者。其血中與小便中含有糖質。輕者病。重者死。醫糖病之法。乃使其食含糖與粉質最少之物。因粉質亦變而爲糖質。尋常之菽粟。皆富於粉質。均爲患糖病者之所最忌。故西人提取麵筋質。製而爲麵。以充患糖病者之食料。因其含糖質較少。惟既經多番製造。價則甚昂。而味亦甚劣。且所含粉質仍嫌太多。黃豆中含糖粉均極少。價廉而味佳。故其必能代麵筋之食料無疑也。西人醫家。久明其理。而未見工藝之實行。因豆麵含油較多。其麵粉甚不易得。今豆腐公司以特別之磨羅製之。可得極細之豆麵。故以豆麵充食料之問題。今始解決矣。西人近來麵粉製造改良。幾盡去麵中之糠皮質。故其色潔白。亦易於消化。然麥之糠皮中。含卵白質與金石質較富。此二者皆食料中之要品。今既盡去其糠皮。麵雖潔白而易於消化。惟滋養性則大減。亦爲西人之衛生家所深慮。而求補救之法甚殷。吾曾獻議於麥麵中合以豆麵少許。則補救之問題立決。因豆中所最

富者。正麥中之所缺也。此意頗爲西人衛生家所歡迎。巴黎豆腐公司。已製有豆麥雜麵之食料。故豆麵不僅爲患糖病者之用。亦普通食者之所需也。又如兵役與體操運動者。如賽船自由車賽飛亦須取體積小而養料富之食品。以圖便於攜帶。此亦豆麵等食品之大功用也。

豆油 將豆仁磨碎。包於布中。以極強之水力機壓之。以取豆中之油。豆油可製成一種油膏。與乳油相似。可充食品。亦可充他種工藝之原料。如胰燭顏料油等。

豆餅 卽取油後之豆仁。壓積而成餅。故以名之。油質雖已去多數。而他料仍完全無失。故能爲極佳之牲畜食品與肥料。若加以製造。且可以之爲人類之食品。以及工藝之原料。以豆餅製成之物品有三類。一成爲豆餅麵。其功用與豆麵略同。惟含油質較少。而價亦較廉。一成爲豆餅漿。略與豆漿所製者相類。一成爲豆餅渣粉。略與豆渣粉相同。

豆渣 將豆仁或豆餅浸入水中數鐘後。磨而爲泥。泥中之流質爲漿。所餘之堅質則爲渣。渣雖糟粕而含養料尙多。故尙可充食品。先使其乾。再加以磨之羅之。復可成極細之麵粉。以製各種食物。

豆漿 將豆仁或豆餅浸入水中數鐘後。磨而爲泥。用布袋將豆泥淋出之汁。卽爲豆漿。或

豆餅漿。其性質及功用。與牛乳略相等。惟豆餅漿含油質較少。

豆漿粉。用機器將豆漿或豆餅漿中之水提盡。而成乾質。研為細末。即為豆漿粉。或豆餅粉。用水沖之。復能成漿。其漿之所長。在便於收藏運寄。西人養小牛。恆以他物代乳。豆漿粉等用之於此為最宜。因其性與乳同。而價較廉矣。

罐頭漿。罐頭漿與罐頭牛乳製法畧同。性味亦略同。惟價較廉。故可代之。罐頭牛乳。近為一西貨出口之大宗。凡不產牛乳處。皆取用之。千九百零三年。日本一處。入口六百七十五萬法斗。約七百五十萬金之罐頭牛乳。中國入口者。亦必更多。惟數不可考。若能以罐頭漿代得罐頭乳之一部分。所益已非小矣。

酸豆漿。有幾種特別之微生物。具有酸性。此豆漿能阻止腸胃中不良之微生物發酵。故能預防多病。如霍亂等病。皆可不生。此類微生物。亦名曰延壽微生物。

將此微生物種入乳中。則變而為酸乳膏。或酸乳汁。合糖食之。為最有益於衛生之品。酸漿與酸乳之性質作法用法皆略同。惟其價較廉。而純潔又不似牛乳之含有他種微生物。此皆酸漿之優點。

豆精。將豆漿或豆餅漿凝結後。盡去其餘漿與他雜質。則為豆精。可以合入各種食品。亦

可以合他種化學藥料。以製各種器具。如煙袋傘柄之類。且可以之爲膠及製紙之料。今皆以乳質爲之。近有新發明用乳質製綢。此可見其用之廣矣。豆精與乳質性同而價較廉。故必爲將來一種極普通之工藝原料。

豆腐 中國向用鹽鹵或石膏汁點豆漿。使凝結而爲豆腐。吾改用化學純潔之質料點之。豆腐性滋補過於肉。其所含之蛋白質與磷質等。皆過之。故大有益於食者。由西人醫學家考驗。證明肉毒之爲患。故近今食植物之主義大興。植物之缺點。在含質不富。體積較大。惟豆腐能無植物料與血肉品之弊。而兼有其功也。故豆腐能爲植物食料進化之大助。由醫學衛生學之進步。而知肉食必日減。肉食日減。則豆腐之爲用益切。此豆腐必將發達之原因也。

豆腐乾與豆腐片 此二者含水較豆腐減數倍。故滋養料益富。而體積愈減。極便於兵役與體操運動者之攜帶。故法軍醫兼藥學家伯氏極主張用豆腐片爲軍中之食品。

發酵豆腐 發酵豆腐。係以新法製成。用純潔之微生物點於其中。與西人之製發酵乳膏略同。形味亦相似。而價較廉。西人每餐後必食發酵乳膏。可以發酵豆腐代之。

餘漿 豆漿或豆餅漿點成豆精或豆腐後。則成爲兩質。一堅質。一流質。堅質卽豆腐與豆

精。流質則爲餘漿。餘漿中含有糖質少許及他種四合質。可爲牲畜之食品。或爲肥料。亦可將糖質提出。或將餘漿化而爲酒醋亦可。此不過一附屬之小工藝。然亦可以表明豆中之無棄物也。

醬油。醬油係用大豆發酵製成。茲不贅錄其舊法。醬油之新法有二。一以豆漿製成。一以豆湯製成。此二法均不外乎以純潔之微生物種於其中。使之發酵而成爲醬油。其法簡潔。得價亦廉。此外更有兩特別之利益。第一法可利用餘賸未能出售之漿。第二法可利用煮豆之湯。所餘之豆。尙可爲他用。此二法均利用棄物之妙處也。

以醬油爲烹調之品料。西人已慣用之。極嗜其味之鮮美。食醬油者之數。日見增加。惟因運費關稅之故。醬油在西方所售之價甚昂。故尙未能十分普及。故吾務以新法就地製造。以圖減低其價。西人所食醬油有二類。一爲直接者。卽中國與日本醬油。一爲間接者。卽外國醬油。外國之醬油。又有多種。有英國醬油。此普通所謂洋醬油者。有馬士醬油。馬士公司曾欲以重價購吾製醬油之新法。此等醬油。皆用中國或日本之醬油改造者。其銷路已甚廣矣。

甜豆醬。甜豆醬卽用製醬油所餘之豆成之。合之以糖。色紅黑。味甜。酷似西人之栗醬。無可辨別。惟價則較廉。栗醬乃西人所食果醬中之最名貴者也。

豆·芽·菜。 豆芽菜以純潔之水生成。極爲衛生家所贊美。可以之代生菜。尋常生菜。皆生於糞土之上。污穢異常。故衛生家多不欲食之。

豆·仁·咖·啡。 將豆仁炮製後。有咖啡之色味。故可代之。患腦病者。不宜飲咖啡。尋常人夜間。亦不宜飲咖啡。因其足以破睡。蓋其所食之咖啡精。有感動腦筋之力。然西人酷好咖啡之味。不能自阻。近有炒麥芽代咖啡者。竟成一種衛生飲料重要商品。然炒麥芽實不若炒豆仁爲佳。故豆仁咖啡。雖不過大豆之一小功用。然其價值已非小矣。

以上所舉物品數十種。皆以一種植物製成。此誠大豆特異之點。其尤可貴者。則豆中無一棄物。以至渣滓皆可爲用。由是其物料與工藝之價值可定。而商業之問題自可從而解決。然以泛泛想像。不能知其究有何等之價值。須以預計之法表明之。凡一預計。無非取一二假定之數以計之。故須先擇此假定之數。

觀大豆各品門類衆多。功用不一。有爲食品者。有爲工藝品者。食品中又更分爲多種之食品。工藝品中又更分爲多種之工藝品。其繁重甚矣。故預計之法。亦繁重甚矣。如麵粉可供普通人之食品。俟其普及。則人人食之。餐餐食之。則其爲數有令人駭異者。又如麵粉等皆供患糖病者之取用。據法統計表。患糖病者居四十人之一。按此數計算。亦有令人駭異



者。又如麵粉等。可供軍人之取用。按照此數算之。亦有令人駭異者。豆腐等可代肉食。姑就法人而論。晚餐多不食肉。而以雞子代之。以後當兼以豆腐代之。更有全不食肉者。此風亦日增加。終必至於全數之人。皆不食肉。一部分之肉。以雞子代之。一部分以豆腐代之。由此計算。其爲數亦有令人駭異者。又如醬油以供烹調。甜豆醬與發酵豆腐。皆足代其每餐後所必食之品。此皆日用必需之食品。其爲數亦有令人駭異者。至若豆精與豆油。可爲極普通之日用工藝品若干種。其爲數亦有令人駭異者。

由此類推。其價值之高。爲數之繁。有甚難預計之勢。吾姑舉二極小而簡單之數。以爲預計假定之數。

一以巴黎之居民爲假定之數。大豆各種品物。本可以銷於歐美各國。今不以各國之人數計之。亦不以法國之全國計之。而以巴黎一邑之數計之。其必爲最小之數無疑。

### 巴黎居民

二百六十六萬人

二以每人每日取用最小之法錢一文爲假定之數。大豆品類數十門。有此等人取用而彼等人不取用者。有取用多者。有取用少者。有直接取用者。有間接取用者。截長補短。以每人每日一最小錢爲假定之數。必不爲過。

每日每人

一小錢

以人數與錢數乘。而得每日貨品所值之數。即二百六十六萬小錢。每小錢值一佛郎二十分之一。即合十三萬三千佛郎。每佛郎值半元之譜。即合六萬六千五百元。每年以三百六十日計之。即合二千三百九十四萬元。

以上所計。不過一假定之數。然此乃一最小之假定數。則其爲數已甚巨。必統將來各國全國所取用者計之。方爲實在之數。其數之大。尙非今日所可思議也。然即從此最小之假定數。已可證明大豆各品工藝之價值。非尋常矣。

商界之對於大豆各品。有畏嫉之者。有羨美之者。巴黎有最大之食品公司。其物料雖精而價昂。有友人與其經理人相識。與之談及大豆物品。伊曰吾知之。近來衛生家多提倡所謂正當食品。以貨真價廉爲主。大豆物品即此類。然此等物品。乃吾輩之敵也。又馬士食品公司。通行於歐洲各國。伊向以中國醬油改製爲洋醬油。既聞吾製醬油之新法。使人來。欲出重價得之。亦恐吾輩爲彼之競爭。故出此也。又有美國巨商極欲出重資經營此事。其他法人之欲入股者尙有多人。吾皆以婉言謝之。然由此亦可見西人商界之注目於此舉。總之大豆具物料之特長。各品本製造之新法。衛生家歡迎之。醫界學界稱頌之。同類之工

商界畏嫉羨美之。此數者均足以證明大豆工藝之價值矣。大豆工藝之價值既明。當決定工藝實行之法。巴黎現有之豆腐製作廠。甫經成立。粗備規模。以上所述各品。均經試驗有成。惟機器等建設未全。其中多種。尙未成爲工藝品。茲當擴張工廠。使就完善。繼之以商業營運之法。務於十五年專利期內。經營周密。名著於世。則日後不畏他人之競爭矣。此等工藝。不僅爲海外商業一時之經營。且可爲內國有益人生之大工業。今以巴黎藝術輻輳之區。藉爲研求工廠改良之法。俟臻極善。而後仿建全廠於國內。其貨品或用之於本國。或輸之於海外。其結果宏遠。有可預觀。倘吾輩不於今日實力圖之。而以退讓放棄爲計畫。則不但我不能以我之物料工藝。以取他人之利。而他人且將攫取我之物料工藝。以取我之利也。彼時雖再倡言抵制。亦必無濟矣。凡有真實物料。爲日用所需。如大豆各品。終無不普用於世者。如以麥爲麵粉。以蔗與蘿蔔爲糖。以果粟爲油爲酒。以乳爲各種食品。其起原皆不外乎一手工淺易之工藝。各地皆有之。今則爲世界之大工藝。以機器與科學之法爲之。而爲西人之特色。大豆工藝。正與此同類。而西人尙未爲之。因西方無此豆。故西人未得其實行之機遇也。今交通日便。輸運日易。大豆之功用亦日明。則大豆必普及於世。而與麥蔗蘿蔔果粟牛乳等齊趨。理之必然也。設吾不發見此理。則他國之人。終必發見之。設吾輩不建

設大豆之工藝。則他國人亦必爲之。故大豆工藝之發達於何人之手。固未可定。而其終必發達於世。則可必也。吾能先西人而見及於此。倖也。吾以所見告於國人。吾之義務也。然信用吾言而助其實行之始者。則中國之實業家也。吾望將來相助以竟其功者。亦不外中國之實業家也。誠如吾之所望。則大豆工藝始終爲中國製造之特長矣。

### 關於飛行器之紀載

#### 空中飛行器之歷史

近來西人研究此器者。其人最多。茲將當時之最注意者錄之。法國有僧名拉拿者。作一裝置瓦斯之球。彼時人皆仿而造之。雖未能至於高遠。然其想像有足嘉者。初製一極薄銅片。空其中而圓轉如球。球內卽裝置瓦斯。另做一小艇。上懸四個銅片球。中豎一桅而張帆。亦如水中之艇之順風而行也。蓋拉拿頗精計算。球形直徑二十五尺。厚一寸之二百二十五分之一。此四個球之浮力。確有千二百磅之力量。但僅賴此千二百磅之浮力。祇足以飛坐一人。且不可以逆風而行。惟拉拿必以銅片爲之者。以防外部空氣之壓力。而恐爲其破壞也。自此提案一出。而其偉大之名譽。直播於歐西矣。

十八世紀以前。雖法國巴黎城之四十里。蒙可復之小市。有操造紙之手藝者。兄弟二人。兄

名枚文。弟名約瑟。一日閒坐。見雲霧飛於空中。遂相謂曰。若將與雲霧一樣的輕薄氣而入於袋中。必能向空中飛行。其理固顯然可見。由是製一紙袋。用柴然火。藏火煙於袋。而閉其口。袋果飛上空中。比時再以布製袋。圓周十五尺。成一大球形。用稻草然火。滿裝其煙於袋中。既成。於千八百三年六月五日。在一公衆觀覽場而放之。約十分鐘而落於離原處五里餘之地。此亦輕氣球發明之嚆矢也。然當時但知燒草爲煙。以爲輕於空氣。尙未知熱瓦斯之更輕於空氣也。蓋熱瓦斯之以熱而升。而復以冷而降者。又由後人考驗而知之也。水素瓦斯者。亦在十八世紀以前英之化學家名壁提秀所發見也。謂水素瓦斯。以十分計算。較空氣尙輕七倍。其後有名留均維者。又發明潛熱之作用。於是全歐人皆知輕氣球之有大關係。惟巴黎人發明最早。而注意甚深。如甫於斯與子山等。皆博物學者。終身研究此事。以爲必能有成。由是爲募集義捐金會。以巴黎大學之物理教授茶爾氏者爲監督。羅波爾兄弟爲技師。設一造氣球之大工場。如造船廠。最初製一球。以絹作地而外敷以樹膠。直徑十三尺餘。並研究製造水素瓦斯之法。水素者。用鐵磨成細粉。而動之以稀硫酸。而易於成者也。然在茶爾氏當時。尙未知分何量目裝置之法。而多方比較。未得其法。惟滿入之於袋中。於是以十三尺餘之球。費硫酸約五百磅。鐵粉更加二倍。既成。因觀者太衆。不便飛行。

遂移於練兵場。政府亦鳴礮賀之。球果飛昇。高至十餘丈。約四十五分鐘。墜落於離原處五十里之遙。此爲千八百二十五年八月二十三日也。

巴黎之試驗。既著成功矣。翌年。茶爾氏再於安母之地。舉行試驗。此次本國來觀者衆。不待言矣。各國國王王后以及百官公使。皆欲以睹新發明之機器爲快。而來觀者更多。因先將氣球面上大加粉飾。繪以山水人物。儼然月宮之水晶球。其光明照人眼目。球下繫以竹籠。內載羊與雞鴨等物。不過八九分鐘之久。飛高至千五百尺。而落於離原處數十里之外。落後。羊與雞皆無恙。惟鴨之右足有微傷耳。

其二

空中飛行器。爲軍事上之一大關鍵。近來歐美各國。皆研究此器。以爲文明之進步。日人亦深知其利用之所在。將來必藉以爭勝於戰場之間。近於軍界上由國家公帑發出五十萬元。另行組織一研究會。以求發明此器之極點。特詳譯西洋飛行器之歷史。並其器之圖形。傳播國中。以資大家研究之目的。今將其所譯之歷史。逐一譯出。以爲吾國治軍事者。急於發起之一助。倘能集思廣益。如東西洋之競爭仿行。自能並立於全球之上。則幸甚矣。考空中飛行器之思想。在歐西太古時代卽有之。而其思想。究從何而起。或謂鳥胡能翱翔

於空中。蟲類即極細。亦胡以能飛於空中。此顯然有模樣可做也。然當人間智慧未發達時。皆以蟲鳥為天地生物。乃付以自然之理。非人力特別組織之可能。又何能做蟲鳥之模樣。而造極便益之器具。得以自由行動而凌空駛駕耶。又如蒙昧時代之人。見魚游於水中。潛伏動靜。亦若別具方法。以為魚亦具有天生自然之理。而非人力可能精造。待其後有古先聖哲。為研究水之性質。竟從空理而悟出實際。雖不能如魚之自由於水底。而能放蕩浮行於水面。則其智亦大也。蓋其始剝木為舟楫。猶是簡單之器具。其後陸續進步。而立檣張帆。借風力以行走。今更造輪車。反藉火力而運行水面。而無處不可至。則舟楫之身體。雖與魚異。而藉此構造。足以征服水族者。亦先哲之妙想天開也。然既征服水族矣。獨不能爭勝利於空中乎。此方法在東洋人未有思想。故其學問不能發達。且其原因在誤於信仰佛教。而云惟神仙能騰雲駕霧。一種荒謬不徵之言。且著之歷史經典。而若有親見其事者。數千年來。遂以此神仙術。固結於胸中而不可解。而延至今日。直落於西人之後也。

飛行界之新發明

據美國新聞。載美國太古麥市內之一青年。名威撒史者。年僅二十二歲。為抱絲墩之某學

校出身。費三年間之苦心。發明一種完全之新式飛行器。前月某日。已偕技師二人。乘坐飛行器。飛上太古麥山頂一周云。按該飛行器之特色。與現今列國之飛行機。截然不同。其迴轉推進器。代用波動板。殆絲毫不起動搖與震盪。且速力非常快速。一時間能出百二十英里之速力云。其器械爲避空氣之抵抗。用極薄之亞爾密紐有銀輝色板作成。波動板分前後運轉。令飛行器疾行。恰如狼火之快速。且該波動板。共有四具。各自區別。故若機關有障礙。至不能運轉之時。尙能亘一時間以上。繼續飛行。漸漸由高處降下平地云。據發明家威氏之說曰。氏初在海上。見鷗鳥之飛上海面。晏然保平穩。偶有所感。遂至發明此項之新機軸云。現在威氏已向合衆國政府。請求其發明權。呈請試驗。同時又致書於拉伊脫兄弟。按即美國著名飛行界健將約期實行。比較飛行器之速度云。

### 欲乘飛艇過大西洋之思想

近年因飛艇之大有進步。遂致人人敢有冒險之思想。擬欲乘飛艇飛行於大西洋之上。此係爲自歐入美之舉。查此法係起於僑居美國之德國報界人卜魯克特氏。其辦法。係照以下意見而定。調查千百年氣候之占驗。暮春之恆風。頗有一定之力。所行亦有定路。其速力每一小時。約行四十基羅米突。將飛艇送入風中。則不過五日。即可飛渡於大西洋及紐約。



越洋飛艇擬修之式樣。略與平常氣球相似。長五十米突。其上載爲蓄存水素之用。艇之動機懸艇。約四十馬力。此外其上亦安置船舵。然其動機及舵。亦非該艇上第一最要之物。如舵之一物。僅於飛艇遇有將行偏出舵路之外。則方用之挽救。如遇舵亦不能爲力之時。則其動機。方行使用。此外該動機又有一用。如飛艇遇有意外之虞。不能前進。則下水之懸船。卽行改爲動機之船。飛艇人均載於其上。上載查驗氣候者一名。醫士一名。專療各疾。熟悉飛行情形者一名。水手一名。

英法兩飛行家之大競爭

英倫某日報高懸賞格。有能從倫敦乘飛行機至孟斯者。可得獎英金一萬鎊。已存儲銀行備取。此款不日卽將由法蘭西人寶亨取去。英國人以故注視此事。均驚心動魄。於二人競爭賽行所經過之十二村莊。全體一致。以杖高舉其帽。向風口搖曳。以示慶賀。至賀勝時。有兵隊一隊。均拍手歡呼。各西報盛載此事。及兩飛行家之小影。不一日遂傳徧國中矣。先是。偉德氏於上月二十三日。由孟斯起程。其行道係旁鐵路而行。行至不及笠匪特四英里而止。計程一百十三英里。始行停止。其降下之時。係趁風力。不幸適有大風。幾破其機。修理甫經完竣。寶亨從法國乘飛行機。於是日五鐘二十二分。乘機由海姬司向北西行。時偉

德不知。正在高臥。殆驚覺。趕備起行。於六鐘半動身。而寶亨已先行一鐘餘矣。寶亨君行至德倫德村落下。計共行一百十七英里。而偉德計僅僅行六十英里。忽然落下。

明日兩人復賽行。英人以初次相較。相差五十七英里。決意欲勝其敵。於晚間三鐘不及十分時。卽行起程。鼓勇直前。不一時。騰空而上。乃敵手寶亨方在休息間也。至三點三十分。計其路程。已行至三十四英里。又二十分。寶亨雖在預備。尙未升高。迨偉德行至離笠菲特十四五英里之處。寶亨始行駕車。時偉德已行至敵思卑離。距孟斯不過五十英里矣。寶亨在後。相距尙有六十四英里。殆偉德抵司墩。其地適離英倫一百零二里。忽遭大風。又勉行五英里。至巴爾司拒次。遽爾落地。寶亨當起程時。亦遇大風。以三四十分鐘間。抵史載福。其地距笠菲特稅十七英里。一過史載福。速力驟然加增。每點鐘可行六十英里。時風色甚利。如送行然。殆至孟斯。安穩落下。如飛鳥然。當寶亨未抵該處。觀者已多在等候。及飛機從天而下。一時道慰藉者。握手者。踴躍爭先。莫不以一觀顏色爲快。約而計之。寶亨行程時刻。不過四點鐘。計行一百八十三英里。以平均數計。則每點鐘行四十五英里也。

### 日本之祕密飛行船

俄國聖彼得堡新聞紙。設有飛行界欄。每號特揭世界各國飛行船之現狀及學說。最近又

載有日本之飛行船。大致言日本研究此項飛船。非常祕密。其事之確否。不得而知。姑據其記載。譯錄如左。

隱密的東方國民。由來東方之國民。隱密的人民也。即如日本現今雖已採用歐洲技術及學理上之智識。然關於其事業特如陸海軍之事。依然以祕密爲主旨。蓋日本人以爲多言招失敗。於事無補。故余等雖欲考察日本之空中飛行船。究竟在如何狀況。亦末由詳知。然據所聞。日本最近有試驗不備發動機單純的設計之飛行船一事。又在他方面。據一私信。傳述歐洲新聞紙所載。則謂日本政府。頻頻獎勵飛行船之研究。欲應用於軍艦及海戰。限飛行至若干度之消息。

彼得大帝。的日本。日本現已購到各種式樣之飛行船十四隻。璞而利式 克來沙式 各一 雙哈而拿拉以脫式 若干

雙聖多斯邱 門式一隻輸入本國。是等飛行船。概以個人之名義購入。其實皆爲日本鎮守府所託購。

日本人不欲向歐美多購飛行船者。如軍艦然。恆在自國製造。守其祕密。日本最初雖向歐洲定造軍艦。然未幾即有士官技師工夫等。在歐洲學得一切最困難之造船技術。輸入本國矣。就此事觀之。彼等日本人。恰與彼得大帝有同一之思想也。

軍艦與飛行船。近更得最有趣味之通信曰。日本之某海軍船渠。日下從事建造大噸數

之軍用運送船。裝置有追隨最高速力甲種軍艦之大機關。船身之長。凡百五十米。突備二重甲板。此外無何等之裝具。然其甲板之兩側。即造有金屬製之飛行船停置場五所云。軍艦附屬飛行船。長至百五十米。突之船體。如令飛行船飛揚於空中。已覺綽乎而有餘。當艦隊之行動於戰場也。此運送船中。一方之飛行船。可為偵察敵艦隊之用。他一方之飛行船。飛走自國艦隊之船艦上。由空中俯瞰海中。即得警戒水雷。及潛航艇之襲來。又如陸軍上陸之時。可使為偵察陸岸。即在上陸之後。以便使之服陸軍任務也。

日本書記官之秘密主義。日本建造如是運送船之消息。傳之法國時。法國一通信員。向日本大使館之書記官。質問其事實之如何。該書記官即曰。關於陸海軍事。吾人無發言權。該通信究確實乎。抑虛言乎。末由斷言。法之通信員。即向日本大使館書記官。微笑而言曰。卿等將來。須俟日擊之後。方可識之。其緊守秘密如此。

法國士官之言。又據極東歸來之一法國士官所言。則謂日本政府。新向美法兩國。購入飛行船若干隻。其一部分。業已運到。引渡於海軍省。且在海軍省。亦已舉行試驗二次。但其結果如何。嚴守秘密。新聞紙絕然不提。外人無從探知。但據予輩所確知者。日本軍艦。現已確有特別裝置。可令飛行船便於飛揚及降下。應用於海軍。然其裝置設備之內容究竟如

附錄第一 新知識

何。吾人尙未得明言爲憾云云。

## 附錄第二 雜纂

### 新疆禮俗志

新疆廣袤二萬餘里。人類紛厯。各爲禮俗。今區其種。曰蒙古。曰纏。曰布魯特。曰哈薩克。曰甘回。而綜覈其教。則曰回曰佛而已。

額魯特、察哈爾、土爾扈特、和碩特者。皆蒙古種人也。游牧伊犁天山南北。及塔爾巴哈台阿爾泰山諸境。逐水草。遷徙靡定所。冬窩曰玉木種。夏窩曰錫林。（牧所謂之窩）氈房曰色格勒。卽今諺所云蒙古包也。房式如覆釜。大周十餘丈。小或三四丈。其牆謂之特勒木。其門謂之烏迪音。其蓋謂之噶拉此。覆氈謂之德屋。窗謂之鄂爾庫。簾謂之玉敦。（以氈爲之）壁襜謂之庫什克。牀謂之鄂倫。人馬牛羊雜栖一室。（富有之家馬牛羊別置一區。廚竈別爲一室）婦女晨起。啓氈窗。汲水煇湯。提壺灌頭面。現用白布。呼家人同起沃盥。烹茶和以鹽滫。以牛渾獻佛而後食。

之。食畢。男女內外。各趨其事。執其業。午餐亦如之。日晏。牧者歸。取牛羊乳以備宿餐。而後食。其食滿麵肉於湯而淪之。卽古禮所謂爛也。食畢就寢。不燃燭。竈爐而眠。凡食。以茶乳爲大宗。酥油奶酒。均以乳釀之。釀餘之乳。髓總爲餅。名曰奶餅。釀酒。值客至。必延坐盡飲而後已。其禮服同於滿人。喜著青色襦襜。冬製素質羊裘。謂之勒楷得擺。周緣絨邊。副以青釧。男女冬夏單袴。出門或貫以羊皮之揮。女子布袍無緣。綢繆緝佩。髮辮繁。耳環腕釧約指。多以金銀珊瑚珠寶爲之。矜尙瑰麗。婦人冠金純氈帽。頂結紅絨。或紅絲。長穗小帽。長袍瘦袂。接下長幘。（婦人長袍如兩截衫。窄袖對衿。下截如圍裙。曳地。郭注方言。裙俗人呼接下卽此義也）外罩長袖襦襜。直衿鈎邊。周以編緒。此婦人禮服。有事必服之。童子冠式不一。製與滿漢同。其貂皮冠謂之窩爾圖。（其式如官帽。頂綴紅絨。毳後簷開縫。綴綢帶四）孩童出痘。謂之熱人。始與論婚。未出痘者。謂之生人。有疾。延喇嘛誦經。服藥不效。則穿耳一孔。貫以銀絲。

墜珊瑚一粒。謂其易於養育也。婚禮。男家贄哈達羊酒。請媒道意。(哈達有布有綾綾以有佛像爲貴) 議則結哈達酒壺蓋上。媒乃攜壺登門。禮見外舅外姑。復進哈達。藏膠其內。(取膠結之義) 獻佛座前。來者均稱賀。謂之哈達主蘇特畢漢。於是致聘禮。羊酒布帛。視家有無。女家受之。分餽戚友鄰黨。示得壻也。親迎到門。喇嘛誦經。新壻跪拜。然後入。行謁見外舅外姑禮。迎新婦以歸。新婦冠呢簷紅纓大帽。皮鞞朱袍。長衿柏腹。泣辭父母。以衣翳面。伯叔兄弟。抱持上馬同騎。歌吹導行。至門。喇嘛誦經。男女持羊膀骨。拜天地及佛。跪地。嫂氏拆新郎新婦髮。交合而梳之。同起。入門。祀竈神。次拜舅姑。禮畢。嫂氏引入氈房。易婦裝。合髮結二辮。長垂胸左右。嫂氏復引禮竈神。拜舅姑。次拜諸族戚友。回房。坐鄂倫。垂帳幔。賓客各薦紅布一方。餽餼果爲禮。圍坐食茶酒。道吉辭。彈登木。(長二尺餘二絃) 男女背柳。(跳舞之名猶纏俗之偃郎也) 雙雙逐隊唱歌爲樂。三日之內。出入言動。皆嫂氏導持之。過此始執婦

職。諸事皆躬勤操作矣。凡有妻者。不得再娶。其有男女及年。而貧不能嫁娶者。官長知之。鳩衆集貲以助之。人死。尙火葬。貴人歿。浴尸。棺以白布膝囊。昇至高原。平奠柴上。喇嘛誦經。舉火焚之。骨燼則交相慶賀。(謂亡者無罪過昇樂境) 取灰和藥屑淨土。(其藥來自西藏名于勒哩又名咬底斯) 搏像卜地葬之。壘土作塔形。亦有尖頂似矮室者。常人死。則以常服衣裹其尸。喇嘛取亡者年命卜地。馬載之往。誦經投鳥鴉狐犬啄噬。旁熾火一炬。送葬者躡火而歸。不得數返顧其尸。食盡則大喜。越三日不食。舉家皆惶惑恐懼。不惟謂亡者罪大。鳥獸皆不食。將獲陰罰。益復延喇嘛誦經。驅鳥獸速食。謂之天葬。葬畢。相率遷徙。以死者地凶惡。絕履跡。復延喇嘛誦大經。以死者衣服什物牲畜。持半施庫倫乞誦經。祈冥福。冥福厚薄。視施送多寡。故庫倫喇嘛。皆擁厚貲。富與萬戶侯等。又有人所稱慕爲大喇嘛者。藏獨角獸角。以之畫地。長與尸身齊。置尸其上。是地卽爲亡者有。除一切罪孽。非生前有大善。不獲遷此。

遷之卽羣舉爲慶。子爲父母。妻爲夫。均持百日服。平人則持服四十九日。服期不著鮮服。髮不梳櫛。不宴會嬉遊。服闕始出門。婦人守節與否。視其志。無強之者。親歿。無廟祭。忌日。然酥燈佛座前。焚香奠酒禮拜。富者以銀畜送庫倫。貧者獻哈達爲亡人誦經。元日至元宵。凡十五日。爲誦經之期。男女爭攜銀畜茶麵至庫倫。告以死者之名。祈喇嘛超薦。牧所禁殺牲。每過佳節。子孫延喇嘛。至葬處追薦。哭奠如儀。天葬者。誦經於室。仰空哭奠而已。其俗不講宗法。曾祖以上無稱。祖父曰阿布苦。祖母曰阿布苦哀吉。父曰阿博。母曰哀吉。伯父曰阿博喀阿卜。叔父曰阿博喀阿噶。兄曰阿哈。嫂曰畢里肯。姊曰阿格啓。弟曰底呂。弟婦曰底擺哩。子曰庫本。媳曰擺哩。女曰扣肯。孫曰阿奇庫本。父業子受。無子者。繼兄弟之子。或近族者爲後。不得撫異人子。親長見卑幼者。以吻接面。卑幼屈膝。拜遞哈達。弟婦見夫兄。奉茶座前。一有人在側。則接而轉遞之。不得直遞夫兄之手。命之坐。然後坐。問則俯首低聲答之。賓客至門。聞

馬蹶聲。主人趨出。接韁下馬。男西女東。啓簾讓客。由右進。坐佛龕下。薦乳茶乳酒乳餅。奉納什。（納什係煙葉搓末加麻黃灰製成。久食可固齒。）久則烹羊留食。其不相識者至門。必飫以酒食。住數日。敬如初。無辭客者。貴人官長止其家。情禮稠疊。屠羊饗客。必請視之。領而後殺。食則先割頭尾肉獻佛。乃饗客。食畢。家人團坐。餞叟林（猶一村）父老。爭攜酒肉壽客。謂貴人至其家。將獲此福。歌以侑之。卑幼者至門。繞舍後下馬。置策而後入。婿至婦家。以饋熟羊頭及膾骨爲敬。蒙俗樸誠。摯摯。人情風俗。皆有先進之遺。說者謂蒙古崇事黃教。家有三子。必使二子爲喇嘛。此無稽之言也。子爲喇嘛與否。各隨其家人誓願。如作喇嘛。必告佐領。執有憑書。始入寺。至佛前頂禮。聲鐘鼓號衆。賜滿吉名。其父母有子死無後。報諸佐領。則其別子之已爲喇嘛者。仍使之還俗奉親。不之強也。每歲四月。官民貞吉祀鄂博。（鄂博以石堆積高三四尺。形圓若塔。）庫倫喇嘛持法器誦經。剝羊。以其皮及頭角蹶尾。蒙鄂博頂。取柏



枝插其上。而以哈達懸結四周。官長率兵民自左之右。繞走一匝。一行禮。且走且歌。一人唱之。百人和之。類皆禱祝太平之語。祀畢。年壯子弟。相與貫駝馳馬。以角勝負。貫駝者。分東西列。二人躍出場。抗空拳相持搏。格手踳足。牛疋虎踞。勝者扶負人起。以鬻相撫掩。官長高座監鬪。連勝十人者爲上。以次至五等。其賞皆有差。馳馬者。羣年少子。各選善走名馬。集數十里外。待命鬪勝負。整檝飾。齊月頰。治鞍筴。恐其蹶於蹶也。爲之刻其甲。防其偪於力也。爲之剔其毛。慮其篤於行也。爲之餓其腹。緩之驟之。控之縱之。聞角聲起。爭叱馬鞭其後。疾馳趨鄂博。先至者。謂之奪彩。其賞亦列五等。各得銀布有差。五月。復大祀鄂博。禮師初。一卽漢人禱祀山川禳除災疫之義。十月二十五日。爲祀佛祈壽之期。官民相率。懷資赴庫倫。喇嘛設壇。誦求壽真經。高構木棚。羣攜自製酥油燈。密奠棚上。距庫倫遠者。則哎林諸衆。自堆鄂博。然燈祀之。春秋佳日。諸庫倫喇嘛。駕佛巡遊。謂之轉默忒。家家獻哈達。夾道跪拜。首觸佛座。祈

伴福。縛縛總總。衣履絜齊。是日飲茶。不殺牲。崇奠之蟲。肖翹之物。皆不傷折。謂違是則擾天怒。佛不福祚也。蓋其狂教迷信。習久性成。異族之人皆然。不足深怪。獨怪西域藍裘渾酪之民。強者鈔掠。自古爲邊境患。今一受羈勒。而皆窳恂。儉敗乃至此極。孔子曰。君子居之。何陋之有。蓋必有道焉。以化其陋。而非任其肝肝睢睢。長此以終古也。纏回者。漢西域城郭國諸種人也。高鼻深目。多髭鬚。與秦西島民狀貌相類。但眸子黑耳。天山之南。種族蕃庶。而分居疆北者。亦所在皆是。自昔聚族而處。閭門房舍。皆與漢同。而門多北向。（屋頂平行人於其上行走坐臥。並可堆積薪糧瓜果諸物。）富室高構重樓。（如蒙古包形。牆厚七八尺。）砌土爲榻。穴牆爲爐。圓上而方下。其高三尺。突出屋頂。謂之務恰克。然之則一室曠明而溫。牆中皆穿洞爲閤。皮藏食物。謂之務油克。屋頂開天窗。洞達陽氣。謂之通溜克。四壁塗飾。飾以人物。稱爲潔麗。富家巨室。屋旁多築園林。溝以渠水。爲銷夏燕游之所。謂之博斯坦。事

居者。門左右築土爲臺。旅陳估貨。謂之巴札爾。器用衣服飲食。多同哈族。衣曰袷。圓袂而窄。男右衽。女有領無衽。髮首而下。生子則當膺開襟。便乳哺也。內襯長襦。下及膝。男子華冠。鏤金刻繡。冬以貂獺皮爲沿。夏以絨紵。女子冬夏皆用皮。前後插孔雀文。暈毛尾爲飾。其障紗謂之春木班。絡髮謂之恰齊把什。富者結紅絲成穗。上綴細珠寶石珊瑚諸物。韉之高抵者。謂之玉代克。平抵者。謂之排巴克。履謂之克西。皆牛馬革爲之。入寺禮拜。必解屨門外。此西俗之大同者。男子毀齒行割禮。生四五歲。割勢皮一周。舉家稱賀。稍長。則尋爲朶斯。朶斯者。男女交好之辭也。配偶之制。惟同出不婚。納采納徵。豐約視家。有無事定。則延阿渾誦經。間立判書爲信。親迎之日。新婦帕頭騎馬。導以鼓吹。至夫家。誦經成禮。易恰齊把什爲婦人裝束。（卽雙歧髮辮也）其俗。女子于歸。無過十五齡者。年逾二十。容色摧殘。同於老婦。夫妻離異。謂之羊堆。（夫棄其妻者。家間什物。任妻取攜。妻去其夫者。室中諸物。

均不得持取。子歸其夫。女歸其妻。離異一年之內。生有子女者。夫皆承認之。離異逾六月。始許更嫁。望其悔而復合也。離異三次。回律無再合之條。儻欲合者。夫妻必與他人姦宿。始允復合。其法蓋爲人之輕於離異。恥之也。夷俗之淫陋。大都類此。故婦人鮮從一夫以終者。其喪葬之制。人死。延海蘭達爾。集屋上誦經。（猶今之香火道人）戚友來弔唁。賻贈銀畜。卽日。以白布絞尸。納穴中。阿渾誦經。家人皆純素冠帶。子女之於父母。妻之於夫。若兄弟親戚。持服四十日。或百日。不剪髮。不華衣。封土爲墳。謂之麻札。（或長或圓。形式不一）上飾馬牛羊角尾。富家有覆綠令適者。間築廬墓側。聘明經典者守之。朝夕誦。謂之唸素爾。春秋佳節。滌羊肉糜。慕祭。謂之散尼牙子。不建廟。不樹主。有子者。財產歸子。其女與前妻之子。得分子之半。無子有女者。財產歸女。子女俱無者。不立嗣。撫他人之子。不得分財產。兄弟及親戚。均而分之。其妻無所出者。祇分女所分財產之半。子先父母死。父母財產。例不得及於其

孫。其族有名無姓氏。父曰達旦子。母曰阿浪子。祖父祖母。則曰穹達旦子。穹阿浪子。穹者大也。猶華言大父大母也。兄曰阿干子。弟曰伏干子。夫曰伊引子。妻曰和通。其伯叔舅姊。皆以呼兄者呼之。甥壻妹姪。皆以呼弟者呼之。餘則無尊卑長幼。概呼以名而已。其教專祀天尊穆罕默德。為陪昂伯爾。譯言天使也。七日禮拜。入寺誦經。謂之朱瑪。每日五次誦經。謂之納瑪茲。（日未出謂之傍不得未時謂之撒繩西時謂之的格爾日落後謂之沙瑪戌時謂之火不得）歲法以三百六十日為一年。先期四十五日。以葫蘆然膏。懸之樹。阿渾誦經。衆人獲拜。夜闌燈聖。蹴葫蘆於地。爭趾踢碎之。以消灾癘。謂之巴把提。又十五日齋戒。晝禁飲食。謂之若茲。（布魯特謂之瑪加克）言齋期也。彌月開齋度歲。鮮衣華服。喧填鼓歌。男女往來相稱賀。如是者七日。謂之若茲愛依提。又十七日。刳羊祭教祖先世。謂之古爾巴愛依提。即一歲之終也。其走謁穆罕默德墓者。謂之阿吉。道死為上。返者次之。故多以此傾產墮業。不稍

顧惜。其仰天祈禱。跪而端手齊胸誦經。謂之斗瓦。平民相見。無跪拜禮式。遇尊長。交手撫胸。俯首誦賽拉瑪里坤帖。斯列海。再合手撫面。以為親敬。女子相見。以幣相撫。長與卑幼相接。以唇。宴客。以多殺牲畜為敬。瓜果餽飴。湯餅肉臘之屬。案榻紛羅。又手大啖。樂賓之樂。以鼓為主。大鼓以袍擊者。謂之東不拉。小鼓以手搗者。謂之達普木。管謂之娑拉伊。葦笳謂之拉伊。三絃謂之拉瓦普。兩絃謂之色哈。銅絃謂之彈普。絲絃如琵琶者。謂之斗塔。如洋琴者。謂之喀攏。男女當筵。雜奏唱歌。女子雙雙逐隊起舞。謂之俚郎。間亦有男子俚郎者。淫聲哇辭。可以知其俗矣。然其民重信。敬老親仁。簡質循法。以醉酒為恥。以貸貧民取息為大惡。其俗信誓。誓者以足踏養而言。謂之昂無孫。重則抱經以誓。無不唯命者。其鄉各設百戶長。曰玉子巴什。十戶長。曰溫巴什。凡籍戶籍。均差徭。催科禁姦詰賊諸事。皆以之。其司水利者。曰密喇布伯克。司分水者。曰扣克巴什。凡濬渠瀆。築杠梁。植樹木。計畝均水勸耕諸事。皆以之。其

司盜賊者。曰拔夏普。凡捕竊盜。守亭障。峙委積。聚樓授館。送逆諸事。皆以之。其司禮拜寺者。曰伊瑪木。凡誦經講善。和訟解紛諸事。皆以之。州縣官吏。又於城中設總長一人。謂之鄉約。有大興作徭役。鄉約分檄各長。皆咄嗟立辦。此蓋古鄉官之制。治之有道。則一變至魯。猶反手耳。說者謂伯克恣睢虐民。殘傷其類者。無所不至。故前巡撫劉公錦棠。奏改行省。裁伯克之權。一統於州縣。所以救其弊也。雖然。以冠帶之族。治矚睚譴諱之民。言語不相通。文字不相識。勢不能不藉舌人以宣達之。倚頭人以號召之。假威播虐。上下欺謾。無伯克之名。而有伯克之實。民之罹其毒者。乃益加劇焉。吏治之不修久矣。大府聯公撫新之歲。惻然爲釐賦章。薄稅斂。慎選廉吏。而褫其不職者。民歲省財賦二百餘萬金。而又督課官吏。習纏人語言文字。檄諸州縣。選集若族聰俊子弟。誦讀儒書。學漢語。以爲異日鄉官自治之地云。

布魯特者。漢烏孫休循捐毒諸種人也。(東布魯特爲烏

孫西鄙地。西布魯特爲休循捐毒二國地)散處於喀什噶爾英吉沙爾蒲犁葉城烏什諸邊境。其俗好利喜爭。尙牧畜。事耕種。與纏回同教。而頗畏法度。問其家之富。則數畜以對。其牛羊重雪水飲。不雪則延毛拉咒經。以繩繫龜壳。一活蝦蟆。一懸淨水上。咒之。龜背浸浸見水珠點。頃刻卽雪。謂之下剗答。有病者。毛拉禳之。屠羊於前。擊鼓踏舞。謂鬼附羊身以滅。蓋三苗巫教之遺也。其穹廬曰那哈阿衣。木架氈墀。圓如覆磬。其壁衣之瑣麗者。以五色花氈彩絲繡之。富家一幕。有費千金者。氈毯薦地。無牀榻倚卓。值門置炷竈。駕三足鐵爐。謂之格爾加克。家長居其下。右處賓客。稚幼居門之左。僕役居門之右。爨則糞以代薪。汲水以羊皮袋。謂之通拉。亦有以葫蘆者。謂之腦蓋。銅壺謂之沙瑪。鐵釜謂之喀章。席地以布。承食以槃。切肉以刀。擣飯以手。澡浴以繩。挑大腹細頸沙瑪。灌頂至踵。謂之密什雀。可其服飾。多與纏回同。身披禪襦。冬冠他瑪克。夏冠斗破。女則摺疊白布絨頭。垂背尺許。阿渾之帽。上銳而高。簷以

白布紵之。厚二三寸。脫帽爲敬。入門必解履。婦女出。必以  
 瞻。障面或以白布或以花巾邊垂絲穗。皆古制也。  
 婚姻之禮。納采親迎。皆同纏俗。女入門。男女對座。以鹽水  
 淇餅而食。猶合盞也。次日。見翁姑。家人長幼。以次相識。均  
 交手鞠躬。曰賽拉瑪里坤。猶問安也。一夫衆妻。無嫡庶。婦  
 多從一而終者。夫妻反目。則延阿渾誦經以調之。再醮。則  
 先兄公與叔。無兄弟。則適族人。無族人。始改嫁異族。此財  
 聘之弊。同於市估。自秦以西。君子不忍觀也。於布纏又何  
 責焉。其俗向不講宗法。自曾祖以上無聞焉。蒙回之俗。大  
 抵皆然。其父母及夫死。無三年喪。葬畢。除素服著青衣。有  
 墓祭。暮年。開筵享客。戚友羣以牛羊相問遺。爲設刁羊之  
 會。或植高竿爲的。礮射角勝負。其教專祀天。其麻法齋期。  
 一遵回制。不食葷。不飲酒。宴客。薦牛羊酸乳。貧者淇麵爲  
 湯。富者以馬湏酒。發羊肉大米爲飯。賓主之間。情意周  
 洽。濃至。少詐虞者。其民易使。敬畏官吏。斯足多耳。  
 哈薩克者。漢康居種人也。散處阿爾泰山塔爾巴哈台伊

犁北境。無城郭廬室。逐水草。事遊牧。四時結穹廬。氍毹重  
 疊。褚以駝氈。枕則著以天鵝之毳。入門羸三尺。設火爐。爐  
 旁置銅鐵水罐。烹茶炊飯。以糞代薪。羊糞爲上。駝糞次之。  
 牛糞又次之。馬糞爲下。其俗喜食薰燻諸肉。而馬臘腸爲  
 款客上品。殺馬駒三四歲者。切細膾以五味和之。實諸  
 馬腸。長三尺餘。而以筋束其兩端。名曰馬臘腸。烤乾。羹食  
 以待貴客。其男女所服之衣。貴賤不分。名曰袷。圓襟。  
 窄袖。不結紐。長施於膝。男敞前衿。以左衽掩腋。束之皮帶。  
 帶刻金銀。嵌含珊瑚珍寶諸石。左懸皮囊。右佩小刀。婦衣  
 較長。當胸純以金絲編緒。綴以環鈕。衣之前後。繫繫小囊。  
 （盛零纖什物便於取用）續續如也。男女衣皆以黑色  
 爲上。白爲次。雖盛夏。裋襦襜褕。以蔽日光。春冬則外襲皮  
 裘。厥名曰恫。富者以貂獺狍諸皮。貧者羊裘澤身。襯白  
 布及五彩。禪襦有袖而無衿。女之襦衣。下圍如繞領。其長  
 曳地。男子著皮帳高帽。內襯燥頭。女子皮帽。方頂闊簷。嫁  
 後。則以花巾斜紮頭上。逾一二載。其姑爲換戴白布面衣。

名曰雀洛汁。其製以白布一方。斜紉如袋。幪首至於頰。而露其目。上覆白布圈。後幪襜褕然。下垂肩背。(長二尺餘)見者知爲婦裝也。皮靴謂之玉底克。皮襪謂之黑斯。皮鞋謂之克必斯。皆以牛革爲之。婦女較窄小。踵底之木。高二三寸。連靴鐵釘。踏地錚然作響。斯爲美耳。其入室也。脫之門外。室中人數。視履而知。婦女出門必乘騎。以花巾爲幪。此古禮之塵存者。富女髮辮。金寶繽紛。面不施脂粉。喜著臂釧。(左右各具一式不必成雙)女子耳貫珠環。婦人有面衣。去之不復著。多以寶石珍珠。嵌爲約指。(有一指四五枚者)其頸人。以銀製約指。鐫回文名字其上。書立約券。多以此撫之爲證。其俗向無冠禮。嬰兒四五歲。父母擇日。徧告戚友。延莫洛大誦經。行割禮。諸戚友相率餽物致賀。富家大族。則殺羊馬饗賓客。爲賽馬鬪跋之樂。婚姻喪葬。僉以此爲盛舉。過此無恙。始得論婚。學騎馬。教之控縱坐踏諸法。故其部以善騎著名。縱馬疾馳。率能起立馬背。作盤旋舞。竦身拾物於地。其佗捷如此。少不薙鬚。惟常

剪唇髭。便湯飲。十日一薙髮。三日一削爪。同於洋俗。兒童小帽。謂之克擺什。以五色絨絲組織之。上繫訓狐毛。名曰玉庫爾。避邪祟也。年十三四。則以金絲緞及雜色綢布。製爲小帽。四時均加皮幪高帽。謂之突馬克。(其上或用猓獬貂狐之毛。或用羊皮。概視家之貧富爲之)其式六方。頂高三四寸。後幪長尺許。皆皮裏也。戴時。露口眼於外。冬日以禦霜雪。夏亦帽。無露頂者。大小頭人。進謁官長。皆呢邊紅纓大冠。間置翎頂其上。以示尊異。其婚嫁之禮。惟同乳不相妃。妃者不問門戶年歲。視聘資多寡。富人往往致馬千疋。牛千足。駝百峯。銀二三千兩。媒約入女家。議定財聘。偕其父若母。或其昆弟。爲踏水之禮。(媒人議定銀畜之數。女家許諾。卽偕主婚之家長。至河干。躍水而過。有因此跌折肢體而不恤者。其俗謂之踏水。蓋一經踏水。卽無悔心也)過此。則女家時時往索銀畜。交價逾半。其婿得朝夕入女家。同寢餐。爲夫婦。(交納財禮之數。如已過半。其婿卽入女家。拜覲外舅。外姑。留食留宿。夜間由嫂氏攜

女送婿臥處家人僞爲不知者一宿之後其婿隨時往來儼成夫婦不復顧忌矣。惟交不盈數則終身不得迎娶。（女如有身設法隨之）親迎之日媒攜新婿納采帛次第進見女父母伯叔兄弟握手鞠躬爲禮。（婿家男婦聯騎同行猶漢俗之伴郎肉食而後返）其見外姑則別以良馬奉之。酬乳哺之恩也。女子將出門辭父母握手接脣一人（至親之喪）抱持上馬紅巾幘面首並騎以行至門扶入氈房莫洛大（回人主誦經者）高捧潔水一盂口喃喃誦經飲新郎新婦並普飲同座者夜則諸男婦雜沓調笑吹彈唱歌跳舞爲歡樂盡興乃各散去。次日嫂氏爲改婦裝梳合十數小辮爲兩大辮稍結紅繩長垂齊足跣以彩巾帕首拖背後服黑色袷衫繫紅裙嫂氏扶見姑新婦握生牛油擲爐中光焰滿室以爲吉祥鞠躬就座姑置木盤堆積肉食嫂氏操刀代割奉姑復徧進座客環匝而食之敬聽姑訓辭俾躬親灑掃諸事（姑率新婦周歷家中先使灑掃火爐爲婦職之始）此後入姑室揭氈簾

問安。入門依左邊問安。至火爐側問安。出門則以紅巾幕面而去。其俗以翁媳不相見爲禮。遇則背立帕掩其面。貧者亦三二年後始得相見。男子娶婦不許過四人。嫡妻執家政。諸妾同操作而已。夫妻反目願離異者則延頭人戚鄰論是非曲直。其夫指應出條事賠嫁資遣之去。其妻請離異者則一切什物概不得持取。衆反復論之不聽。仍立離書。摹手足頭人用戳印爲據。謂之羊土耳其。兒若女均歸諸其夫。婦不復問也。夫死婦不得嫁異族。其夫之兄弟娶之。不願再醮者亦弗之強也。其俗親死不居喪不奠祭。惟舉哀而已。死則速葬不宿。人病延莫洛大誦依滿經耳側。（經言死後復生善地之意）既歿取淨水洗尸以阿和乃哆（卽細白布）密綴而繫之。奠板上。幘以常服之衣。莫洛大率其家人往拱不耳（猶漢人之義地）掘地爲長方穴。昇尸置其中。頭北而足南。面西向。（亦有旁開一穴安放尸身。墓門閉以木板者。西向者朝汗之意也）塋門壘土爲墓。會葬者誦經而後返。其禮未葬衆不得飲食。

至是始大嚼。莫洛大擻死者衣物以去。既葬。四十日以內。皆誦經。莫洛大多者。至二三十人。少亦三四人。竣事。各酬五歲馬一匹。亦有報以銀者。富者初周之年。設宴會親友。（多殺馬駝敬客）至者賻貨財。贈牛馬羊駱駝。量力大小。自挈氈幕。聯結幕左右。爲馳馬鬪捷之戲。是日也。童子年不盈十五者。跨馬至會所報名。以次編第。萃集數十里外。整鞍按轡而立。聞角聲起。跣踏飛馳。疾如驚矢。先至者居第一。以次至四十騎而止。第一酬銀畜值千金。其下獎各有差。遠近慕嗟。以爲矜寵。（近歲千戶長唐古忒爲其亡父千戶長音薩周年中俄親屬如期而至者四千餘人。氈房三百餘頂。稟請中俄官長到會彈壓。其供上人皆馬駝上品之肉。一房給羊一隻。以食僕人。是日賽馬者三百五十餘騎。第一騎酬元寶銀十枚。駱駝五隻。以次皆有旌賞。是會也。費二萬餘金。）其俗。夫死。婦皆毀容。戚友弔唁者。對之痛哭。以抓面流血爲戚。否則鄙笑之。以爲無情。婦之於夫。子女之於父母。喪服無定制。類持服四十日。不出

門。不宴樂。無墓祭。然時延莫洛大誦經。以薦亡人。蓋亦追遠之意也。其族樸誠簡易。待賓客有加禮。戚友遠別相會。必抱持交首大哭。情輩握手摟腰。尊長見幼輩。則以吻接唇。嚙喋有聲。既坐。藉新布客前。設茶食醪酪。貴客至。則繫羊馬戶外。請客覘之。始屠以饗客。殺牲先誦經。（馬以菊花青白線臉者爲上。羊以黃首白身者爲上。）血淨始烹食。然非其種人宰割。亦不食也。每食。淨水盥手。頭必冠。儻事急遺忘。則以草一莖插頭上。方敢就食。否則謂爲不敬。食掇以手。謂之抓飯。其飯米肉相淪。雜以葡萄杏乾諸物。納之盆盂。列布毯上。主客席地圍坐相酬酢。割肉以刀。不用箸。禁煙酒。忌食豕肉。呼豕爲喬什罕。見卽避之。性嗜嗜茶。以其能消化肉食也。客至門。無識與不識。皆留宿食。所食之肉。如非新割者。必告之。否則客訴於頭人。謂某寡情。失主客禮。以宿肉病我。立傳其人。責而罰之。故賓客之間。毋敢不敬也。其教祖穆罕默德。不祀天神人鬼。以敬上帝爲宗。富者彙金走謁穆罕默德墓。謂之朝汗。歸牧後。去



帛服布衣。名曰阿吉。以白布重疊。匝纏其首。名曰賽里。特尊異之。謂自汗所來也。遊牧野人爭訟者。皆就折之。無不唯命。晨起。男婦趨水濱。浣手滌面。浴下體。一日五誦經。遊牧無寺院。面西方禮拜。行路者屆時覓水盥沐。無水則撮淨土代之。禮拜誦經。無日敢怠忽。紀年無甲子。數之以十二象。月不置閏。以三百六十日爲一歲。有長齋期。一月始畢。期內早晚均不飲不食。必日落星燦始敢受餐。禁食之末日。開齋過年。謂之小年。越七十日。始過大年。男女老少。著新衣美服相往來。依麻目率衆西向。誦經禱祝。（公舉莫洛大熟經典者爲之）禮畢。握手相慶。三日之內。唱歌跳舞。相與爲刁羊之戲。刁羊者。剽羊擲於地。羣年少子弟。飛騎拾之。擲諸馬上。彼此馳逐相攘奪。支解血肉。赫然霍落。衆人隨之。以擢一樹。致親友爲吉祥喜事。受者亦必厚報之。其族素不講宗法。無譜牒可稽。父業子受。無子者。繼親族兄弟之子爲後。父死。則均其財產。子與女共分之。其俗與纏人大略相同。自祖以上。無稱述之者。回人之言曰。

厥初一人。生二男子。一子強狠好盜竊。不事耕作。其父逐之。是爲哈族之祖。一子巽懦畏事。是爲纏族之祖。其說乃好事者爲之。不足深信。惟其種人椎剽雕悍。騎怒馬。若踞平地。殺人劫貨。輕死作姦。習慣自然。有若天性。韓子所謂好則人怒則獸者。此其類也。中俄畫疆而後。兩國之民。非其朋黨。則其親戚。彼此相依爲奸藪。控馭失術。則鋌而走險。適足爲敵國叢毆利耳。夫避苦就樂。適安土。人之情也。官斯土者。視爲非種。其去留不甚愛惜。日魚肉而刀俎之。其人涕泣。相率自救死。竄藏內地山谷。就水草偷活。大府怒然迫於禁令。毆哈之檄。交於四邑。文武官吏。冒風雪。犯炎暑。奔走於荒崖大嶺之中。近且十年。財費至鉅萬。而逃者來者。歲歲如故。且加衆焉。譬之於水。源之不清。而冀其流之不濁。未見其能有一當也。

甘回者。（漢裝回多從河湟遷徙者。故別之曰甘回）突厥種人也。鼻高而眼微陷。男剔首。女纏足。居食衣服。皆從華製。惟寺中禮拜。戴六稜冠。上銳下圓。五色皆備。而白者

爲多。以羊鹿皮及布褐爲之。（有六縫十二縫至二十八縫四十縫五十二縫不等蓋卽古皮弁之制）市井貿易之徒。率戴白帽。男子年十二。女子八歲。謂之出幼。屆期。延師誦經。以謝造我之主。生我之親。教之禮拜諸式。責以成人之禮。婚姻皆家長主之。行媒締之。問名納聘。以茗一絨銀一器爲禮。男女主婚者握手。以天經爲證。納徵豐儉。視家有無。親迎之日。婿乘馬至女家。外舅迎入。（無外舅者家主迎之）拜於堂。命之坐。父母誠女於室。女拜辭。以幪巾。幕首登車。婿出門而先。女從之。抵家。下車入室。姑去巾命坐。主人禮賓於堂。饗送者。夫婦成禮。媒氏舉案婦前。婿入合饌。饌畢請盥。（男先婦後以婦盥之餘水傾少許於室之四隅）延老婦董子婦。（夫婦並坐幃中老婦之通經典者教之夫婦之道）與婦除飾下幃出。翌日。婦出見舅姑。子拜告父母伯叔。乘馬往見外舅外姑。三拜而返。三日。婦入廚操割。彌月而後歸甯。妻無故不得出。出則必告官吏。或聲於寺之主教者。防反復也。喪葬不棺。不立主。不

獻不祝。病者垂死。遺言書於方。既屬纊。首北足南。面西鄉。（亦有首東足西者）誦經。（卽清真語也）更衣。（具以新衣無則易浣濯之衣至浴時始脫之）遷尸於牀。覆以衾。（衾以白布爲之長六尺闊四尺）鷄鳴。設浴牀。（設浴牀於尸牀之側浴者二三人男浴男女浴女）浴者盥手徹衾。去死衣。遷尸於浴池。以布幅覆下體。焚香傳鑪。（天方典禮云池之左右各立一人足下立一人執鑪焚香周迴互遞由右而左三遍）執瓶沃水以浴。拒用二巾。不梳髮。不齊髭。不剪爪。婦人梳髮。析二辮。以繩束其末。覆衾襲斂。設襲牀。（設於浴牀之側卽用尸牀）藉席奠枕。斂者盥手。鋪大斂。用布三幅。長等身。上下贏七寸。廣四尺五寸。鋪小斂。（加於大斂之上）布長與身齊。（廣如大斂）施香屑。鋪襯衣。（鋪於香上揭其前幅置北首）長自肩達於踝。（一幅開縫在肩）移尸於上。掩襯衣。（由首後掩於前）塗冰片。（塗額鼻手足及膝）加冠巾。（巾尾垂面反乎生時）乃斂。（先小斂後大斂俱先向右

掩後向左斂。婦人著喪衣。髮辮分垂其上。（胸前）施裹胸布一幅。長三尺。析其兩端之緯。深四寸。橫而結之。絡頭用細白布一幅。長三尺。裂布爲帶。繙束以葬。葬不出三日。穿穴奠尸。閉隧封墓。孝子遵遺屬。次第舉行。朝夕省墓。亦有廬墓側百日者。三年不宴客。不戲游。不嫁娶。冠服皆素。遵王制也。父母生歿之日。誦經封羊以祭。取膏煎麥糲爲飢飴。分遺戚鄰。謂之油餉。貧者不之強也。其教專祀穆罕默德。聖誕聖忌皆祭之。紀年十有二月。不置閏。（天方典禮云。天方以日行一周天計三百六十五日。又四分晝夜之一爲一歲。以月行十有二月計三百五十四日。又三分晝夜之一爲一年。歲以步天時年以紀人事。凡屬典禮皆以十二月一周計之。每十二月中齋戒一月。）一日五時禮拜。七日一小會。謂之主穆耳。月齋鷄鳴而食。星燦而開。（天方典禮云。月朔昏時視月見光則明日齋。若有雲氣蒙蔽月不得見則儘足前月三十日於第三十一日齋）謂之勒默暗齋期。有故破齋一日者。補一日。無故破

一日者。罰二月。否則食貧六十人。人麥二觔。彌月齋事畢。大會。越七十日。又大會。會之日。無貧富貴賤長幼。皆澡身。盛衣冠入寺。序跪聽讀頌。各施數十錢於寺。謂之費的爾。譯言佈施也。回民相慶弔。無叩首禮。示不敢當教祖也。入學堂者。飲食教誨。不取學資。皆禮拜諸寺給之。其字二十八母。橫行直書。讀者自右之左。用阿拉伯音。（纏回所用之字爲法蘭西音）與纏回異。寺中司誦讀者曰掌教。司事者曰社長。教授經典者曰阿渾。號召大眾者曰滿爾金。誦經者曰海提卜。其教重愛羣合衆。有不能自存活者。相與助資財。謀生聚。遇餬口遠人。資而遣之。死亡未有不收殮者。食肉禁犬豕。戒煙酒。封牲必延師誦經。不信堪輿巫覡。不演劇。不置木偶。污濁之水。不以沐浴。解疑伸屈。捧經決之。凡營造遷徙。以禮拜四日爲吉。三日爲凶。此其大較也。新疆之回。安土樂業。家多小康。自河湟諸族。竄居南北兩疆。立道堂。逞邪說。分門植黨。肆其蠱煽。以謀作不軌。雖狗鼠么醜。自取膏斧鉞。而梟隸之子。呼召朋類。包藏禍心。

嘉峪關東西道上。歲往來如織。肘腋之患。蓋未有艾也。往者。嘗觀天方性理禮法諸書。其教孟與正。民常皆諄諄於教。孝教忠之事。而淫殺賊亂。尤爲彼聖之所必誅。其視儒者之道。無或歧也。流傳至於今日。抱經之士。既束焉而不觀。奉齋之徒。更懵然而莫解。於是穆罕默德之大經大法。盡失其傳。而區區飲食之微。嚴爲畛界。甚至以彘肉觸其忌者。輒視爲不共天不同國之仇。報復相尋。慘無人理。至使世之惡其族者。並斥其教爲洪水猛獸之不若焉。穆氏有知。當亦目擊之而价然心痛者矣。

蒙民恫而恐。纏民巽而惰。布民質而鄙。哈民竭而賊。回民狡而殘。以無信爲辱。以無禮爲恥。敬老親上。不侮於寡。蒙民有焉。然篤守宗教。迷信不變。寡知識。無長慮。蠕蠕以活。蠢蠢以死。此其弊也。畏罪循法度。不報無道。柔而易制。纏民有焉。然其性選爽舒懦。怯於衆鬪。緩急不可恃。又嫻惰偷生。無積聚。淫蕩近於禽犢。此其弊也。恭順事上。樸厚。重信諾。耐勞苦。恥爲盜竊。布民有焉。然好爭重利。輕剽躁急。

獷若生獠。反復喜變亂。此其弊也。善騎好勇。衽金革。不避險阻。不恤死生。哈民有焉。然其人羯犛不馴。好椎剽劫掠。慣殺人作姦。以此相矜詡。此其弊也。薄飲食。忍欲。勞力耕作。廢居遠行賈。善居積財貨。恥游手仰食於人。甘回有焉。然貪詐雕悍。喜亂惡安。梟黠之徒。各執一教。雄長讎殺。殃及異族。誅之而不懼。勸之而不德。深閉固絕。自爲風氣。此其弊也。夫纏布哈。皆回教也。然其所信者。僅一阿渾誦經。誑給財物而已。於人無惡也。甘回則教主植門戶。爭權勢。分爲新舊。裂爲四五。睚眦忿爭。勇於持刺。犯上作亂。習爲故常。漢回相讎殺。戾若水火冰炭。睚眦怒睨。如防大敵。十餘年以來。河湟之族。歲來關者。劣五六千人。盜竊之風。徧有四境。白索之亂。滿蒙之民。遭屠戮焚擄者。不可數計。子遺零落。孱焉衰憊。幾不克自存。爲今之策。惟有誅廢教主。而罷其權。仿古比閭族黨之制。專設阿渾主經典。掌其禮俗。而後多立學堂。漸之以仁義。化之以詩書。潛運默移。而其種族。則亦庶幾乎其有濟也。

零星綴緝之統計

馮承鈞

巴輯於

余性篤好統計及比較。亮與余同嗜好者。必不乏其人。特擇錄數十種。刊諸雜誌。未始非參考之一助也。

(一)倫敦警察報告

英國警察。組織最完全。為世界各國所不及。故英人之對待警察。不似他國人之惡視也。讀此統計。可見其組織之完善。

一千九百零八年統計

刑事案件	二一·九一〇起
刑事捕拿	一六·五六八次
驚犯他人產業案	一九·〇七九起
偷竊物件之價值	一九三·六〇一鎊
償給失主之金	三六·五三八鎊
失人之數	二六·九六五人
失人尋得之數	二六·九六五人
由警察尋得	一〇·三七四人

由家族尋得或自歸

一六·一五〇人

自盡未成

七〇八起

自盡已成

七六八起

門窗未閉

二七·二五〇次

失犬

四一·一一四隻

顛馬

二〇五匹

偷盜流氓等受捕者

一〇九·七八七人

(較上年多一〇三人)

殺人案件

一九起

(較上年多七起)捕拿凶手十人內四人處以死刑四

人閉於瘋院一人自盡一人死於裁判間 捕拿之前

自盡者五人 未發見之凶案四起

街巷不虞之災死者

三二六人

(較上年多四三人)

傷者

一六·六七四人

失物送置警署者

六〇·四〇七件

(二)氣舟及氣車(譯義國波介士王Scipio Borghese

呈於議會之表)

上古交通。惟需人力。文明日進。助以馬牛。代以舟車。及汽電發明。路程因之日短。然鐵路汽船。猶不離乎水與陸也。氣球發明。空中旋行之議遂起。然氣球雖能升降。惟順風之所之。不能駕駛自由。於是有氣舟發明。氣舟較氣球長。可駕駛自由。各國軍隊。用之者日多一日。氣舟雖能駕駛自由。然價值甚貴。收放甚難。於是近年有發明氣車者。氣車輕而價廉。近有以氣車渡海者。然其發明尙未完全。不適於軍用。今將各國氣車氣舟之調查。列表於下。(此表為義國波介士郡王呈於議會之表)

國	氣舟	氣車	豫造之氣舟
法	九	二七	一五
美	七	一七	一一
德	一〇	六	一五
英	三	六	五

附錄第二 雜纂

比 一 五 三

義 三 二 五

奧 〇 五 三

日本 一 三 三

俄 二 一 四

瑞士 〇 二 二

西班牙 〇 二 二

近聞我國留美馮君。造有氣車一乘。欲獻之於政府云。

(三)律定婚年

各國律定婚年。或因宗教而異。或因習慣而異。或因風土而異。今將各國婚年列下。

法比男子十八歲。女子十五歲。方許婚嫁。

德英男子限年十八歲。女子未定婚年。

匈加利信舊景教者。男女限年十四及十二歲。信新景教

者。限年十八及十五歲。

俄國及沙克生王國。男女限年十八及十六歲。

希臘、瑞士、西班牙、葡萄牙。男女限年十四及十二歲。奧國男女婚嫁，至少須有十八歲。

(四) 巴黎交通之進步(譯巴黎朝報)

巴黎地底交通。雖不及倫敦之便。然其地面交通。為倫敦所不及。試觀其八年進步。實有令人可驚者。

一九零一年。巴黎及其附近。有用馬力之車五萬一千四百六十八乘。

一九零九年。有六萬一千四百九十九乘。每百分加五分。

一九零一年。巴黎及其附近。有用機力之車五千五百九十九乘。

一九零九年。有一萬五千八百二十二乘。每百分加二分。

分列種類如下

年分	公履馬車	公履機車	私車	商車	公用馬車
一九〇二	一〇·四五	〇	三·八五	三·二二	七·〇
一九〇九	八·〇五	三·四六	八·二〇	四·九五	五·九六

上等馬車 上等機車 無軌公用機車 有軌公用機車

一九〇二 四·三三 一·二七 〇〇〇 一·二五

一九〇九 四·五七 一·六七 一·三三 一·五八

(五) 美國新聞記者之辛金(譯紐約日報 New York Journal)

美國報館訪事。年俸五千美元。編輯員著名者。年俸五萬元。至六萬元。悲事評論家。年俸至少二萬四千元。戰時訪事員。日俸百元。世界各國新聞記者。辛金無及此者。

(六) 法國官吏之多

世界各國官吏平均。無及法國之多者。法國每四十人。有官吏一人。千八百六十九年。法國有官吏二十二萬五千人。千九百零九年。有九十一萬三千一百九十二人。四十年間。幾四倍之。

千八百七十五年。官俸一千五百三十一萬華元。千八百九十年。需二千四百五十萬元。千九百年。需三千萬元。千九百零九年。需四千二百五十萬元。中國官吏之舞弊。非

其過也。由其辛俸之不豐耳。法國官吏之驕傲自尊。亦非其過也。由其辛俸之過多耳。欲改良吏治者。不可不引以為鑑。

(七)倫敦地產之分配

英國地方部 Local Government Committee of L.

〇〇報告云。倫敦面積一百十五方英里。有產業家三萬四千六百人。內有二十方里為英皇教會京會等產業。四十方里為一百八十七人產業。餘為小產業家所有地。觀此。可以推及全國。其土地之不公平。為英國民政之缺點。故自由黨欲重稅之也。

(八)英國窮民之多

英國本部無業流民。有九十萬。為此種窮民所設之教師教授賑官等員。有萬七千人。每年賑款一千四百萬鎊。倫敦一城無業流民。有十四萬八千人。賑金達三百七十萬鎊。與我國窮民比較。其處境之不同。判若天淵。

(九)各國人貯金之比較

德國度支部。近刊布一表。比較各國人貯金之多少。其調查多取材於統計報。Statistische Korrespondenz 譯列於左。

平均每人存貯之款(本位一馬克)

和蘭 二三八·五四

馬克非力西

比 二六九·八四

法 三〇六·八八

英 三五二·五五

義 三七三·三八

瑞典 三九五·二九

俄 四六五·八一

那威 五四八·九一

丹麥 六九四·〇八

奧 七六一·六四

普 七九二·〇八

匈 九七七·四七



美

一·八二一·九三

(十) 法國刑案之增

一九零一年。法國有刑事重案九百九十五起。一九零五年。有一千三百十三起。一九零七年。有一千四百三十四起。

處以死刑之裁判。一九零六年。有二十九起。一九零七年。有四十一起。一九零八年。有五十三起。

(十一) 自盡之原因

義國新亡之大刑法學家龍波索氏。Cesare Lombroso

考察歐人自盡之原因。多由於愛情。一八七五年一八七七年一八七八年三年中。義國男子自盡者。有二千五百六十八人。女子五百六十七人。中為愛情自盡者。女子占百分之七十至七十五分。男子占二十至四十分。法國每年自盡者。有男子一萬七千人。女子六千人。為愛情自盡者。女子占百分之二十八分。男子占百分之七分。



## 附錄第三 雜俎

續報餘擷新

問 天

### 可憐韓國之教育

東京圖書月報第七卷第十一號。載日本於韓國教科書中。凡有左列思想者。悉嚴禁之。(一)痛論韓國現時情形者。(二)用激烈文字。論獨立自主。切言挽回國權者。(三)引外國事例。警告韓國之將來者。(四)設寓言諷刺。依賴他國之不可者。(五)誇張與日本及其他外國有關係之史談。而鼓吹敵愾心者。(六)以悲憤之文字。敘最近之國史。阻礙日韓國交者。(七)維持韓國固有之言論風俗習慣。論仿效外國之非。並提倡排外思想者。(八)載國家論。義務論。作不當之言語者。(九)用大言壯語。鼓吹謬誤之愛國心者。

韓國教育制度。目下尙未脫離幼稚性質。其學校中可稱爲高等者。除京城及平壤有兩所外。京城別有師範學堂

一所。高等女學堂一所。至於小學堂一項。京城則有官立者八所。師範學校附屬者一所。此外釜山仁川則有公立小學及實業學堂各一所。合全國各道計之。公立之學堂。不過五十所。私立之數。則不下三千。大率係韓人及外國教士所創。其所用教科書。大都未得善本。而教士間有昌言政治。鼓吹獨立。及排日思想者。學務省憂之。遂商諸各國領事及主教。設立管理私立學校章程。以示限制。領事及主教亦無反抗之言。惟韓人中則多有因此大形憤怒者。以爲韓人入教會學堂者。特欲其保護耳。今既爲新章所限制。不如舍此他去。教士等率置之不理。於是又相安無事矣。

### 英國體育

英人極尙運動。自王公紳士。以迄學生及勞動者。皆喜爲之。雖國會議員。亦有運動總會。凡親之於子。師之於弟。莫不自幼時以種種遊戲教之。各學堂中無不設操場者。延聘教員。必先詢其能否運動。近日日報星期報月報。關於

運動遊戲之事。必詳爲記載。提倡鼓勵。不遺餘力。且專論體育之報紙雜誌。亦復日漸增多。若售賣運動器械之店。則無處無之。以故國民大率身軀強壯。天喪絕少云。

### 禁止足球

美國華真尼及佐治唐兩大學學生。近日屢與他校競賽足球。受傷致死者。爲數甚多。自十月十五號以來。死者已有十四人之多。故該兩校業已禁止學生。此後不得再作此種運動云。

### 德國留學界

德國各大學。近年以來。因入學試驗甚嚴。故外國學生。考取肄業者。爲數無幾。舊歲所有外國留學專科之學生。僅共二千五百九十四人。今歲因兼准外國女生入學。故全數驟達三千九百二十一人。中有俄人一千五百七十八名。奧大利匈牙利人九百七十四名。瑞士人三百零六名。英吉利人百五十五名。布爾加利人一百五十四名。羅曼尼安人一百零二名。西維亞人六十八名。法人六十名。美

利堅人二百九十八人。亞洲各國一百七十五名。澳大利亞洲四名。此種學生。以研究醫學者最居多數。計得一千一百八十一名。而尤以肄業柏林及獵適兩大學爲最衆云。

### 瑞典教育特色

瑞典國之教育。年來大有進步。除普通小學外。另有所謂周游學堂者。係因人口稀少地方。不能組織學堂。而年幼生徒。又不便遠出就學。故由政府派委教員。周游各處教之。計政府每年開銷之教育經費。約一千四百萬元。凡充當教員者。至六十五歲以上。每年可得數百金之養老費。

### 軍人教育

瑞典瑞威兩國之軍人教育。甚爲完備。讀書識字者類居多數。至俄國兵隊中。曾受教育者。每百人中僅得三十人左右。

### 美國教育近況

據美國教育局最近之報告。自千九百零七至零八年中。

全國各種學堂學生。計一千九百萬。其在長短兩期之公立小學堂者。約占人口總數百分之二十。此比例三十年來。未嘗稍變。學生一年中到堂平均日數。則由百三十日。增至百五十日。每日到堂學生之數。平均得百分之六十二。以至七十。

### 美國教育

美國女子充當男女各小學教員者。為數極多。較諸男教員之數。約多數倍。茲據確實調查。全國男教員共一零九一七零人。女教員共三五六八八四人。其東北部地方。男一六五九九人。女一零零零五五人。東南地方。男一七三九六人。女三六五零五人。中央南部男二七零零八人。女四一六一二人。中央北部男四二零一六人。女一五三三零三人。西部男六一六零人。女二五四零九人。

### 世界最高之學術研究所

前年九月。伊大利之亞魯波斯山脈中羅灑山近傍哥魯多里之地。建築一有名之哥魯多里學術研究所。其高去

海面九千八百四十尺。此研究所係秋納大學之教授孟斯里氏所計畫。研究所內。分植物學、徽菌學、動物學、生理學、地質學、氣象學等各室。凡三層之大建築。足容百人寄宿。

### 小學圖書館之辦法

美國尼伯拉斯加邦。近訂新例。令各小學校每年為各學生納銀一角。以為組織小學生圖書館之用云。

### 文明棍騙

日前瑞士地理學會開研究會於京城。有華服少年蒞會。自稱係非部亞比西尼亞人。曾在其處充當高等職業。於該國風土地理人物。甚為熟識云。該會會員因請其演說。少年口才甚給。滔滔不絕。歷三日之久。聽者極為動容。詎意該少年實係瑞士人。不過於亞比西尼亞之地理志涉獵頗多。故竟冒名來會演說。藉以欺騙會員。現經查確底細。各報紙咸以假冒探極之科克第二擬之。

### 將有大地圖出現

萬國格致會。今年大集會於倫敦。美國地理學會測量員。沿會歸來。語人曰。倫敦地學家。擬製一大地圖。長一百五十尺。闊一百尺。此圖將在倫敦製造。務令精細詳明。極格致之能事。

### 世界語之發達

法京巴黎。近來世界新語。極爲通行。各處皆設有義務夜班。招生學習。不收學費。大概此種夜班。約以數百計。至其處之世界語學會。已有會員數千人。此外各省之世界語團體。總共二百餘所。巴黎城中。尤以梭榜尼一隅。最能通用此語。幾有無人不曉之概。每星期五。必互相聚集。或談話。或演說。悉操世界語。以資習練。城中各大商店及客寓。亦必有熟諳此語之人。以司招待。而馬夫之能操是語者。輒於車上註明。俾不通法語之異國人。可與接洽。該處警察長。亦擬令巡警學習。以資便利云。

### 世界新語 *Esperanto* 第五次大會 紀聞

世界語萬國大會。每年逢陽曆九月舉行一次。藉以促斯語之進步。歷年以來。於英法德瑞士等國。各舉行一次。均極一時之盛。今年開第五次大會。舉行於西班牙之巴爾賽羅。到者三十餘國。人數與前次在德意志開會時頗相埒。惟因開會前數月。國民與政府大起衝突。兵燹初定。旅行者多所戒懼。裹足不前。故表面似較第四次稍遜。實則此次大有進步。蓋前次到會者。雖皆能操世界語。但尙未純熟。而此次到會各員之操斯語者。已較上次爲優勝。如操本國語者然。且此次西班牙王。深表同情。受會員之請。爲名譽會長。未開會前。囑外務大臣致書各國政府。請其與會。故各國皆派員前往。屆期西班牙王又致電祝賀。而巴爾賽羅之職官。均親自沿會演說。警察長各以世界語督率警察。整飭會場。此爲政界扶助世界語發達之第一次。惟據德國某報所載。此次到會者。雖有三十餘國之多。而猶不見一中國人云。

### 新聞之鼻祖

世界新聞紙發達之最古者。首推中國。唐玄宗開元年間。卽有新聞紙之名。其出版者有『開元雜報』。此後復有京報官報邸抄種種名目。皆遠在千餘年前云。

### 歐羅巴洲最古之新聞

歐羅巴中新聞最古者。以德國佛蘭克菲魯脫地方所出之佛蘭克菲魯德菊拉爾報爲第一。其創刊遠在千六百十五年云。

### 最古之新聞記者

據鳩爾賈南之著書所言。世界最古之新聞記者。爲羅馬之僧正。當羅馬政教合一時代。每日經過之大事事件。僧官俱一一貼之於政廳之壁。是爲新聞記者之嚆矢。

### 古代新聞紙之內容

羅馬古代新聞紙記載之內容。第一爲希臘羅馬神話。第二爲詩歌。第三爲描摹斯龐狄勒比亞半島土人之巖石彫刻。繪畫種種神怪鳥獸人物。如衣里亞多及俄尖捨等。俱爲一種定期刊行之新聞。其詩歌則詠唱希臘羅馬昔

時火馬鬼神之狀況。或某年某月祭禮時之美觀。某年某月收穫時之情形。某年某月選舉時之事實。一一著之於書發行之。是實爲當日新聞記事內容之材料也。

亨利威克氏新聞紙之進化論。謂考之往古新聞紙之濫觴。實因見地上印有人之足跡而起。當時見此足跡。遂研究此人從何處來。自何處去。不憚詳細考察。而一一報之於人也。

### 世界報紙談

世界報紙總數。有四萬七千種。德國六千。法國四千二百。英國二千五百。奧大利匈牙利二千二百。美國及加拿大一千七百七十六。意大利一千六百。西班牙一千一百五十。比利時八百。俄羅斯八百。日本五百。瑞士四百五十。和蘭三百。希臘一百。澳大利亞八百。亞細亞除日本外一千。其他各國合一千。

又一說曰。法國巴黎之報紙。共三千七百九十一處。其他各省。共五千一百八十九處。其在外之殖民地。共三百二

十六處。統共按期出版之報紙。九千三百零六處。其中之三千四百八十九處。係每日出版者。美國各地之報紙。共一萬四千九百十七處之多。又大半係日日出版者。其中有一最著名之報。每晝夜出版兩次云。

統計世界現有之新聞紙。而分配之於人口。約八萬二千人。閱一份新聞紙。

### 君主與日報

歐洲各國君主。皆喜閱日報。祇以報章之數極多。一一遍閱。實非所能。於是有選報之法。特委專員。將本國外國著名各報翻讀。擇其最切要者。用刀裁下。黏於硬紙上。逐日進呈御覽。其有精神活潑之君主。則除閱看此種選報外。兼擇讀數種最著名之報章。惟俄帝則又自行組織一報。由巡警總監擔任編輯。自創辦以來。已歷十有二年。惟每日僅出一分。專備御覽。外人均無從參閱。聞其內容。專載秘密偵探之報告。人民之設施。及輿論之趨向。每日既經御覽後。則由皇帝親手於報紙旁幅。批示辦法。發還該編

輯人嚴密收藏。及責令遵示辦理云。

### 日本獎勵報紙

泰晤士報云。東京擬鑄銀杯。以獎各報館。因日俄戰役。紀載有功故也。

又日本政府。以日俄之役。本國佛教各神道教各廟。均有功於國。未便沒其勳勞。特製金銀盃及綢緞等物。分賞各廟住持。

### 印度之報紙

印度人自辦獨立之報。有二百餘家。我中國人對之。甯不羞死。

### 新奇之報紙

外國人之謀報紙便利者。無所不至。西班牙嘗出一種報紙。係以麵粉作成。貧民與小兒看畢。即可食去。又有一種報紙。係以燐質作成者。夜間無燈。燐質自能發光。令看報者不至為難。美國近又新出一種無紙無字之報紙。尤為奇絕。其法係在購報者與報館之室。各安一電話機。每早

八時。購報者坐於電話房。即聞報館讀報聲琅琅然。約二十分鐘。報即讀盡。閱報本以目。而今又代之以耳。報紙之變幻。真無奇不有哉。

### 告白之價值

歐美商家。於告白一道。異常講究。雖破費幾何。絕不之惜。聞有美國某商。於某街之夾道所貼告白。總計之約得五萬餘方尺。設令一人閱之。必須八日始能閱畢。且聞其近日將告白郵寄他人。必附寄五分郵票一枚。謂閱此需時。聊爲酬報。

### 印刷局之紙

印刷局若用至三千餘人之職工。則每年印刷之紙。大略統計。不下二十四億七千三百三十餘萬枚。若以各紙連接爲一枚。橫延長之。無論其大小何如。當得九億八千二百十五萬九千四百餘尺。以里數換算之。共十八萬五千一百二十餘里。可環繞地球（二萬五千里）七次。再將各紙重高積之。亦無論其厚薄何如。當得九十三萬七千八

百二十餘尺。較日本富士山（二萬二千三百七十尺）高七十五倍。故地球各國今日印刷之紙。已不能計算其實數矣。

### 新字

日本近時有人特造新字。可以減省作字之時間。已在東京築地活版製造所鑄成銅模。擬頒行全國應用。視曩時添造之俾（人力車）辻（十字路）等字。尤爲精當簡捷。今錄其字如下。揃（午前）拵（午後）軼（汽車）輶（電車）噓（電話）嘖（電報）

中國昔時。惟魏太武帝創造新字千餘。（魏書太武帝紀。初造新字千餘。詔曰。在昔帝軒創造物。乃命蒼頡因鳥獸之跡以立文字。自茲以降。隨時改作。故隸篆草楷。並行于世。然經歷久遠。傳習多失其真。故令文體錯謬。會義不愜。非所以示軌則于來世也。孔子曰。名不正則事不成。此之謂矣。今制定文字世所用者。頒下遠近。永爲楷式。云云。）唐武后自制新字十九。如曐字。囿字之類。又册府元龜



載齊武帝小字龍兒。龍作龍。又南漢劉巖製龔字。取飛龍在天之義。又涵虛子製墜字。訓無。取法空爲無之義。外此無聞焉。

今世界文明日愈開。則事物亦愈益繁夥。不有新字以代之。則人之腦力有限。將不勝其勞。虛擲光陰。徒耗精力。可慨念也。昔人造字。字字皆具有深意。而簡括則尤可歷久行遠而不廢。不勞解釋而共知。其濟用惜時。有可寶貴者。今時碩學之彥。盡急起而直追乎。毋令日本獨專斯美於前也。

吾國說文中字。如(丶)爲主。(冫)爲冰。(丨)爲棍。(云)爲雲。(气)爲氣。(ナ)爲左。(又)爲右。(厶)爲私。(冫)爲冫。(卅)爲三十。(卅)爲四十。(百)爲二百。(回)爲窪。(众)爲衆。(无)爲無。(彡)爲陰陽之類。不勝枚舉。此吾國固有之簡捷字也。當擇定若干字。頒行全國。亦減省時間之一道。至近時蘇話小說中。如(勳)卽勿要之義。音卽勿要切。(勳)卽只要之義。音卽只要切。及(勳)之類。此方言中之

研合字。與日本新字之義略相似耳。

日本新字中。僅六字。然似此類者尙不少。如(航)爲汽船。(纜)爲電線。(熾)爲電燈之類。似皆可增入也。

### 西人之於字紙

我國向重文字。至以爲有神呵護。不特聖經賢傳。不敢殘褻。卽淫書邪說。一篇半頁。亦敬惜無遺。且有沿街收拾。或設社搜羅焚化。以爲功德無量者。至如餅餌之印。鞋襪之印。熱心此道者。至欲以他項印記易之。論者每謂各國無此現象。世界開明。中西文字紙。可任便拋棄。其實不然。各國地方。亦多留意殘紙一事。惟用意不同而已。法京巴黎。凡通衢大道。兩旁樹陰。多設小鐵箱。箱面貼有告白。請來往行人。如有殘棄字紙。檢投入內。英京倫敦。同一辦法。有人見其一字紙箱中。空無別物。惟樹葉一塊。清水數滴。可見國人並不投紙於此。惟巡警遇有拋棄殘紙於路上者。則問明其名姓。錄記事部內。惟此等事亦不多見。美國巡警。奉法最嚴。如見有人棄紙於路。立即向前干涉。置之於

公共堆積棄紙之處。無論犯者爲何等人物。巡警待之。若梗頑不率之兒童焉。記此事者爲法國報紙之撰述員。謂須研究善法。以免殘紙之污損地方。（西國之不許亂拋字紙不過慮污損地方而已）我國向有還魂紙之製。化無用爲有用。最可推行也。

### 大理石之書籍

羅馬斯導勞幾宮殿內所藏大理石製成之書籍。其頁極薄。不知如何造成。

### 英國之佛

英倫於一九零七年十一月三號。由宗信佛教者。組織一佛教公會。內有英倫及愛爾蘭會員數人。舉董事五人。研究佛學。並刊行月報焉。





## 附錄第四 行紀

### 三十日旅行記續前

二十八日晴。早起閱津京報數種。略記昨日事。下午一時。赴河北新公園。先晤馬君。導遊教育品製造所工場。所造物甚多可觀。入教育品參觀室。多日本製成品。入門時。應人納票資一銅元。繼往陳列所。入門應各納票資兩銅元。樓上仍日本貨爲主。樓下有各省出品及直隸本省出品。中分寄售非售二種。大約以教育品及日用品所需之物爲多。惟比較價值。率嫌昂貴。不能暢銷。此其大原因也。後布優待室三間。爲待客飲茶休憩之所。陳設較華麗。坑上有牙圓一枚。云係海關道署寄陳者。徑約二寸。刻有山水一幅。桃花源記全篇。字跡細於蠅腳。遠甚。幾不能別其點畫。管理者出顯微鏡視之。始了了可辨。行楷頗端正。中間共脫二字。光緒癸卯于某所作。誠不媿爲美術品。惜傳者不多。復在園內空曠處散步。

### 附錄第四 行紀

一回。偕馬君返佛照樓少坐。馬君招往三不管之聚樂園晚膳。三不管者。地名也。庚子後。各國劃畫租界。惟此地各國皆未畫入。不之管轄。中國亦置之不問。於是其地遂無人管矣。土人名之曰三不管。迨其名喧著。地方官始將其地歸入中國地界。而其名曰南平安街。然往來者仍呼之爲三不管。噫。可慨已。

二十九日晴。早起。閱京津報數種。往青島船尙無信息。光陰虛擲。殊覺可惜。金君伯平來談。金君意各省諮議局宜建議者。莫如官制幣制二端。余謂其言甚是。惟此二端由各省諮議局建議。必無實效。卽於未來之資政院。亦無希望。莫如速開國會。各事始有所措手。政府之紛紛。則莫如組織責任內閣。誰爲總理大臣。猶第二問題也。論及審判廳。金君意祇求行政司法實能分立。不必蹴冀制度之完備。並可僅設地方審判廳。不必遍設下級裁判所。庶財力人力兩不竭蹶。前說余亟贊同。直隸之陪審官。往往爲候補官。一差使。大可節去。後說則

須視地方情形定之。論及地方自治。金君意宜擴張區域。併三四縣曰府。爲官治區域。而以原有之縣區域爲自治區域。此則須俟警察辦齊。司法獨立。而後可幾。若夫自治區域宜廣與否。尙須察地方情形研究之也。下午。往青蓮閣茗候馬君仰宇。適渠有事未晤。獨往龍園洗澡。晚。金君招飲於義陞園。坐中有李伯芝（士煒）徐芝生（靖湖人）相與娓娓論家鄉事。言及銅元以減折爲第一辦法。極與余見相同。恐他日必出於此。浙江其先例也。直隸鄉間亦作八折。河南等處。則他省銅元概八折。本省所鑄較少。尙可作十文行使。座間談幣制事。俱主七錢二分。有謂宜將用銀計兩之說廢去者。余謂現龍圓一元五角作庫平一兩。已經浙江清理財政官呈經度支部允准。則他省自可仿行。俟元半當兩之法通行後。計兩者率言元半。不復云兩。乃可廢去重量之說。而與使用貨幣之法相合。否則習慣難遽變也。

三十日晴。早閱津報數種。京報云已售罄矣。上午。略記昨

日事。徐君有電話來。約晚六時仍在日租界義陞園聚談。下午。由電話約馬君茗話。並同往宮北大街。購泥人形數枚。製作甚粗。大者每具四角。小者每三具二角。前在陳列所所見者。非常精美。價亦較昂。小者每具一元。大者每具二元。聞有捏像。捏者藏泥桌下。注視被捏者而捏之。相肖不爽毫釐云。順道往獅子林官報局。往訪同鄉吳君竹林。未值。即往督署訪徐君芝生。金君先在。暢談家鄉籌辦地方自治情形。并述去年籌辦諮議局情形。上燈時。偕徐君同赴義陞園。徐君贈財政條議等三種。皆劉慈石京卿著作。金君又贈直隸自治局文八種。回寓。知往青島船已到。船名大臣。定初二早開。

十月初一日晴。早閱津報數種。棧役交來船票一紙。計由津往青島。官艙一位。需洋十三元。後知實只十二元。其價較往上海爲昂。下午。在寓休息。臥閱小說二三種。甚悠然也。晚膳後上船。船泊德租界。去棧甚遠。大臣船身尙大。官艙在船身之後部。惟甚逼窄。每室四榻。同室者

先有陶裘兩君。暨余凡三人。兩君皆在天津譯學館肄業。近因譯學館解散。特往青島投考德國新設之高等學堂。詢其解散之原因。據云學部爲譯學館除京師設立外。各省不得另設。天津譯學館應即改爲中學堂。但天津譯學館開辦已二年餘。注重外國語言文字。德法文均有。今欲強改爲中學堂。學科無復相同。勢非盡棄舊所學者不可。學生不願。主持者遂下解散之令。近已紛紛別入相當之校。茲有習德文者數人。擬往青島求學。除兩君外。尚有四人。聞之惻然。當此各學堂正在奮勉授課之時。無端令此青年子弟。流離瑣尾。是誰之過歟。日言振興教育。復有此挫折學子之舉動。可勝嘆哉。學部之見解如此。其復奚望。

初二日晴。早四時開船。十一時至塘沽上煤。至大沽又候潮數十分鐘。風平浪靜。意頗灑然自適。據舟人云。連吹狂風已三日。雖老於海行者。亦惟終日僵臥而已。故事。風吹至三日必停。故此大舟行必不遇風。客之福也。聞

之頗慰。在甲板眺望。竟日。晚膳後。略閱小說。酣寢。連日。初三日晴。覺船稍搖動。至十一鐘。到煙台下棧。購西餐二事。白飯一盂。食之甚飽。索洋一元而去。據云由天津紫竹林至大沽。應走六鐘。由大沽到煙台。應走十八鐘。下午一鐘開船。

初四日晴。船近膠州灣。綠波搖漾。如履鏡面上。早餐後。出艙受海風。氣候視天津又似少暖。右岸山脈起伏。蜿蜒無際。云即勞山也。直接至青島不絕。最高峯距海面有十餘里。山腰有白色數點。出遠鏡視之。皆爲廟屋。惟不見一樹。有曾往游行者。言中多古木。盡藏山峽間。海行迎面處。祇危石嵯峨而已。十一時進青島口。先過西鎮。洋樓轟起。德人經營甚繁。十二時始泊青島碼頭。上岸暫住大包島之大亭棧。按大包島或名抱島。在青島之西。接壤之地。華人商務俱在焉。街道清潔。有馬車人力車。惟不甚繁盛。往來者亦不甚憧憧也。到棧午膳後。隨意出門散步。至火車站游覽一周。站室壯固。並不華麗。

視滬甯之蘇滬車站。隘乎遠矣。時適三鐘。有車往高密。汽車甚小。僅掛三等車二輛。貨車一輛。見站上告白。有行用德國政府新鑄之小銀元云云。回棧囑棧役覓取一二枚。知分一角及五分二種。陽面華文。曰青島大德國寶五分或一角。每二十枚或十枚當大洋一元。陰面爲德國國徽。鑄造之年份。及五分或一角之號碼。其質爲鋼。外塗以鎳。五分者大與我國一角者相等。一角者大與我國兩角者相等。重量約均倍之。大亭棧房屋整潔。並有電燈。飯菜亦尙能入口。每日需房飯洋五角云。

初五日晴。早七時四十五分上車。計青島至濟南。約八百里。二等車價八元。棧房有預購大票者。每票可乘坐四十次。共價二百四十元。以十二個禮拜爲限。每次用時。無論若干客。預向站員說明。卽於票之四周方孔中。窺明日月。並戳一小孔。車制甚樸。視京榆路所用之車。差高一級。車上備有食物。聽客任便購用。沿道所經。略有城鎮。惟坊子爲最熱鬧。據云德人又在其地開採煤礦。

甚富也。此路行客尙不十分暢旺。貨物則殊擠擁。膠濟路快車。如攜帶行李。須視其重量。另加運費。其比例率約與二等客價相等。故行客皆將行李另交貨車運濟。費可減半。若手提包物。可隨身攜帶云。過青州。有叫賣蜜桃者。每枚索銅子二枚。味尙甘。車至濟南。先東站。次西北站。又次始爲西站。蓋此路之終點也。先到西北站時。余以爲終站也。將下車。適有一日本女人詢余是否終站。余應之。轉詢旁人。始知尙有一站。日本女人不解華語。方徬徨無措。余與之操日本語。渠頗欣然。囑余代詢路途。並爲之代雇人力車。臨行堅邀過談。此其行動。非我國男子所能及。遑論女人。八點鐘到西站。住大亭棧。同寓有張某。曾在山左候補。頗憾袁湘潭不爲州縣留餘地。余以是知湘潭尙能有益於地方也。

初六日晴。現住地去城尙有六七里。往返極不便。乃決計卽刻移住城內。探詢棧役。知南門內寬厚所街吉陞棧尙整潔。因卽收拾行李。飭棧役送去。余先在城外發上

海南京蘇州各一信。進城到吉陞棧。住客甚多。竟無隙地。暫將行李寄存客堂。與店主人坐談。主人王姓老者。人極誠厚。招呼甚殷勤。允設法騰一榻之地。前在上海動身時。聞史君良材言。嵇君慕陶在濟南農業學堂。惟堂在東關外。因作函命棧役送去。約其來棧晤談。即先往諮議局。局在西城根貢院舊址。房屋已竣工。華好堅美。足稱合用。計價僅四萬餘元。往辦事處。晤書記長張倬甫。正副議長俱在局。即由張君導往議長室。正議長爲楊君運東。副議長爲王君燕泉。（于君莠航適丁內艱）告以來意。頗熱心贊成。副議員數位來談。意見相似。在局午膳。是日適開秘密會議。時近一鐘。即告辭而出。下午四時。嵇君偕鄭君子卿來棧。縱談舊事。同往近處散步。嵇君招飲於吉雲路之吉元樓。又往玉露春洗澡。澡堂備有冷熱水管。大約模倣上海形式。在北地已屬不可多遇矣。十一時回棧。即休息。曲君荔齋丁君佛言曾來棧。惜未之晤也。大明湖爲濟南名勝之區。人恆

稱之。此次頗欲瞻仰。頃見嵇君。詢湖所在。知即西城牆下。沿岸有祠屋數處是也。上午往諮議局時。實過其地。但見濁水一泓。蘆葦數叢而已。純盜虛聲。竟至於此。據云夏日少有芙蕖。晚間臨眺。清風襲人。較之他處。差覺意適。若涉秋冬。不堪涉足矣。

初七日晴。早往題壁堂。訪曲丁二君。曲君未到。丁君方在授課。蓋堂內設有自治研究所也。坐俟丁君下課。劇談移時而別。堂爲蕭何曹參合祠。藩署書吏所公立。赫赫漢相。因史有曾爲刀筆吏一語。遂硬派爲書吏之祖。豈不冤哉。與妓寮之奉設女閭之管仲。同一可笑。上午往東關農業學堂。訪稽鄭二君。在堂午飯。房屋係新建。試驗地亦甚廣。聞本爲蠶業高等學堂。堂內學生。除原有之中等班外。并以各屬中等蠶學畢業者升入。繼學部以蠶業不便特設高等學堂。辦理者恐異日請獎干部。駁。乃易其名曰高等農業學堂。而仍授蠶學。教員以名實不相符。決意辭退。繼絲機方購自日本。裝製尙未竣



工。使用與否。已在不可知之數。我國辦事如此。何往而不岌哉。學部中人。懵然不稔也。在堂見有上海報。適見湯螯先生告白。知其上月三十日抵津。時余尙未上船。惜彼此不相知。未得晤談。滋可惜也。續見報載官營商報議案。爲之一快。此爲江蘇特有之怪事。江蘇諮議局自當有此特別之議案也。下午四時回棧。自學堂至東關車站。須坐小車。自東車站進城。可坐人力車。惟路皆大塊青石所鋪。車行顛頓殊甚。聞石厚尺餘。其質堅硬。數百年可不加修理。中間祇現有車槽而已。晚曲君丁君張君啟臣張君公制周君建龍來棧晤談。各述本屆諮議局提議之事。談及地方自治。則云魯省進行甚緩。自治籌辦處尤不得力。故諮議局提出整頓籌辦處問題云。又聞官場中人有主張不辦地方自治者。有主張緩辦地方自治者。其實則皆不知地方自治爲何事。徒知做官即噉飯計耳。可嘆可笑。諸君別去。已十時矣。初八日晴。上午謁晤孫慕韓中丞。中丞求治之意甚殷。對

於諮議局。頗爲鄭重注意。而於審判廳之設立。地方自治之籌辦。談論尤多。下午往諮議局旁聽。到局始知仍不公開。(按接續三日不公開)在辦事處憩坐休息。時曲君蒞齊來談。并導觀議場。場爲方式房屋。惟前面建柱。取圓形。故設坐席。亦能排成圓式。面積甚廣。坐人處約僅占全場五分之一。屋頂又高。故聲浪頗不易聚。又同往李公祠。稍稍觀覽。即雇小艇。徜徉於大明湖。先往鐵公祠。繼至古歷亭。登岸後。步往題壁堂。適丁周二君授課未去。聚詢蘇屬籌辦自治情形。因舉八月來種種辦法。詳細答之。諸君亟欲照辦。並索寄自治公報一份。晚曲君招飲於學宮前之興盛樓。坐甫定。即聞地下水聲潺潺。開窗視之。清漪見底。其流皆入大明湖。所謂濟水也。席次相與評論。聞見所及之人物。信口說去。不自知其何所云云。七時返棧。知院幕金君蔭塗來晤。並致中丞意。邀往晚膳。棧主爲辭之。自覺精神疲乏。即安寢。而金君偕鄧君伯鈞來棧。堅申前命。請囑棧主勿任即

行。準明晚飲酌。蕭君少瑜亦來。俱辭未接談。

初九日晴。天氣燥熱。八時出門。赴題壁堂。昨晚曲君面告余云。魯省自治研究所乘星期之暇。邀余至所演說一次。已布告大衆。准九時開會云云。余不敢却。早點後。即赴約。時與會者尙未到齊。至九時一刻開會。到者約五百人。先述地方自治之意義。及其功效。次述蘇屬籌辦處之情形。及各屬籌備之次序方法。終略述解釋章程。前後語言冗蔓。歷一點半鐘而畢。丁君致謝詞。推獎過當。匪所敢任。散坐後。即往撫署答訪金鄧蕭三君。皆未及晤談。僅投刺而已。金君向在甯佐溇陽制軍。此次孫中丞特約來魯。鄧君如臯人。在東三十年。於各種情形。皆稱熟悉。現亦充院幕。蕭君長沙人。現派爲到諮議局陳述意見之委員。前此皆未之識也。一時返棧。適蕭君又到棧。諮議局正副議長楊王二君亦同時來候談。許久。又議員王君（印學錦）來談。諸君辭去後。嵇鄭二君偕其同鄉周君來。稍談即留三君在棧午膳。預囑棧

中酌辦數菜。尙可入口。飯後收拾行李。備嵇君等步出南門。觀黑虎泉。泉在天醫閣下。將到時。即聞嘈吵澎湃之聲。閣下先有一小池。長方形。其前又有一方池。左邊方孔。泉出甚湍急。中嵌一石虎頭。虎口噴水。飛沫四濺。池北別有一方孔。乃泉所流出之地。默然坐對。心靜意冷。甚悠然也。據云每至夏令。即有外國人張支篷架。在方池澡身。并禁止華人出入。月價閣中看守人五銀元。此舉殊非情理。名勝之區。上下共之。華人且不便屏去。外國人。而外國人轉欲屏去華人。喧賓奪主。其可哉。特傳聞如是。未知確否。泉西尙有方池四處。一池較深。爲居民汲水之用。左右三池。即用以洗濯。老婦少女。據盤池上。臨流搗衣。風景煞可流連也。去泉稍遠。有小車。盤至西關。往工藝傳習所參觀。所陳列土貨甚多。尙嫌粗鄙。惟水道管甚合用。他日推銷必廣。順道往趵突泉。泉茗。泉在呂祖祠內。爲濟南最熱鬧地。猶蘇之元妙觀。雷及門。即覺甚響。塵上。鑼鼓喧唱之聲震天。舊破衣舊鞋

之肆。駢列無算。乞兒穿梭不絕。真有不可駐足之勢。排入人叢。至茶亭。未就坐。則瓜子花生等塵土堆積之物。羅置几上。嵇君大聲斥之。始去。水味清冽。起觀泉池。亦爲方式。南岸有孔。出水頗急。中央三渦。水自上突。其南者勢尤盛。池左有御碑亭。別有石牌數事。皆昔人留題處。然字跡模糊。已不辨誰何手筆矣。坐移時。別嵇君等。仍入城至撫署。先晤金君。談舊事甚懽。繼及中日新約。金君云。初發布時。巴黎時報著論。言日人應立此約。他國與中國交涉。皆宜取法日本。不得妄詆日本。今日之舉動云云。繼比利士之遠東通信社。力駁其說。我國外。部。又以日本強硬之舉動。通牒各國。日本亦稍稍有憚。列邦清議之意。乃允略去其尤甚者。今日所見之約文。已視初稿爲善。而國民固未嘗前知也。政府之秘密。中國報之無遠聞。社會上遂無聞見。事遂不可問矣。嗚呼。豈不傷哉。談次。金君導往署後游覽。園亭泉樹。實爲濟南之冠。本爲勝國藩邸。金君云。除滇督署爲吳三桂所

經營者外。各省衙署之勝。無逾魯撫署者。東爲演武廳。西爲東園山莊。莊前軒館棋布。皆濟水繞之。其間有亭榭數處。折而南。爲珍珠泉。方可數丈。游魚唼嚙。往來可數。池中央有噴泉一道。其機括則安于池之北岸。泉南爲御碑亭。鄧蕭二君亦來共話。上燈時。步行出署。金鄧蕭三君偕焉。沿署西偏。過西水亭。迤北。又至興盛樓晚膳。席間隨意談論。主客懽暢。七時出西關。仍住大亭棧。行李已由吉陞棧主送來。棧主人待客之周摯。當無如此老者。屢爲余購阿膠水菓等零物。往返十里。徒步背負。其價率較余自購者便宜遠甚。臨行以住時局促。不欲收值。余共酬以二元。固却而後受之。嵇君等又到大亭棧送行。

初十日陰。昨午曾下微細雨。未五分鐘即止。今日天色昏闇。大有變象。七時上火車。越二十五分開行。除酣睡外。閱小說一卷。在車午膳。牛湯一。炸魚一。炒雞蛋一。麵包一。味甚劣。食後腹中作惡。累日。計價八角五分。六時半

到青島。住大享棧。啜粥一盂。即睡。夜間風雨大作。天明雨止。風尙未息。


十一日陰。早起。發慕陶信一封。發寄時。始知青島不用中國郵票。須別向德國郵局購用。惟須用德國新鑄之銅圓。青島往來二分。他處皆四分。信件與明信片一律。早膳後。約記前兩日事。今晚有亨寶洋行之西江船往上海。即囑棧中開一官艙票。索價十四元。余給以十二元。唯唯而去。繼知官艙已無隙地。乃易購二等大餐間。計洋二十元。仍不得。惟有統艙而已。下午四時下船。狂風撲地。海水壁立。沿路坐人力車。幾翻跌。到船覓見統艙方裝貨。臭味中人欲嘔。不得已。商諸帳房。得一水手房作爲官艙。乃仍出十二元。十一時開行。

十二日晴。風猶不息。浪花滿甲板。惟幸風自後來。船不十分顛動。然已終日臥不起。並不進食。免吐而已。

十三日晴。早起船略平。望見吳淞在望。十一時進口。船泊浦東。乘公司中之小汽船上岸。

(完)





# 附錄第五 文苑

武進莊鼎彝茗敷一壩草堂詩選

歸期已定喜而賦此

前日空思歸。欲歸歸不得。今日方言歸。將歸歸可必。此心甫一動。忽忽恍在室。入門吹墳箎。登堂理琴瑟。諸兒聞聲來。厯厯在吾側。歡笑情未已。猛然忽自失。方知身在茲。虛者乃非實。卽此悟至理。性靈尙不沒。反正由祛邪。知白乃守黑。道德可深造。乾坤法不息。吾道將南歸。其旋曰元吉。

擣衣女

盈盈河畔女。日日擣溪頭。勤苦不辭勞。飢寒不自由。慣聞砧杵聲。猥云不識愁。含情向誰訴。清淚落雙眸。我生聽自天。安命又奚尤。但恐似此水。悠悠不可留。

謁東吳陸口守將魯肅墓按肅墓在京口長廣橋東一里不知何以又在漢陽城外也

莽莽一坏土。相傳有此墳。江山爭半壁。形勢定三分。閱世塵霾日。疎財義薄雲。指囷無難色。

慷慨孰如君。

游鳳凰山

天地有高山。嶽崎絕頂攀。飛泉穿石隙。人語出林間。宿霧收飄忽。閒雲自往還。小橋留夕照。坐聽水潺潺。

李闖墓墓在牛跡嶺下闖敗竄至此爲邑人程九伯所殺遂葬焉

牛跡山前一坏土。云是當年獨眼虎。殘骸暴骨何人收。猶聽道旁罵遺虜。自來天命不於常。運移漢祚誰能主。君不見張燕鞞鼓動黑山。更遭李催屠毒苦。何期相隔數千年。直欲抗前而爲伍。投兵所向劫灰飛。鈔略鷓鴣張不忍覩。借問朝廷謀者誰。烏程宜興號良輔。繼之況乃有李楊。亡國之臣曷足數。祖宗培養道無人。嗟哉惟一周甯武。大廈不聞獨立擎。川決所犯誰能堵。長驅從此入燕京。坐看塵埃擾天府。披髮跣走萬歲山。飲恨難將練石補。神器豈竟屬凶頑。王師已布雷門鼓。紛紛竄跡到荆襄。乃爲匹夫所戲侮。至今蹂躪膾荒邱。燔柴樵子猶尋斧。吁嗟乎信王甘爲社稷殉。身亡國破亦千古。

題汪志韶孝廉夢萱室詩存

遺編讀罷淚頻傾。欲向蒼雲訴不平。至行邁倫偏早死。高情追想尙如生。千秋幸有傳家集。

一第曾留天下名。醉魄吟魂落何處。昂頭且自作長鳴。

董子景蘇賦詩見眎爲步元韻以慰之

未許中途了此生。丹須九轉鍊方成。貧如張籍原兼病。老至馮唐始得名。往日性情都不隔。頻年心跡況堪明。投詩默禱神靈護。笑指江程浪已平。

再入羊山二首

淪落欲何求。因人事遠游。遲回且插脚。放蕩一昂頭。飛鳥入空想。鳴泉自在流。孤峯留夕照。南望思悠悠。

憶昨經行地。重來意惘然。容顏媿鴉色。蹤迹逐鷺遷。月落梁仍在。塵封榻尙懸。青山踐舊約。不覺暗流年。

采茶歌

通邑物產茶爲大宗。入山采茶半皆貧女。崇崖疊嶂週旋其間。亦良苦矣。今年茶市疲敝。鄉民重困。男婦怨嗟。讀袁高茶山詩。意猶未盡。因譜采茶歌以足之。

山中女兒采茶去。皎皎行纏踏朝露。請君來聽采茶歌。歌聲嗚咽妾心苦。妾心苦。向高山。高山是妾日往還。往還一步一傾跌。自憐質弱如春妍。明前芽雨前。藥女兒十五年相似嫩藥。



新。芽。半。未。舒。一。朝。摧。折。乃。如。此。此。情。欲。訴。向。誰。伸。脩。蛾。曼。鬢。空。含。顰。采。采。終。朝。不。盈。掬。何。堪。  
手。足。皆。鱗。皴。裙。兒。不。奈。長。衫。兒。不。嫌。短。枝。枝。葉。葉。間。宛。轉。迴。腸。斷。迴。腸。斷。采。茶。女。子。  
最。心。傷。寒。無。一。襲。衣。飢。無。一。宿。糧。飢。寒。歎。何。補。不。如。拔。茶。去。種。桑。

七夕遇雨

歲。歲。長。爲。別。今。朝。一。渡。河。如。何。鸞。馭。杳。不。見。鵲。橋。過。好。景。爲。雲。蔽。良。宵。聽。雨。多。迢。迢。銀。漢。闊。  
始。信。有。風。波。

原  
书  
缺  
页

及夕。盤屈而坐。以從事於一線一鍼。吾弗爲也。其人曰。子所言。乃尋常之紉工耳。吾所授爾之業。則有大異於斯者。少子再思無他術。遂從其言。習爲紉工。臨別。師與以一鍼曰。子持此鍼。不論遇何種之物。卽柔脆如卵。堅強若鋼。均可以此縫之。且鬪接甚密。而無縫際之可尋。無何。而四年之期屆矣。四兄弟仍會於十字之途。歡然相見。共啟程而歸。具以中途所遇及其肄習之業。一一告父。一日。父率四子共坐庭前一高樹之下。父曰。吾今欲一試爾諸子之才。於是仰視樹上。謂其次子曰。此樹之顛有鵲巢。巢中有卵。其數幾何。星士取鏡望之曰。其數爲五。父謂長子曰。爾爲我竊卵下。彼鳥方翼而孵之。母爲所覺。於是猾盜升樹。竊取鳥身下之五卵。以獻於父前。而鳥果不之覺。其父取四卵分布於案之四角。而以其一置於中。謂獵人曰。爾可一矢盡剖其卵爲二。獵人彎弓射之。貫五卵。果如父意。父謂紉工曰。今及汝矣。爲我縫卵及殼而完之。毋使有幾微之害。紉工秉鍼縫五卵。旣畢。使盜還寘於巢。卵一一仍在鳥翼下。鳥初不知。伏而孵之。數日後。殼啁啾而鳴。僅頸上現微紅一線。則紉工縫合之痕也。父喜曰。小子可造。爾曹具此技能。吾無憂矣。無何。國中忽遘一奇變。蓋國王之公主。突爲一巨龍攫去。王日夜震悼。布告國中。有能救公主返者。卽妻之。四兄弟乃相謂曰。此其時矣。吾儕當努力爲之。於是四人共謀救公主。星士先取鏡窺之曰。噫得之矣。吾見公主方坐於海濱一石上。而又有一巨龍守其旁。是非用舟不可。遂共詣王請賜一舟。載兄弟四人入海。

既抵其處。則公主果坐一石上。如星士言。巨龍則伸首倚公主而睡。獵士曰。吾不敢射。苟射之。恐傷及此美公主也。猾盜曰。吾必竭力以効其才。遂彖行進。奮臂抱公主以歸。身手輕捷。龍竟弗之覺。鼾睡如故。四人無任歡怵。挈公主歸舟。舟甫起棹。龍醒。失公主。駕空大吼而至。張牙伸爪。直撲其舟。獵士急彎弓以射。中其腹。殪之。顧龍大物也。驟下墮。波濤怒激。噴湧壁立。全海爲之震搖。舟覆焉。衆人伏一碎板上。岌岌將沉沒。於是紉工急取鍼縫之。未幾而板合。諸人遂坐其上。且揚權。且集破舟之材。共事修葺。頃刻舟成。諸人乃揚帆出海。即日歸朝。以公主還獻於王。王大悅。謂四人曰。汝曹四人俱有功。顧惟一人可尙主。汝曹自推定之。將與誰者。四人遂爭論不止。星士曰。苟非吾持鏡以窺得公主所在。則若曹皆無所施其技。故公主宜歸我。盜曰。若縱能窺見公主。亦何益焉。吾親奪公主於龍爪之下。公主宜歸我。獵士曰。否。公主宜歸我。我不殺龍。若與公主早死龍爪下矣。紉工曰。否。否。爾曹皆不能得公主。公主宜歸我。非我補舟。則爾曹烏得至此。王乃解之曰。爾曹之言皆當。顧旣不能人人有之。則曷若人人不有之爲愈。今吾願留公主。而割半國之富。以酬若曹之功。何如。四人聞言。爭論始息。王遂如言以賞之。從此四子安富尊榮。同居優樂。並各善事其父焉。

(未完)

宣統二年六月官職表(京官)

Table of official positions and names in the late Qing Dynasty, organized by department (e.g., Ministry of State Affairs, Ministry of Revenue, etc.). Includes columns for rank and specific names like 宗人府, 內閣, 吏部, etc.

宣統二年六月職官表 (官京)

院		察										部	
監察御史 京畿道 惠銘		張英麟 副都御史 伊克坦 副都御史 陳名侃 忠廉 陳田 奇承額 張世培 聯豫 徐謙 宜烈 誠壽 王金鎔 徐國盛 聯魁 恩綸 陳錦 宮亮 陳慶桂 榮壽 高潤生 桂斌 陳應禧 朱顯廷										給事中	
院		察										部	
浙江道		遼河道 江蘇道 安徽道 山東道 山西道 河南道 陝西道 甘肅道 新疆道 福建道										遼河道	
唐基鈺		溥清 史履晉 世珣 王寶田 貴秀 石鏡濱 崇芳 黃瑞麟 英奎 王履康 李俊 瑞賢 葉希棠 貴銘 路士桓 崇慶 劉顯曾 德壽 陳善同 文鑑 參秩殿 祥樞 龐基鈺										溥清	
步軍統領			大理院			察院						部	
步軍統領 統領 統兵 統兵			大理院 正卿 少卿 刑科推丞 民科推丞 總檢察 廣慶丞			貴州道 雲南道 廣西道 廣東道 四川道 湖南道 湖北道 江西道						伊凌額 趙熙 富綸 蔡金臺 常瑞 石長信 恩昌 饒芝祥 松廷 胡恩敬 惠裕 蕭丙炎 誠鑑 孫培元 玉春 齊忠甲	
禁煙大臣		法律館		稅務處		鑾儀衛			政務處		資政院		
恭親王溥偉		修訂法律大臣 沈家本		督辦大臣 那桐		溥倫 載澤 那桐 寶熙 熙慶 達壽			管理事務 奕劻 世續 鹿傳霖 那桐 吳郁生		總理 溥倫 俞廉三 丁振鐸 曹鴻勳 李家駒		
各省													
甘肅正監理劉大源		陝西正監理谷如埔		河南正監理唐瑞銅		山西正監理樂平		山東正監理王宗基		安徽正監理郭芳		直隸正監理劉世府	
副監理高增融		副監理薛登道		副監理董念益		副監理袁永廉		副監理章祖傳		副監理熊正琦		副監理陸世芬	
各省													
貴州正監理彭豐源		雲南正監理查陸		廣西正監理汪德博		廣東正監理宋壽徽		四川正監理方碩輔		湖南正監理蔡源深		江西正監理程利川	
副監理...		副監理余晉芳		副監理謝鼎庸		副監理胡大綱		副監理李啟琛		副監理李鴻賓		副監理錢應清	

卷之六

七

七月







宣統二年六月官職表 (官外)

東 廣		川		四		南 湖					
職	文	防	駐	職	武	職	武				
勸巡鹽按提布總	樂警運察學政督	副都統	成都將軍	松重川建	潘慶北昌	川川川建鹽勸巡按提布總	東南北道上茶業警察學政督	永綏鎮鎮鎮	州靖寧鎮鎮	提督	
陳劉蔣俞沈陳袁	紹永式鍾曾夔	鍾 玉	王 崑	開 陳 李	均 均 永	朱 劉 吳	有 朝 朝	馬 梁 周	文 國 瑞	翰 楨 龍	志 忠
陳紹會	劉永芬	鍾 霞	王 崑	開 泰	陳 山	李 芳	李 永	馬 翰	文 翰	梁 楨	周 龍
西 廣		東		廣		廣					
職	文	防	駐	職	武	職	文				
太平左右桂勸巡按提布	恩江江平業警察學政	漢滿廣	軍州州	雷高南潮碭南北海水陸	軍副都統統軍	環高廉南惠南廣	崖雷欽湖潮韶連	道道道道道	道道道道道	道道道道道	道道道道道
紀吳胡王李魏張	堪徽鉅乘芝翰景鳴	孫 琦	琦 琦	黃陸	瑞建	王黃	得培	成李	威炳	成準	李直
李開佐	開 佐	孫 琦	琦 琦	黃培	陸建	王得	培 培	成 準	威 準	李 直	李 直
州 貴		南		雲		西 廣					
職	文	職	武	職	文	職	武				
勸巡按提布	樂警運察學政	昭開	通化	臨普鶴	南南南	左右	江江				
黃文賀陳沈羅	東通通通	文通通	通通通	方劉魏戴曹袁楊索葉沈世	通通通	道道道	道道道				
文玉昌	通通通	張劉劉	嘉全金	方劉魏戴曹袁楊索葉沈世	通通通	道道道	道道道				
防 地		屬		長 江 水 師		州 貴					
防	地	屬	屬	師	水	江	長				
駐幫事財務川事西辦科會庫台烏定副定	藏辦大藏大藏大藏大	辦布多參贊	會辦大臣	岳漢湖瓜	州州州	提督	提督				
參辦大臣	參辦大臣	參辦大臣	參辦大臣	岳州鎮	漢陽鎮	湖口鎮	瓜州鎮				
參辦大臣	參辦大臣	參辦大臣	參辦大臣	岳州鎮	漢陽鎮	湖口鎮	瓜州鎮				

說明

本表所列京官以四品卿堂及御史為限。外官文職以道員為限。武職以總兵為限。其重要差使。雖非實缺。亦附列焉。本表均載實缺人員。無實缺者。則載署事人員。惟尙書侍郎總督巡撫兼載本缺及署缺。本表以本月抄止由上諭發表者為據。其不經明發上諭者。則以本季之縉紳錄為據。

宣統二年六月金銀時價一覽表

日	龍圓每十	小龍圓每十	銅圓每百	市錢每千	墨銀每兩	西銀每兩	標金兩	英鎊
初九	〇・七三一	〇・六四四	〇・五五二	〇・六五四	〇・七三六	〇・八五〇	四一・三五	八・四四五七
廿八	〇・七三二	〇・六四五	〇・五五三	〇・六五四	〇・七三七	〇・八五〇	無市	無市
廿七	〇・七三三	〇・六四六	〇・五五四	〇・六五四	〇・七三六	〇・八五〇	無市	無市
廿六	〇・七三三	〇・六四五	〇・五五三	〇・六五四	〇・七三六	〇・八五〇	無市	無市
廿五	〇・七三三	〇・六四五	〇・五五三	〇・六五四	〇・七三六	〇・八五〇	無市	無市
廿四	〇・七三四	〇・六四六	〇・五五四	〇・六五四	〇・七三六	〇・八五〇	無市	無市
廿三	〇・七三四	〇・六四六	〇・五五四	〇・六五四	〇・七三六	〇・八五〇	無市	無市
廿二	〇・七三三	〇・六四八	〇・五五四	〇・六五四	〇・七三六	〇・八五〇	四一・二七	八・四二八四
廿一	〇・七三三	〇・六四八	〇・五五四	〇・六五四	〇・七三六	〇・八五〇	四一・一六	八・四〇六九
二十	〇・七三九	〇・六五二	〇・五六〇	〇・六五四	〇・七四二	〇・八五〇	四一・〇二	八・三八六五
十九	〇・七四一	〇・六五四	〇・五六二	〇・六五四	〇・七四二	〇・八五〇	四一・〇一	八・四〇二八
十八	〇・七四〇	〇・六五四	〇・五六二	〇・六五四	〇・七四二	〇・八五〇	無市	無市
十七	〇・七三八	〇・六五〇	〇・五五五	〇・六五八	〇・七四四	〇・八五〇	四一・〇四	八・二五九九
十六	〇・七三八	〇・六四九	〇・五五五	〇・六五八	〇・七四四	〇・八五〇	四一・〇三	八・三三九九
十五	〇・七三九	〇・六四八	〇・五五六	〇・六五八	〇・七四一	〇・八五〇	四一・〇七	八・三三三〇
十四	〇・七三九	〇・六四八	〇・五五六	〇・六五八	〇・七四一	〇・八五〇	四一・〇六	八・三三〇四
十三	〇・七三七	〇・六四七	〇・五五四	〇・六五八	〇・七三七	〇・八五〇	無市	無市
十二	〇・七三七	〇・六四七	〇・五五四	〇・六五八	〇・七三七	〇・八五〇	無市	無市
十一	〇・七三七	〇・六四七	〇・五五四	〇・六五八	〇・七三七	〇・八五〇	無市	無市
初十	〇・七三七	〇・六四七	〇・五五四	〇・六五八	〇・七三七	〇・八五〇	四一・〇六	八・二九九六
初九	〇・七三七	〇・六四七	〇・五五四	〇・六五八	〇・七三七	〇・八五〇	四一・〇一	八・三二五二
初八	〇・七三七	〇・六四七	〇・五五四	〇・六五八	〇・七三七	〇・八五〇	四一・〇一	八・三二五二
初七	〇・七三八	〇・六四七	〇・五五六	〇・六五八	〇・七三九	〇・八五〇	四一・〇八	八・三四八七
初六	〇・七三八	〇・六四七	〇・五五六	〇・六五八	〇・七三九	〇・八五〇	四一・〇四	八・三二四四
初五	〇・七三八	〇・六四七	〇・五五六	〇・六五八	〇・七三九	〇・八五〇	四一・〇四	八・三二四四
初四	〇・七三八	〇・六四七	〇・五五六	〇・六五八	〇・七三九	〇・八五〇	四一・〇四	八・三二四四
初三	〇・七三七	〇・六四七	〇・五五四	〇・六五八	〇・七三八	〇・八五〇	四一・〇七	八・三三〇八
初二	〇・七三八	〇・六四七	〇・五五四	〇・六五八	〇・七三八	〇・八五〇	四一・〇九	八・三三九二
初一	〇・七三七	〇・六四七	〇・五五四	〇・六五八	〇・七三八	〇・八五〇	四一・〇九	八・三三九二

各表

四十二

七月

說明

本表將各種錢幣時價。按日登載。以上海規銀一兩為單位。如初一日龍圓時價為〇・七三七。即言龍圓一圓。值規銀七錢三分七釐也。餘可類推。

各種銀兩。秤色不同。然大都有一定比例。略舉如下。

規銀千兩 合庫秤銀 九一二・五〇  
 規銀千兩 合關秤銀 八九七・六五  
 規銀千兩 合廣秤銀 九〇六・三〇

各國金幣。輕重不同。本表只列英國金鎊。茲更將各國金幣。與英鎊之比例。略列如下。

各國金幣 英鎊  
 法國佛郎 〇・〇三九六五  
 德國馬克 〇・〇四九六八  
 美國金圓 〇・〇二六一八  
 日本金圓 〇・〇一〇二三〇

欲知法國佛郎之時價。則查明是日英鎊之時價。以〇・〇三九六五乘之。便得。有時因匯水漲落。稍有出入。然所差亦甚微矣。